


SSH Stacks
DU
740
A2
W3
v. 1233

Wantok
SSH Stacks
UC San Diego
Received on: 02-26-98



WANTOK

NIUSPEPA BILONG YUMI OL PAPUA NIUGINI STRETI - 27 YIA NAU

28 pes Namba 1,233 Wik i stat long Fonde Februeri 12, 1998 50 toea

INSAIT	• Moa skul fi subsidi ripot - pes 2	• Ijape tok Sandline stapim Bogenvil hevi - pes 3	MUTRUS KANAGE BILONG DISPELA WIK LUKIM LONG PES 11 <small>KATIM NA SALIM I KAM</small>

Planti skul bai daunim skul fi

YAKAM KELO i raitim

PLANTI skul bai daunim skul fi bilong ol dispela yia. Planti skul bai sasim tasol olsem K100 o K150 skul fi. Dispela bai i go long ol projek fi. Ol lain i baim ful skul fi pinis, bai skul i bekim bek hap mani bilong ol.

Long las yia, gavman i save helpim ol studen wantaim K250 tasol. Dispela yia em i putim narapela K250 i go antap na mekim kamap K500 long wanwan hai skul studen.

Namba wan seketeri bilong Edukesen Minista, Korowa Pokeya i tokaut olsem ol skul i mas mekim isi long ol papamama nau long skul fi bilong ol pikinini. Sapos ol skul i laik sasim ol studen long projek fi, skul i mas toktok gut na klia long ol papamama long wanem as na ol i laik kisim sampela mani long wok bilong skul projek.

Mista Pokeya i tok wanem toktok o pasin skul i mekim long sait bilong skul projek em i stap long pawa na lukaut bilong skul yet. Tasol em i no ken mekim hat tumas long ol papamama husat i bungim bikpela hevi long bikpela bagarap bilong bikpela san na ais long kantri. Dispela hevi bilong biksan na ais long kantri i mekim na gavman i kamapim dispela K76 milien skul subsidi bilong helpim ol papapama wantaim skul fi bilong ol pikinini, seketeri bilong Minista i tok.

Planti hai skul long kantri i stat nau long traim bekim bek hap skul fi mani bilong ol studen i go bek bihain long ol i bin baim ful skul fi pinis long mun Januari, 1998.

Mista Pokeya i tok sampela skul i laik kamap wantaim ol bikpela projek olsem, baim ka, wokim bikpela haus bilong ol tisa na klasrum na ol arapela projek long skul.

Olsem na ol i laik sasim sampela skul fi i go long ol papamama long baim.

Tasol skul insait long kantri i no klia yet sapos mani bilong skul fi subsidi nesenel gavman i givim bai inapim stret baset plen bilong ol long 1998.

Nesenel gavman i givim pinis K19 milien we planti hai skul, praimer skul na ol vokesenel skul tu i kisim tilim pinis.

Hagen Hai Skul long dispela wik i tok ol i kisim pinis skel bilong ol long dispela subsidi bilong Gavman. Tasol ol i no klia yet sapos dispela mani bai kamap stret long mak bilong baset plen bilong ol long 1998 o nogat. Bikos ol wok bilong skul projek olsem ol haus na klasrum, stretim skul graun na ol wok bilong stretim sindaun bilong ol tisa na studen long skul banis i mas gat mani long mekim. Olsem na ol i no klia sapos dispela skul subsidi inap karamapim sampela kos bilong ol wok projek bilong skul tu o nogat.

Wanpela tisa long Hagen Hai Skul i tok tru bai ol i daunim skul fi bilong ol studen i go daun bikos long dispela sapot bilong gavman. Las yia ol studen i save baim olsem K380 long ol boda na ol de studen i save baim K200. Sapos sampela papamama i baim ful skul fi pinis, bai ol i ken bekim bek hap mani bilong ol studen na hap mani bai i go long projek fi, dispela tisa i tok.

Em i tok ol studen bai baim skul fi yet long daun prais bikos skul i mas kisim sampela mani long ol studen long karimaut ol wok bilong projek na mentenens long skul eria.


Narapela skul long Morobe provins, Wau Hai Skul i oraitim na larim olgeta studen i go long skul maski ol i baim hap skul fi tasol. Tasol Wau Hai Skul i no kisim yet skel bilong em long dispela skul subsidi bilong nesenel gavman olsem na em i wetim yet.

i go moa long pes 2



Kot odarim meri long dai long sut marasin...

• Dispela meri i no meri nating. Em Karla Faye Tucker i gat nem long kilim ol manmeri i dai long Amerika. Ol i pasim em long pawa bet na pawa yet kilim em long las wik Trinde. Pasin bilong em long kilim man i narakain olgeta we kot i sasim em 134 yia long kalabus. - *Lukim ful stori insait long pes 10.*



MUTRUS

MAJOR SPONSA BILONG RAGBY LEAGUE INSAIT LONG PAPUA NIUGINI

GOVERNMENT WARNING: SMOKING IS DANGEROUS TO HEALTH

PLIS RIPOK

MOSBI: Plis long Mosbi i holim na sasim pinis tupela man ol i ting i kilim Air Niugini paillet, William Dori las wik.

Ekting Nesenel Kapitel Distrik Plis Komanda, Suprintenden Jerry Frank i tok ol plis i holim pas dispela tupela man long Tu-Mail long wiken na sasim ol long kilim man.

Mista Frank i tokaut long nem bilong dispela tupela man olsem Tokai Saroi krismas bilong em 16 na Robert Gutuiza, krismas bilong em 15. Tupela wantem bilong ples Komo insait long Tapini long Sentrel provins. I luk olsem dispela tupela man bai sanap long ai bilong kot sampela taim long dispela wik.

Mista Dori bilong ples Lasigi long Kavieng insait long Niu Ailan provins i dai las Trinde taim sampela lain i sutim em long gan insait long ka bilong em.

Mema bilong Kavieng Open, Ian LingStuckey i salim bikpela tok sore bilong em i go long papa bilong Mista Dori, Paul Dori na ol famili bilong em.

HAGEN: Ol man nogut i katim wanpela hai skul tisa meri wantaim naip long Hagen siti long las Fonde taim ol dispela man nogut i laik stil. Long belo taim tupela yangpela mangi i katim Malata Kull wanpela tisa bilong Hagen Park Hai Skul long naip taim tupela i taim long stil. Misis Kul, bilong Morobe na pren bilong em Marie Pena i wok long kaikai long belo i stap long wanpela haus kaikai klostu long Saut Pasifik benk taim dispela tupela man i go na hensem tupela wantaim naip. Bihain ol i stilim bilum bilong tupela i gat ol pen na ki na i laik ranawe tasol ol plis i holim pas ol liklik taim bihain na putim ol long kalabus.

GOROKA: Ol plis long Goroka, i givim strongpela tok lukaut i go long ol meri i raun long Goroka taun long nait. Bos bilong ol plis long Goroka, Buckley larume i givim strongpela tok lukaut i go long ol yangpela meri i raun long taun long nait long ol yet.

Singaut bilong Siv Inspekta larume i kamap bihain long sampela man nogut i repim ol meri na dispela pasin i wok long kamap bikpela long Goroka taun. Em i askim ol meri long go aut wantaim ol man ol i save long ol. Sampela man nogut i repim wanpela meri long Goroka PMV bas stop long las wik taim em i wetim bas long 6.30 long moning.

Long ol arapela bikpela nius bilong pasin nogut, ol plis long Simbu i harim olsem ol man nogut i kilim tripela man long Gumine.

KAVIENG: Kot i rausim tupela man bilong Lahir ailan bihain long ol i go kalabus bikos ol i ting tupela i kilim indai wanpela man bilong Masahet ailan, Augustine Osboi husat i karim naip long nek na ol arapela bodi bilong en insait long wanpela pait nambel long ol Londolovit pipel na ol Masahet pipel long Septemba 30, las yia. Dispela tupela man em long Paul Atchi Amuat na liklik brata bilong en Ben Sapile Amuat, tupela bilong ples Londolovit. Gred faiv mejistret, Mandik Kapin i painim olsem i nogat inap evidens na olsem em i lusim dispela tupela brata i go.

MENDI: Sauten Hailens Provinsel Gavman i tokaut olsem Tari na Poroma distrik nau i stap olsem ples bilong pait. Provinsel plis komanda, Jeffery Kera i tok dispela toksave i kamap bikos long ol bikpela pait i wok long kamap long ol dispela eria na i wok long go het yet. Mista Kera i tok pait long Tari i bruk, taim wanpela man i sutim papa bilong em i dai wantaim wanpela sot gan long las wik. Em i tok dispela pait i kilim pinis foapela man. Pait i kamap namel long ol lain bilong mama na papa bilong dispela mangi.

Tisas asosiesen sapatim projek fi bilong ol skul

YAKAM KELO i raitim

PAPUA Niugini Tisa Asosiesen (PNGTA) mausman Hosea John i sapatim ol toktok bilong ol tisa na bod bilong ol skul long toktok bilong ol long sasim ol studen na papamama long baim skul projek fi.

Mista John i tok skul projek em wanpela samting we skul i mas igat mani long mekim na wokim. Olsem na ol studen i mas helpim long baim liklik mani i go long skul long mekim dispela wok.

Skul projek i save karamapim ol wok olsem ples bilong pilai spot long skul, nupela banis, ol sekyuriti gad bilong skul, nupela haus bilong tisa o klasrum na arapela wok mentenens na developmen bilong skul.

Mista John i tok maski Praim Minista Bill Skate na Edukesen Minista Muki Taranupi i toktok long ol tisa i mas isi long ol papamama na larim ol pikinini i skul, tupela i no lukim hevi na kos bilong ronim na lukautim skul.

Em i tok narapela samting tu em dispela skul fi subsidi nesanel gav-

man i skelim long olgeta skul long kantri no wanpela lo o lejislesen. Dispela em i stap olsem amenmen yet o olsem hap toktok i stap antap long pepa yet.

Dispela i min olsem toktok bilong Edukesen Minista na Praim Minista i no wanpela lo toktok we ol tisa na skul bod bai kisim taim long en.

Tasol toktok bilong gavman i ples klia olsem skul i mas givim sans long ol papamama na save gut long ol hevi bilong ol. Bikos long hevi bilong bikpela san na ais long kantri, planti papamam i sot long painim mani yet. Long dispela as, gavman i laik helpim wantaim dispela subsidi fi.

Dispela subsidi tu i bikpela tumas na i daunim tu level o mak bilong ol skul fi long planti hai skul, praimer skul na ol trening na vokesenel skul long kantri.

Nesanel gavman i givim pinis K19 milien na K19 milien i stap yet we em bai givim long mun Me samting. Nesanel gavman bai givim olsem K38 milien na Provinsel Gavman tu bai givim olsem K38 milien. Dispela bai kamap olsem K76 milien olgeta long skelim i go long olgeta skul insait long kantri.

Gutpela saveman mas stap insait long Provinsal na Lokol Level gavman

LONG ol Provinsal na Lokol Level gavman long ranim gut wok ol i mas gat ol mansave long mekim ol wok.

Is Sepik Gavana na rijonal memba bilong Is Sepik Sir Michael Somare i mekim dispela toktok insait long bung bilong ol gavana long Mosbi long dispela wik.

Sir Michael i tok tupela level bilong gavman ya i mas gat ol saveman olsem ol loya, ol akaunten, ol enjinia na dokta i wok wantaim ol. Em i tok aninit long nupela gavman rifom o senis ol provinsal politisen i kisim moa wok na dispela i no olsem long olpela provinsal gavman sistem.

Em i tok aninit long edministretiv sistem bilong ol provinsal gavman sistem, i nogat ol teknikal opisa long karimaut ol wok bilong edministresen we nau i kam aninit long lukaut bilong Provinsal na Lokol Level Gavman.

"Ol wok insait long edministresen bai i go gut sapos ol i putim ol rait pablik sevan, moa yet ol dispela i kisim gutpela na bikpela skul long ol provinsal kapitel na ol distrik. I mas gat ol loya, ol akaunten, ol enjinia na ol dokta insait long ol provinsal kapitel na distrik long lukim olsem ol wok i ron gut," Sir Michael i tok.

Tasol em i wanpela samting tu ol bikman i mas tingim em ol dispela saveman i mas kisim gutpela ofa long mekim ol i laik wok insait long ol provins na distrik.

Skul subsidi long ol taun skul i liklik tumas

VERONICA HATUTASI i raitim

EM I namba tu wik bilong skul long dispela yia, tasol sampela skul insait long Nesanel Kapitel Distrik (NCD) bai i pas bikos ol i bungim hevi long mani i sot.

Wantok i kisim dispela toktok long sampela skul taim em i ringim ol long kisim ol toktok bilong painimaut sapos skul subsidi polisi bilong gavman i go olsem wanem insait long wan wan skul.

Planti skul i no bin laik autim tingting na ol i tokim Wantok long kisim ol toktok long Edukesen Dipatmen, tasol Wantok i bin kisim toktok long sampela skul.

Wardstrip komyuniti skul em i wanpela long ol skul we bai i pas insait long narapela tupela wik bikos long hevi bilong mani i sot.

Wanpela mausman i tokim Wantok olsem skul bai i pas insait long tupela/tripela wik i kam bikoslong i nogat inap mani long ranim ol wok insait long skul.

"Skul i mas peim ol oksileri wok manmeri, ol lait, wara na telipon bil. Em i gat ol projek long karimaut na dispela mani we gavman i katim olsem skul fi subsidi i no inap," mausman i tok.

Em i tok tru skul i kisim namba wan kwata subsidi mani we inap long K22, 000 tasol dispela mak i no inap long karamapim kos bilong ranim skul.

"Mipela i pasim pinis dispela mani i go long baim ol skul buk.

"Dispela em i namba wan taim Wardstrip komyuniti skul i kam aninit long nupela edukesen rifom sistem na mipela i kisim Gret 7 top-ap. Na em i kostim bikpela mani long kirapim wok long dispela long namba wan yia," mausman i tok.

Em i tok pastaim AusAID i save saplaim ol teks buk bilong skul tasol em i no wokim olsem long dispela yia na skul yet bai i baim ol.

Mausman i tok skul i gat moa long 1,000 sumatin na dispela hap mani we ol i kisim long namba wan kwata i no inap tru long katim K35 i go long wan wan sumatin olsem gavman i makim aninit long skul subsidi polisi. Em i tok ol Gret 7 em ol i katim K350 long wan wan sumatin tasol i luk olsem Wardstrip i no kisim dispela hap mani insait long subsidi mani.

Em i tok long lukluk bilong em, skul subsidi polisi i ken wok long ol ruel eria tasol i no long NCD we olgeta samting i kos mani long ronim.

Long sait bilong sasim skul fi, em i tok "Ol i mas sasim fi bikos skul i no inap ron wantaim nogat mani."

Tasol em i tok long dispela taim, skul i



• St Peter Chanel praimer skul studen long Erima, Mosbi.

stap isi bikos em i bihnaim tok bilong gavman bilong noken sasim fi long ol sumatin na papamama.

Em i tok dispela i no gutpela rot tu bikos em i givim rong tingting long ol papamama we planti bilong ol i ting gavman bai i peim olgeta skul long ol pikinini bilong ol na ol i no inap wokim wanpela samting long edukesen bilong ol pikinini.

Em i tok sampela long ol projek skul i bin laik karimaut long dispela yia tasol mani i sot na ol i larim i stap em klasrum bilong ol top ap we i no pinis yet. Na dispela bilong ol Gret 1 sumatin husat nau i skul aninit long ol diwai tasol.

St Peter Chanel Praimeri skul long Erima em i wanpela Katolik ejensi skul insait long NCD.

Insait long wanpela bung bilong ol papamama las Sande we Bod ov Menesmen bilong skul i bin singautim long kiarim ol toktok long skul subsidi, ol i bin wanbel long peim prosek fi. Ol i wanbel long mak we ol i bin kamap wantaim long las yia yet na dispela em K55 long wan wan sumatin.

Siaman bilong BOM long Sen Peter's Conrad Turalir i tok dispela fi em i no fainol mak bikos ol i mas kisim tok orait long ol atoriti bipo ol i ken sasim ol papamama. Olsem na BOM bilong Sen Peters bai i kisim dispela proposel i go long Asdaiois Edukesen Bod (AEB) we bai i lukluk long en, glasim na skelim. Bihain AEB bai i skruim toktok wantaim Distrik Edukesen

Bod we long hia em NCDEB bilong givim fainol tok orait long en.

"BOM i no inap long sasim fi long ol papamama sapos em i no kisim tok orait long ol atoriti we em i kam aninit long en Na mipela tu i no inap paitim toktok wantaim NCDEB. Olsem mipela i bihainim rot we mipela i go long Katolik Edukesen seketeri husat i kisim i go antap long AEB long sindaun na skelim ol fi. (Projek) Fi i mas stap aninit long K70 na i no go antap. Orait, bihain long AEB i skelim pinis, ol bai i kisim i go long DEB long givim fainol tok orait na em i kam aninit long lo. Bihain long dispela mipela ol i ken tokim ol papamama long baim ol skul fi," Mista Turalir i tok.

Planti papamama i luksave long hevi we skul i gat long sait bilong mani long ranim skul. Ol bin luksave tu olsem sapos ol i no helpim skul wantaim fainensol helpim, ol pikinini bilong ol ino inap kisim gutpela skul na olsem ol i wanbel long peim K55 projek fi. Sampela i bin redi tasol long tok yesa tu sapos skul i surukim projek fi i go antap tasol bod i tok ol papamama i mekim bikpela hatwok long tupela yia i go pinis taim ol i sasim ol K150 skul fi long sanapim tupela nupela dabel top ap klasrum we skul i yusim nau bilong ol Gret 7 na 8.

Mista Turalir i tok skul i kisim K16,000 plus olsem subsidi mani long namba wan kwata long dispela yia na hetmistres i wok long tilim i go long mak bilong wan wan sumatin.

WANTOK

All departments. Phone: 325 2500 - Fax: 325 2579
P. O. Box 1982, Boroko, NCD, Papua New Guinea

Publishing Weekly, Thursday, for
Word Publishing Company Pty. Ltd.

Printed and published by Anna Solomon of Bittern Place, Gordons, at Allotment 2, Section 209, Spring Garden Road, Hohola, for Word Publishing Co. Pty. Ltd.

Acting General Manager and Group Editor in Chief:
Anna Solomon.
Advertising Manager:
Mike Kanin.

Papers distributed by air throughout PNG.

Available by air mail subscription within Papua New Guinea and overseas

Editor of Wantok:
Leo Wafiwa.

Advertising deadlines, Display bookings: Tuesday midday. Camera ready copy: Wednesday midday. Classified Advertising: Wednesday 5pm.

Word Publishing Company Pty. Ltd. is owned by the four major churches of Papua New Guinea: Catholic 55%, Lutheran 25%, Anglican 10%, and United 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Pty. Ltd. and are set out in full on the reverse side of its official display Advertising Bookings form.

WANTOK

NIUSPEPA BILONG OL PAPIA HUGI 4 STREET

Ol taun na siti skul nidim projek fi

Planti skul i redi long holim kibung wantaim ol papamama na stretim toktok long skul fi bilong ol pikinini. Sampela skul i holim pinis dispela kibung. Na olsem planti i save pinis, toktok pait i go i kam.

Sampela papamama i karim tok bilong Praim Minista Bill Skate olsem gavman i baim skul fi subsidi. Olsem na ol skul i noken sasim skul fi o projek fi. Planti skul i bihainim dispela oda bilong gavman na Edukesen Dipatmen. Sampela i no bihainim na salim ol pikinini i go bek long ples.

Dispela wik nupela ripot i kam aut olsem sampela skul bai pas klostu. Dispela em ol skul insait long ol taun na siti olsem Mosbi. Bikos ol i i sot long mani bilong baim ol skul samting, ol wokman meri bilong skul, wara saplai, pawa saplai, na sampela moa. Long wanem skul fi subsidi i no inap long karamapim ol dispela samting. Maski ol i kisim pinis subsidi mani bilong namba wan tripela mun bilong yia.

Em i tru olsem ol skul long taun na siti i nidim moa mani long ol dispela i stap long ol rurel eria. Bikos ol i mas baim ol samting olsem pawa na wara saplai. Na subsidi mani i no inap long karamapim dispela.

Bikpela sore long dispela. Bikos mekimsave bilong dispela bai go long ol skul pikinini. Tasol bai mipela poinim finga nau long husat? Em rong bilong gavman, ol skul o papamama?

Em i no gutpela long poinim finga long wanpela. Tasol em i gutpela long mipela save olsem paul i stap nau long projek fi em wanwan skul i sasim. Ol taun skul i nidim tru dispela projek fi. Tasol gavman i tok ol skul i noken sasim dispela fi. Bikos subsidi fi i go long wanwan skul.

Tasol askim em subsidi fi bai karamapim olgeta kos em skul i nidim o nogat? Ol skul i tokaut pinis olsem em i no inap. Dispela i soim olsem sampela skul, bikpela long ol dispela i stap long ol taun na siti, i nidim tru projek fi. Tasol fi i noken givim moa mekimsave long papamama. Tasol papamama mas save olsem em i wok bilong ol tu long pikinini i skul na kisim save.

Moabeta gavman i mas kam aut klia wantaim dispela, bai ol skul i noken bungim hevi.

Ijape tok Sandlain stapim pait long Bogenvil

...Los Komisen i harim olsem dispela em i no tru


WENCESLAUS MAGUN I raitim

Namba tu Komisen bilong Sandlain enkwairi i harim long Trinde Februari 11, 1998 long Waigani Nesenel Kot haus olsem ol disisen bilong baim ol praivet ami bilong Sandlain na ol elektronik samting bilong pait i pretim ol Bogenvil Revelusineri Ami (BRA) na dispela i bringim bel isi long ailan.

Olpela minista bilong Difens Fos, Mathias Ijape i tokim Jastis Kubulan Los Komisen, em i bilip tru olsem disisen gavman bilong Chan/Haiveta i mekim bilong kisim ol praivet ami bilong Sandlain i helpim long stapim pait long Bogenvil na bringim bel isi.

Olgeta arapela toktok bilong bringim bel isi long ailan we i wok long kamap nau i no inap kamap sapos gavman bilong Chan/Haiveta i no bin laik kisim ol praivet ami bilong Sandlain i kam na go pait long Bogenvil.

Mista Ijape i sanap strong tru long dispela tingting bilong em taim em i bekim sampela askim i kam long Kaunsel bilong olpela Difens Fos



• Mathias Ijape.

Komanda, Jerry Singirok, Moses Murray.

Mista Ijape i tok disisen bilong baim ol praivet ami bilong Sandlain long kam na go pait long Bogenvil em i wanpela "rait disisen". Ol arapela samting i kamap long bringim bel isi long Bogenvil i kamap bikos long disisen bilong baim ol praivet ami bilong Sandlain.

Em i tokim Los Komisen olsem, taim gavman i no mekim disisen bilong baim ol praivet ami bilong Sandlain na ol elektronik masin bilong pait, ol BRA i no pret o surik liklik long ol ami bilong PNG. Nogat

tru.

"Ol (BRA) i save olsem ol ami bilong PNG i nogat ol gutpela samting bilong pait. Na ol i no fit long stapim ol BRA. Olsem na ol BRA i sanap strong long pait na salensim gavman bilong PNG," Mista Ijape i tok.

Em i tok taim gavman bilong Chan/Haiveta i mekim disisen bilong baim ol praivet ami bilong Sandlain na ol elektronik masin bilong pait long Bogenvil, ol i soim ol BRA olsem gavman bilong PNG i no surik long ol BRA. PNG gavman i redi na bai go het long stapim ol BRA long wanpela taim na long las taim.

Tasol Mista Murray i askim Mista Ijape long sekim ol ripot i kamap long Fonde, Januari 29, 1998 bilong The Nesenel niuspepa long namba wan pes na pes tri na moa ripot long Fraide Januari 30, 1998 long Post Courier niuspepa long pes tri, we Praim Minista bilong Solomon Ailans, Bartholomew Ulufa'alu i stapim ol masin samting bilong pait inap long mak bilong US\$4 milion (K7 milion) we gavman bilong Solomon

Ailans i baim bilong redi long pait wantaim PNG bihainim ol hevi long Bogenvil.

Mista Murray i tokim Los Komisen olsem toktok bilong Mista Ijape em i no tru. Bikos ripot i kamap long The Nesenel na Post Courier i soim ples klia tru olsem disisen gavman bilong Chan/Haiveta i mekim bilong baim ol praivet ami bilong Sandlain i no inap stapim pait long Bogenvil. na i no inap bringim bel isi.

Em i tokim Los Komisen olsem disisen bilong baim ol praivet ami bilong Sandlain inap kamapim wanpela bikpela pait tru namel long ol BRA na moa yet Solomon Ailans wantaim PNG.

Mista Murray i go het na tok olsem Los Komisen i mas luk-save olsem disisen bilong Mista Singirok bilong stapim ol praivet ami bilong Sandlain long Mas 17, 1997, em i wanpela gutpela disisen tru. Bikos stat long dispela de na taim i kam inap nau bihain long klostu 10-pela yia, pasin bilong painim bel isi na gutpela sindaun long Bogenvil i kirap na i wok long go het gut.

1998 nesenel baset bai i olsem K2.7 bilien

YAKAM KELO i raitim

MINISTA bilong Nesenel Plening na Implimentesen, Sir Mekere Morauta i tokaut aste olsem 1998 nesenel baset bai sanap olsem long K2.7 bilien. Dispela K2.7 bilien em mani bai i go aut long karimaut ol wok insait long olgeta provinsel gavman, gavman dipatmen, gavman pro-

jek na sevis, ol skul na helt na planti arapela wok moa we gavman i save lukautim wantaim mani olgeta yia.

Sir Mekere i mekim dispela toktok long bekim askim bilong Gavana bilong Oro provins Sylvanus Siembo insait long kibung bilong olgeta provinsel Gavana long Mosbi dispela wik.

Mista Siembo i askim sapos em i ken save long amas tru bai Nesenel Gavman i brukim long 1998 baset bilong kantri.

Dispela bung bilong ol Gavana i mekim planti toktok tu long sait bilong baset bilong ol na amas Nesenel Gavman i save givim ol. Na ol wok we ol i save brukim na skelim mani i go long ol.

Olsem na 1998 nesenel baset em bikpela samting tu ol wanwan Gavana bilong ol provins i laik save bikos ol tu i ken save long amas provins bilong ol bai kisim long ol i ken wokim provinsel baset bilong ol.

Planti skul bai daunim skul fi

i kam long pes 1

Tasol skul fi bai i no inap fri long ol. Bai ol studen i baim sampela skul fi. Ol studen i baim ful skul fi olsem K355 long ol boda studen bai kisim bek hap mani bilong ol taim dispela skul fi subsidi i kam insait long pasbuk bilong skul. Wankain tu long ol de studen.

Wanpela Vokesenel skul long Rabaul, Is Nu Briten

provins i askim sapos Nesenel Gavman bai givim mani bilong karimaut wok mentenens na projek bilong skul. Menasa bilong Raval Vokesenel Skul, Bobo Dale i tok mentenens na projek kos bilong skul bilong ol i olsem K8,000. Na sapos Gavman bai stretim dispela, orait ol i ken bekim bek skul fi mani bilong ol studen. Bikos save

bilong ol dispela tisa i olsem, skul subsidi i go bilong helpim ol studen wantaim ol klasrum samting bilong ol we ol i ken yusim long rit na rait insait long klasrum. Na subsidi i no i go long pemen bilong skul projek na mentenens samting.

Kokopo Hai Skul long Rabaul i save gat ol de studen tasol. Em i nogat dome-

tori bilong ol studen i slip. Olsem na ol i save sasim K160 long skul fi bilong ol studen. Insait ripot i tok nau skul i laik givim bek K100 bilong ol studen na kisim tasol K60 long ol. Dispela bai daun tru long kantri we ol studen bai baim K60 long skul fi. Dispela mani em bilong go stret long ol skul projek wok.

WANTOK

NIUSPEPA BILONG OL PNG STRET

P. O. Box 1982, Boroko
Telepon namba: 325 2500
Feks namba: 325 2579

PE BILONG WANPELA VIA 52 NIUSPEPA

PLES	AIR
Mosbi	K 40.00
Arapela PNG eria	K 75.00
Ostrelia na Nu Silan	K115.00
Esia Pasifik na Japan	K150.00
Amerika na Yurop	K215.00



Bogenvil nius wantaim VERONICA HATUTASI

Ol Bogenvil papamama i amamas long skul sabsidi

EDUKESEN skul fi sabsidi polisi bai i wok gut sapos edukesen divisen long provins, ol skul bod na ol komyuniti i wok wantaim long lukim olsem ol samting i ron gut.

Provinsal Asisten Edukesen seketeri long Bogenvil Tony Tsora i mekim dispela toktok insait long wanpela toksave pepa we em i salim i go long olgeta skul insait long provins, ol distrik menesa, primia na ol bikman long Bogenvil Transisenel Gavman.

Mista Tsora i tok skul fi sabsidi polisi i bilong helpim ol papamama long daunim hevi long tromoi bikpela mani long skul bilong ol pikinini.

Tasol em i tok sabsidi i no inap long baim olgeta samting long skulim ol pikinini insait long wanpela yia na em i bikpela samting long ol papamama na komyuniti long tingting olsem ol tu i gat wok

long helpim skul sapos em i singaut insait long taim bilong skul yia.

Mista Tsora i tok long Bogenvil, ol i no sasim ol sumatin long baim skul na projek fi long dispela yia bikos mani long skul sabsidi i karamapim olgeta samting.

Em i tok ol papamama long provins i amamas tru bikoshevi long ailan i wokim na planti bilong ol i nogat rot long kisim mani long peim skul fi long ol pikinini.

Mista Tsora i tok provins i kisim pinis namba wan kwata skul sabsidi fi we inap, long K1.3 milien. Ol i stat pinis long tilim i go long ol skul.

Em i tok em i putim strongpela toksave i go long olgeta skul long provins bilong noken sasim fi i go long ol sumatin. Tasol sapos sampela skul i laik sasim projek, fi ol i mas putim aplikesen pastaim i go

long provinsal edukesen opis. Em i tok inap i kam nau, olgeta skul long Bogenvil i bihainim toksave long opis bilong em. Em i tok ol sios ejensi skul long provins we i karamapim Katolik na Yunaited ol i memba long nesenel edukesen sistem na ol i kam aninit long helpim bilong gavman. Seven De Edventis sios tasol em i no memba bilong nesenel edukesen yunifaid sistem.

Mista Tsora i tok ol i brukim ol skul fi sabsidi mani long Bogenvil olsem:

- Wan wan sumatin long ol elementeri levul ol i katim K20;
- Ol Gret 1-6 i katim K35 long wan wan sumatin na long ol;
- Ol pemitet skul i kisim K25 long wan wan sumatin.

Long ol sekonderi na vokesenel skul, ol boda o ol sumatin husat i

slip long skul em ol i katim K500 long wan wan sumatin taim ol de skul sumatin em ol i katim K350 long ol.

Ol Kolis ov Disten Edukesen (CGDE) sumatin em ol i katim K40 long wan wan subjek taim ol sumatin long ol pemitet skul i kisim K25 sabsidi long wan wan sumatin.

Mista Tsora i tok planti skul long provins we i bin stap pas long bikailan Bogenvil insait long 10-pela yia bilong hevi bai i op long dispela yia bikos sindaun i wok long kamap orait.

Buin provinsal hai skul em i wanpela long ol.

Mista Tsora i tok skul bai i op na kirapim Grets 7, 8 na 9 klas.

Em i tok bikpela samting em ol i mas stretim ol klasrum na ol arapela samting bilong skul we i bin

bagarap long taim bilong bikpela hevi.

Yuropien Yunien (EU) i redim pinis K100,000 bilong mekim ol wok long stretim ol samting bilong skul, Mista Tsora i tok.

Em i tok tu olsem wok bilong mekim Hutjena Hai skul i kamap olsem wanpela sekonderi top ap skul bai i stap pastaim inap long 1999 bikos long wanem EU i gat hevi long sait bilong mani.

Em i tok tu olsem Oria komyuniti skul we i stap long ol maunten bilong Buin na dispela hap i wanpela strongpela eria bilong ol BRA i kirapim top ap long dispela yia. AusAID, helpim grup bilong Ostrelia i helpim skul wantaim ol samting bilong yusim long rit na rait long skul, ol nupela klasrum na ol arapela samting we skul i laikim.

Oksileri plis long lukautim lo na oda long Bogenvil

BOGENVIL bai i gat ol oksileri plis long olgeta hap bilong lukautim lo na oda insait long komyuniti, ples na provins.

Provinsal Pils Komanda Joel Kean i tokaut olsem long dispela samting long dispela wik.

Inspekta Kean i tok dispela i bihainim tingting bilong gavman long putim pils insait long wan wan eria bilong lukautim lo na oda.

Em i tok bikpela tingting i stap em long pils bilong givim trening i go long ol yangpela man long ples na dispela i karamapim ol resistens grup, ol BRA na ol homgad o ol man nating i lukautim ples.

Mista Kean i tok ol i lukluk tu long husat meri i gat laik long joinim pils em i gutpela tasol ol bai i kisim ol tu.

Em i tok long mun Desemba las yia em wantaim sampela lain wokman i bin raun i go long Buin, Siwai na Nagovis long karimaut ol aweanes long dispela samting na tu

long kisim nem bilong ol yangpela manmeri husat i gat laik long kamap olsem ol oksileri plis.

Na ol i bin kisim strongpela sapot long komyuniti, ol sios na meri grup na ol siefs long kirapim oksileri pils insait long ol ples.

Mista Kean i tok nau em wantaim ol lain bilong em bai i raun i go olsem long Wakunai, Torokina na Atols eria long karimaut gen aweanes na kisim nem bilong ol yangpela husat i laik kamap ol pilsmanmeri.

Em i tok ol bai i karimaut trening insait long wan wan distrik senta bikos long dispela rot, ol papamama, ol meri na pikinini bilong ol yangpela i ken lukim long al bilong ol yet ol skul we ol i kisim na bihain yusim long helpim komyuniti bilong ol yet.

Em i tok projek ya em i gutpela bikos olsem long Buka distrik we ol i gat oksileri pils insait long ol komyuniti na

ples, ol yangpela i bilong ol ples yet na ol i gat gutpela save long ol samting insait long ples na komyuniti bilong ol.

Em i tok ol pipel i laikim trening program i kamap kwiktaim.

"Em i gutpela long statim dispela samting kwiktaim bikos taim ples i wok long kamap orait, ol pipel i wok long kirapim ol liklik tred stoa bilong ol, ol kakau na kopra bisnis na i gutpela long gat ol plis we bai i givim sekyuriti long ol samting i ron gut," Mista Kean i tok.

Em i tok long Siwai distrik yet, em i kisim nem bilong 75 yangpela husat i laik kamap olsem ol oksileri pils na long dispela mak, 5-pela em ol yangpela meri.

Mista Kean i tok long olgeta hap bilong ailan i nogat meknais, aweanes tasol long ol toktok bilong Lincoln Agrimen i wok long go het gut.



• Liklik manki Jeremy bilong ples Monoitu long Siwai i stap amamas na malolo long gut long ples long taim bilong Krismas. Long taim bilong skul holide, Jeremy i amamas long lukautim tupela pisin bilong em. Hap wok bilong em i bilong painim popo long givim ol pisin long en.

UNDP bai tromoi K3.5 milien long ol program bilong stretim Bogenvil

YUNAITET Nesens Developmen Program (UNDP) bai i tromoi K3.5 milien long helpim Bogenvil i karimaut ol program bilong stretim bek ples na pipel long ailan. Dispela em ol program bilong stretim na kirapim gen ol samting bilong skul, helt, ol projek bilong pulim mani long en, stretim ol samting long salim toktok i go na i kam insait long ailan na ol rot na bris samting.

Kodineta bilong UNDP long Mosbi Peter Witham i tokaut long helpim we ejensi bilong em i laik givim long Bogenvil bihain long Lincoln Agrimen, ol toktok we ol nesenel na Bogenvil lida i bin kamapim long Nu Silan long las mun.

Mista Witham i tok K3.5 milien ya em UNDP i katim long helpim Bogenvil long karimaut ol program insait long 18-pela mun. Em i tok ol bai yusim mani long karimaut ol projek we bai i helpim komyuniti na ol pipel long kisim bek gutpela sindaun. Long mun Novemba las yia wanpela Yunaited Nesens grup i bin mekim lukluk raun i go long Bogenvil long kisim ol kliapela save long wanem samting ha rot ol i ken helpim ailan na pipel long rot bilong kamap orait gen. Dispela i bihainim

ripot we ol wanlain bilong ol i bin karimaut long 1995 na ol i bin makim 35 projek long Bogenvil we UNDP i ken sapotim ol wantaim mani long en. Ol program i sut long foapela eria, Mista Witham i tok. Dispela em long:

- Givim wok we ol pipel i ken pulim mani long en;
- Bringim bek ol sevis olsem helt, edukesen, trentop na komyunikesen;
- Karimaut ol program we bai i stretim tingting bilong ol yangpela na komyuniti i ken kisim ol bek na;
- Helpim ol meri na ol pikinini.

Mista Witham i tok UNDP i bin kamap wantaim ol dispela eria bilong givim helpim long Bogenvil bihain long wok bung wantaim nesenel gavman, Bogenvil Transisenel Gavman na Bogenvil Interim Gavman. Em i tok klostu taim nau wanpela grup bilong UNDP bai i go long Bogenvil bilong skruim ol toktok long dispela samting wantaim ol lida. Em i tok insait long bung wantaim ol lida ya, ol bai i makim ol bikpela projek we ol i laik kirapim kwiktaim.

Mista Witham i tok bihain long 18 mun sapos ol wok projek i ron gut insait long taim ol i makim, UNDP bai i givim moa helpim gen.



BIABIA RITIM WANTOK
NIUSPEPA NA LUKIM PLANTI
KORAPTSEN TUMAS NA EM
BELHAT... BIARY TUMAS G*RT!
KORAPTSEN!!

SAPOS MI
KAMAP PRAIM
MINKSTA, OL-
GETA BAI
PINIS!!

LONG SEIM TAIM TELEFON
BILONG
EM I RING...
YESS!

ER.. BOSS!!
MIPELA KISIM
OL KAR STIRIO
YU LAIKIM
LONG EN PINIS...
50 BAKS EACH!

SSH! NOKEN
TOK-TOK BIKPELA.
ORAIT, WETIM MI
BAI MI KAM!

SSH! NOKEN
TOK-TOK BIKPELA.
ORAIT, WETIM MI
BAI MI KAM!

ENB provinsel disasta komiti putim tok lukaut

NELSIE GIRAURE-SAYA i raitim

IS NIU BRITEN (ENB) provinsel disasta komiti i putim tok lukaut long ol notis bod long wan wan eria insait long provins long toksave bilong maunten paia.

Kodineta bilong provinsel disasta komiti, Peniel Lotu i tok i gat tupela kain toksave. Wampela ol i putim long ol nambis na arapela ol i putim long as bilong ol maunten paia Tavurur na Vulcan.

Long tok klia long dispela, Mista Lotu i tok, "dispela tupela maunten paia i nogut tru na ol pipel i noken go raun nabaut klostu long ol. Maunten Vulcan i gat planti ol baret na wesana long sait, na maunten Tavurur i pairap yet."

Em i tok as tingting bilong putim ol dispela tok lukaut notis em bilong tambuim ol pipel bai ol i noken go klostu long ol dispela maunten paia bikos ol i ken kamapim bikipela birua.

Mista Lotu i go het na tok olsem ol i putim tu ol dispela tok lukaut bihainim nambis bilong Bitapaka lokol level gavman eria we ol pipel i lus long solwara taim ol i go waswas.

"Mipela i putim notis long nambis bilong Buata na Raiva insait long Bitapaka eria na long Matalau, se ol pipel i lus long solwara taim ol i waswas i stap o tait i kisim ol i go," Mista Lotu i tok.

Em i tok ol i givim strongpela tok lukaut i go long ol pipel long was gut taim ol i go waswas long ol dispela eria na tu taim ol i go piknik.

Koimanrea askim Nesenel Gavman long bilipim ol Gavana

YAKAM KELO i raitim

NESENEL Gavman i mas gat bilip long ol Gavana bilong ol Provinsel Gavman na givim ol mani na pawa bilong mekim wok bilong sevim ol pipel. Sapos dispela kain pasin i kamap, bai sevis i ron gut long antap na go daun long ol pipel. Gavana bilong Is Nu Briten provins Francis Koimanrea i tok.

Mista Koimanrea i ting tu olsem Nesenel Disasta na Emejensi Sevis (NDES) tu i nogat bilip long ol lain bilong Provinsel Disasta na Emejensi komiti long givim ol mani na ol pawa bilong karimaut ol wok insait long dispela taim nogut bilong bikipela san na ais long kantri.

Mista Koimanrea i tok ol Gavana tu em ol pipel i makim ol insait long nesenel ileksen. Olsem na Gavman i mas bilip long ol olsem lida bilong pipel na givim ol mani na pawa

bilong mekim wok insait long provins bilong ol.

Em i tok olgeta provins i gat Provinsel Disasta komiti na sampela tu i statim pinis rot bilong ol igo insait long ol distrik we ol i gat Distrik Disasta Komiti pinis. Dispela rot i op olsem nau long provinsel level tasol antap long nesenel level em ol i no givim sapot na bilip long salim mani na pawa i go daun.

Gavana Koimanrea i tok tu olsem Gavman i mas kamapim gutpela lo we i gat ol han i bihainim gut rot bilong en i go daun. Dispela bai mekim isi long ol man i karimaut dispela wok bilong disasta na emejensi sevis na ol nesenel lida long gavman long i ken mekim wok bilong ol bihainim dispela rot bilong karim ol saplai na sevis i go daun long helpim ol pipel.

Gavana bilong Is Nu Briten Francis Koimanrea i olsem siaman bilong olgeta Gavana bilong provins. Em i tok moa

olsem Gavman wantaim Fainens dipatmen i mas kamapim wampela Tras Akaun (pasbuk) insait long olgeta provins na tromoi mani bilong helpim ol pipel long ol kain bagarap na hevi i go stap long en. Dispela bai mekim isi long ol provins i ken kisim mani isi tasol na helpim ol pipel bilong ol hariap long taim bilong bagarap na hevi long bihain taim.

Em i askim Nesenel Gavman long i mas gat bilip na wok bung wantaim ol Gavana bilong provins na tupela wantaim i mas sanap olsem poroman long helpim na kirapim kantri na ol pipel bilong en.

Gavana bilong Sandaun provins, John Tekwie i tok Nesenel Gavman i mas opim Tras Akaun long wanwan provins na lusim olsem K1 milien long olgeta pasbuk ya long ol provins. Dispela em bilong ol i ken kisim isi na yusim long taim bilong hevi na bagarap. Bikos ol i noken hatwok long ron i go kam long

Mosbi long askim Fainens opis long mani bilong ol.

Mista Tekwie i tok provins bilong em i bin kamapim olsem K30 milie. long timba bisnis. Na dispela olgeta mani i go long Nesenel Gavman na i nogat wampela i stap long provins bilong em.

Dispela samit o kibung bilong ol Gavana i bin kamap long kisim tingting bilong ol long ol wok na hevi bilong provins long sait bilong mani we i sut long baset, ol pawa bilong em aninit long nupela rifom sistem bilong Provinsel na Lokol Level Gavman, hevi bilong drai na ais long kantri, ol bisnis wok bilong provins, lo na oda long provins na ol arapela hevi moa.

Provinsel Afeas na Lokol Level Gavman Minista Simon Kaumi i tok bai em wantaim ol Minista husat i stap long dispela bung bai kisim ol tingting bilong ol Gavana na raitim ripot i go long kabinet i ken lukim na toktok long en.

Ol Gavana tokaut long hevi bilong biksan na ais

OL manmeri husat i stap long longwe o bikbus ples tru i save namba wan lain long bungim hevi na dai taim bikipela san, bikipela ren na graun bruk na ol kain hevi i save kamap long kantri. Bikos ol i nogat rot bilong kisim helpim hariap long sevim laip bilong ol.

Gavana bilong Sandaun provins, John Tekwie i mekim dispela bikipela toktok long kibung bilong olgeta provins Gavana long dispela wik long Mosbi.

Mista Tekwie i tok ol lain bilong em long Yapsie eria insait long Saundaun provins i bin kisim wampela kain sik na i dai. Dispela sik i bin kamap we i nogat luksave long kamap bilong en na i nogat dokta o haus sik i stap klostu long helpim ol pipel. Na tu i nogat gavman sevis olsem telefon na rot bilong ka i stap we ol pipel i ken yusim long kisim helpim. Na taim bilong bikipela san i bin kamap, ol manmeri i dai isi tasol.

Sandaun Gavana i tok dispela em wampela bikipela hevi Gavman i mas stretim pastaim. I mas i gat rot, bris, haus sik, skul na arapela Gavman sevis i stap klostu long ol pipel. Na sapos bikipela hevi olsem nau i kamap long kantri, ol pipel i ken traim long askim na kisim helpim hariap long sevim laip bilong ol.

Mista Tekwie i tok, taim mipela i toktok long helpim pipel wantaim sevis na developmen, mipela i toktok long ol dispela samting. Olsem na Gavman i mas lukim olsem olgeta ples insait long Papua Niugini i gat dispela kain sevis na helpim i stap.

Gavana bilong Sentrel provins, Ted Diro i tok Gavman bilong PNG i noken ting olsem kantri bilong mipela i gat planti risoses na planti mani we em i ken stretim hevi bilong bikipela drai na ais long kantri. Mipela i mas tingim olsem mipela em liklik kantri we mipela i sot long mani. Tasol Gavman i mas redi na mekim wok helpim bilong em i go insait long dispela hevi bilong drai na ais wantaim wa'em liklik strong na sapot em i gat, Mista Diro i tok.

Mista Diro i tok sapos yumi lukluk gut insait long laip na sindaun bilong ol pipel bilong Papua Niugini, olgeta manmeri i nogat planti mani. Ol lain

long ples i save kamapim olsem K700 long wampela krismas. Ol liklik wokman long taun na siti i save painim olsem K3,000 long wampela yia. Olsem na sapos mipela i skelim gut, olgeta manmeri bilong PNG i nogat planti mani.

Em i tok dispela em rot bilong Gavman long sanap long en na mekim plen bilong sanap na bihainim long helpim ol pipel long bihainim taim sapos kain hevi olsem bikipela san, ais na tait wara o graun bruk i kamap.

Tasol wampela samting mipela i save strong long en na stap long planti kris-mas bipo i kam em pasin bilong wantok sistem. Ol pipel bilong mipela i save helpim na sapotim narapela narapela long taim nogut long planti krismas i kam inap nau. Olsem na Gavman i mas yusim dispela olsem rot na mak long wokim plen bilong bihain na long sanap antap na go het long helpim ol pipel bilong mipela insait long dispela kain taim nogut.

Tasol Gavana bilong Milen Be provins, Dem Josephine Abajjah i tok em i no wanbel wantaim toktok bilong Ted Diro. Bikos kantri bilong mipela long PNG i gat planti risoses na planti samting tasol bilong wanem as na ol manmeri i sot long mani na ol sevis na developmen. Bikos Gavman i no save givim bek bisnis, projek na wok kontrak i go bek long ol pipel long provins we ol i ken mekim na kisim mani. Olsem na ol i save sot long mani, Misis Abajjah i tok.

Gavana bilong Sauten Hailans, Anderson Agiru i tokaut tu olsem Nesenel Gavman i mas givim mani bilong helpim ol pipel long kain taim nogut olsem i go long ol Gavana long lukautim. Na i no long ol Open memba bilong wanwan ilektoret.

Em i askim tu siaman bilong Disasta na Emejensi komiti, Peti Lafanama long tok klia long ol wanem lain tru i go pas long dispela hevi bilong bikipela san na ais long kantri. Bikos i gat planti opis tumas. I gat lain bilong Peter Barter, lain bilong Simon Kaumi, lain bilong Peti Lafanama yet, lain bilong Ludwig Kembu na dispela i paulim ol tu long husat tru i gat pas na i gat pawa long stretim hevi bilong ol pipel long dispela taim nogut o bagarap.



• Masin i klarim graun long Walume, distrik het kota long lalibu.

Gavman bai givim narapela K10 milien long kaikai na helpim

NESENEL Gavman bai givim narapela K10 milien gen i go insait long helpim ol manmeri husat i bungim hevi yet insait long taim bilong bikipela drai na ais long kantri. Bai Nesenel Gavman i tromoi dispela mani i go antap long narapela K11 milien we i stap pinis long han bilong Provinsel na Lokol Level Gavman dipatmen.

Minista bilong Provinsel na Lokol Level Gavman dipatmen Simon Kaumi i tok gavman i sanap yet

long helpim ol pipel long dispela hevi na bagarap ol i bungim long taim nogut ya.

Minista Kaumi i mekim dispela toktok long bung bilong olgeta Gavana bilong provins long Mosbi dispela wik.

Em i tok pastaim hevi we mani i no bin go stret long ol provins long kisim na helpim ol pipel bilong ol em ol i luksave nau. Olsem na ol bai traim long stretim dispela rot i stap gut long mekim isi long bihainim taim long bihainim sapos wankain hevi olsem i kamap gen.

Tasol Minista i tok pastaim hevi i bin kamap we ol Open memba i laik kisim mani na go skelim long baim ol kaikai na helpim long ol pipel bilong ol insait long ilektoret bilong ol. Tasol hevi i kamap we sampela memba i no yusim dispela mani long baim ol kaikai na helpim bilong ol pipel long dispela taim nogut.

Mista Kaumi i tok long dispela as, Fainens dipatmen i traim long kamapim gutpela rot bilong mekim mani i ron gut. Olsem na em i

kamapim Tras Akaun (pasbuk) long wanwan provins na tromoi mani i go insait long ol bai ol provins i ken kisim na skelim long baim ol kaikai na helpim ol pipel i sot long en. Gavman i tromoi olsem K34 milien i go insait long dispela Tras Akaun. Na nau em K11 milien i stap yet. Tasol

Mista Kaumi i tok dispela K11 milien bai i stap yet long dispela pasbuk inap ol sampela hevi insait long wok na rot bilong karim ol kaikai na saplai i go long ol pipel i kamap gut pastaim.

Ol risetelmen lain i painim hevi bilong graun

HEVI bilong graun kloetu bai kamap wampela bikipela hevi insait long ol risetelmen eria sapos ol masta mak i no mekim kwik wok bilong ol, ol kaunsel bilong Rabaul distrik i tok.

Insait long wampela miting bilong ol kaunsel bilong Rabaul distrik wantaim Gazelle Restoresen Atoritl, (GRA), we implimentesen yunit menesa, Peter Buak, i holim long Maltech hai skul.

Ol kaunsel i komplek olsem stat long taim gavman i skelim ol pipel i go long ol nupela ples bihain long maunten i pairap, ol dispela pipel i sindaun yet long wanem ol hap ol i mekim namba wan kem bilong ol. Na ol masta mak i no go makim gut ol blok graun yet olsem bal ol wan wan famili inap painim gutpela hap bilong sindaun.

Ol i tok tu olsem dispela pasin i kamapim sampela bel

hevi na kros namel long ol famili long mak bilong graun na dispela i bagarapim gutpela sindaun long komyuniti.

Long bekim ol toktok bilong ol kaunsel, Mista Buak i tokaut olsem gavman i putim pinis mani i go long Len divisen bilong pinisim olgeta wok bilong makim graun, tasol wok i no go het bikos i gat sampela teknikal hevi i stap yet.

Holi Spirit Seminari i sot long tisa tasol skul bai i no inap pas

WENCESLAUS MAGUN
i raitim

HOLI Spirit Meja Seminari long Bomana insait long Mosbi, wanpela bikpela Katolik Semineri bilong ol lain i laik skul pater long Saut Pasik i sot long ol tisa, tasol skul bai i no inap pas.

Rekta bilong Holi Spirit meja Seminari, Pater Tony Arthur MSC, i mekim dispela toktok long tokaut klia long wanpela ripot i kamap long wanpela Katolik niuspepa bilong Niu Silan.

Ripot bilong dispela niuspepa long Niu Silan i tok, namba bilong ol tisa i sot long Holi Spirit Semineri long Mosbi, na dispela inap pasim

skul. Tasol Pater Tony i tok dispela em i no tru.

"Mi ting ol i go tumas na tok sampela toktok i no tru. Mipela inap wok yet tasol wok bai i no gutpela tumas," Pater Tony i tok.

Em i tok ol inap tisim olgeta kos. Tasol hevi bilong namba bilong ol tisa i sot i mekim sampela tisa bai tisim moa kos. Na wanpela we bilong mekim dispela i kamap em olsem ol tisa bai tisim wanpela kos long wanpela klas long wanpela yia na long arapela klas long arapela yia.

Wanpela bikpela hevi Pater Tony i tok, em long painim ol tisa bilong Papua Niugini yet long go na tis long Semineri. Em i tok planti ol tisa i tis long Bomana i kam long ol Rilijes

kongrigesen, na planti bilong ol em ol lain i kam long ol arapela kantri. Olsem na taim ol bos bilong ol Rilijes kongrigesen i laik makim ol i go mekim arapela wok, ol i save lusim Seminari na dispela i save mekim hat long painim nupela tisa bilong kisim ples bilong ol.


Pater Tony i tok ol Katolik Bisop bilong Papua Niugini na Solomon ailan wantaim ol bos bilong ol Rilijes kongrigesen i luksave long dispela hevi tasol ol tu i painim hat long painim ol tisa.

Long 1997, samting olsem 146 sumatin i go skul long Semineri. Pater Tony i tok dispela namba i surik i go daun liklik long dispela yia bikos namba bilong ol lain i joinim ol rilijes i go daun.

Long 1997 tu i bin gat 13-pela ful taim tisa. Klostu long pinis bilong 1997, faivpela tisa i lusim Semineri na i go kisim nupela wok bilong ol. Pater Tony i tok long dispela yia tupela nupela tisa i go joinim ol. Nau ol i gat 10-pela tisa tasol ol i sot yet long tripela tisa bilong kamapim mak bilong olgeta tisa Semineri i laikim. Em i tok wanpela bikpela eria we ol i sot tru long tisa em long Moral Tioloji. Tasol Pater Tony i bilip dispela tisa bai i go joinim ol long mun Ogus long dispela yia yet.

Wantaim dispela namba bilong ol tisa, na ol sumatin, Pater Tony i bilip ol inap long go het na ronim skul long dispela yia.

TUMINIT TINGTING



FRANK MIHALIC i raitim

Sapos bel bilong yu hot

WANPELA lapun man bilong bus bilong Ostreilla i gat wanpela spesel we blong bosim pasin belhot bilong em. Sapos em i plim olsem bel bilong em i hot, na em i laik bikmaus na tok nogut, em i save mekim olsem. Em i stat long kaun olsem: "Wanpela tomato, tupela tomato...." na i go olsem. Em i bin painimaut olsem: long taim em i kaun inap long 50 tomato, bel bilong em i kol gen.

Em i wanpela we bilong bosim belhot i save kamap wantu. Olsem long taim yumi paitim pinga long hama, o katim long busnaip, o long taim yumi brukim plet o lusim poketbuk.

Yumi no ken ting, olgeta taim yumi kros, em i rong o em i sin. Nogat. Long Gutnius yumi painimaut olsem: long wan wan taim Jisas tu em i kros na em i pairap. Yu tingim taim em i painim ol bisnis man i bringim ol bisnis bilong ol i go insait long haus lotu, na em i wokim wip na i rausim ol. Planti taim Jisas i kros na i pairap long ol Faris. Yu lukm sapta 23 bilong Matyu tasol. Yu tingim tu taim mangi Jisas i stap bek long haus lotu na Maria i krosim Jisas yet.

I gat sampela taim we yumi mas kros na yumi mas pairap. Sapos ol pikinini i bekheth na wokim kain kain rong, papamama na tisa i mas krosim ol. Sapos nogat, i luk olsem ol i orait long rong bilong ol mangi ya....na ol mangi bai go na mekim gen, na ol bai kamap nogut tru.

Kain pasin kros i nogut tru, em i dispela kain we tupela man/meri o tupela lain o tupela kantri i kros na i pait na tupela wantaim i no laik pinisim kros o pogiv. Kain kros olsem i olsem sit bilong paia i bin go daun, tasol em i no dai tru. Yu winim em liklik na wantu paia tru i kalap i kam antap. Long pasin bilong PNG dispela kain kros i save stop longpela taim namel long tupela lain o tupela ples o tupela pipel. Yumi Papua Niugini yumi no man/meri bilong pogiv, tasol pogiv em i Kristen pasin tru. Bikpela pasin bekim bilong PNG em i hangamap long pasin pogiv. As bilong olgeta pait long PNG i gat dispela pasin bilong bekim....na i no gat pinis bilong en.

Sapos yumi no laik pogiv, olsem wanem na yumi inap beten "Papa bilong mipela"? Long wanem, insait long dispela beten yumi save pre olsem: "Pogivim ol rong bilong mipela, olsem mipela i pogivim ol rong ol i mekim long mipela." Sapos yu no pogiv na yu giamanim dispela prea bilong yu, yu yet yu askim God i mas bekim nogut long yu. Sapos yu mekim olsem, yu longlong tru. Mobeta yu no beten "Papa Bilong Mipela". Nogut yu ting: giaman tu i orait.

Long taim yumi belhot long narapela man/meri, yumi save ting olsem: dispela belhot bilong yumi i save mekim nogut long narapela ya. Dispela i no tru olgeta. Yu inap kros nogut long mi, tasol sapos mi no save long dispela, olsem wanem na kros bilong yu inap nogutim mi? Nogat. Kros ya i kalkaim bel na kukim lewa bilong yu tasol; em i no tasim mi olgeta. Sapos yumi no laik pogiv na pinsim kros, yumi bagarapim yumi yet; na narapela man/meri i lap long yumi.

Olgeta taim yu lukim wanpela liklik diwai kros i hangamap long banis, yu tingim dispela samting: long taim Jisas i wok long dai, em i pogivim ol man nogut i bin bagarapim em. Olsem na em i winim ol. Long pasin pogiv yumi tu i save winim ol birua bilong yumi. Pogiv i no lus; pogiv em i win.

Rev Rapa askim PNG long lukim God insait long kainkain rot

PRESIDEN bilong Evanjelikal Luteran Sios bilong Papua Niugini (ELCPNG) long Hagen Distrik, Rev Zau Rapa i singautim olgeta Kristen pipel bilong Papua Niugini long luksave gut long pasin sori bilong God.

Em i tok God i save yusim kainkain rot na pasin long helpim lap bilong yumi wan wan. "Sapos yu sindaun gut na skolim, bai yu klia olsem God i stap Bikpela long lap bilong yumi wan wan na God i stap redi long yusim rot bilong em yet long helpim na i no long laik bilong yumi," Rev Rapa i tok.

Em i tok hevi bilong biksan na ais long 1997 na sampela arapela hevi i bagarapim sindaun bilong ol pipel. Dispela hevi i no pinis, tasol em i laik bai olgeta Kristen manmeri bilong PNG i luksave long kainkain rot na pasin bilong God bilong helpim yumi.

Rev Rapa i go het na tokaut long sampela rot yumi inap painim God.

"God i save yusim ol wantok, wanlain na wan blut long helpim yumi long liklik samting ol i gat. God i save yusim gavman bilong helpim yumi bai ol pipel i noken painim bagarap. God i save yusim sios na ol arapela kantri long helpim ol pipel bilong PNG i noken kisim bagarap," Rev Rapa i tok.

Bihain long bikpela san na ais i pundaun, God i salim ran. Olsem na Rev Rapa i askim ol Kristen long PNG long luksave long dispela pasin bilong God, lusim ol pasin God i no save laikim, na i stap gutpela Kristen.

Namba 8 WWC asembli bai kamap long Desemba

...Ol bai selebretim tu WWC jubili long Harare



• Mama bilong Bruda Aloisius Oa Aisi, Taiva Abu i givim kis long Bruda Aloisius bihain long em i mekim las promis bilong stap olsem wanpela SVD bruda long Poukama ples, Yule ailan paris, Bereina daosis, insait long Sentrel provins. Foto: Wenceslaus Magun.

BIHAIN long olgeta sevenpela yia, Wol Kaunsel ov Sios (WWC) i save holim wanpela asembli. Long dispela yia, Disemba 3-14 WWC bai holim namba eit asembli bilong en long Yunivesiti bilong Zimbabwe long Harare. Insait long dispela asembli ol bai selebretim tu Jubili yia (1948-1988).

Moa long 4,000 manmeri na ol nius ripot long olgeta hap bilong graun bai i go long dis-

pela bikpela het bilong ol WCC na selebretim wanpela bikpela selebresen bilong pasin Kristen.

Planti ol lain husat bai go long dispela asembli bai painim aut olsem dispela em i wanpela spesel kibung bikos nogat wanpela taim long wol, ol manmeri bilong kainkain kantri, bilip, na kalsa i ken go bung wantaim na selebretim dispeal jubili.

Dispela selebresen bai makim namba 50 yia bilong

taim WWC i kamap. Bai i gat wanpela spesel lotu long Septemba 20, long Amsterdam we ol WCC i kamapim namba wan asembli long 1948. Bai i gat arapela lotu long sem de i kamap long ol arapela kantri long wol na dispela bai pinis long Sande Disemba 13 wantaim wanpela bikpela miting, bihain asembli na bikpela tok tenkyu lotu bilong pasim tingting bai olgeta Kristen lotu i ken wok bung wantaim long ol yia i kam bihain.

Ol meri Manus i gat maus long gavman

BIHAINIM ol wok kamap aninit long rifom, insait long Manus provinsel gavman, ol meri Manus nau i gat namba na pawa long kamapim ol toktok pait na tu olsem hap bodi o grup long gavman.

Ol meri Manus i makim wanpela strongpela meri bilong ol, Nahau Rooney, husat i olupela nesanel palamen memba na nau i holim wok olsem presiden bilong grup bilong ol meri long Manus ol i kolim Pihhi Manus asosiesen.

Rijinel memba na gavana bilong Manus, Stephen Pokawin insait long ol toktok bilong em long makim Misis Rooney, i tok, "makim bilong Misis Rooney i bihainim seksen 10 sabsekse 3 (e) bilong Ogenik lo bilong provinsel na lokol level gavman.

Mista Pokawin i givim bikpela tok tenkyu i go long ol meri bihainim wanpela miting ol meri i holim long Disemba 4.

"Dispela nau i kamap olsem lo we i tok husat meri i holim posisen bilong presiden insait long Pihhi asosiesen bihainim taim bai i sanap makimtu maus bilong ol meri insait



• Nahau Rooney.

long provinsel asembli," Mista Pokawin i tok.

Mista Pokawin i givim wok bilong siaman bilong Helt na Komyuniti sevises i go long Misis Rooney.

Misis Rooney nau i kamap siameri bilong helt na komyuniti sevises insait long Manus provins.

Plantu ol gutpela wok senis i wok long kamap long Manus long dispela taim.

Peipul yusim K469,000 long kamapim 13 projek

MEMBA bilong Imbongu na namba tu lida bilong Oposisen, Peter Peipul i tokaut pinis long sampela bikpela projek em i bin kirapim pinis.

Mista Peipul i tok olsem em i yusim pinis K469,000 long kamapim 13 projek long 1997. Wanpela bikpela wok tru em long senisim Imbongu Distrik het kwata long Bui lesi i go long Walume.

Bikpela tingting bilong memba, em long sanapim hetkwata long namel ples we olgeta manmeri i ken go na kisim sevis.

"Mi bilip olsem dispela ol projek bai karim halivim i go long ol pipel, long wanem dispela em long ki projek ol pipel i nidim long plenti yia i go," em i tok.

Mista Peipul i tok olsem dispela em i stat bilong plantu ol narapela prosek i bai kamap yet.

Ol projek we Mista Peipul i kirapim em long:

- nupela Imbongu distrik hetkwata - K130,000;
- Koutol/Piambel rot - K150,000;
- Tona/Piambel rot - K100,00;

- Orei/Tane Kombu rot - K50,000;

- Grant mani long Maral komyuniti skul - K20,000;

- Kero komyuniti skul - K6,000;

- Pokorapulu helt senta - K6,000;

- Tukupangi helt senta - K2,000;

- Kaupena helt senta - K2,000;

- Ialibu haus sik - K2,000;

- Orei komyniti skul - K5,000;

- Unjamap yut grup - K5,000;

- Bel isis bilong pait namel long ol Kulgi na Ulgi - K5,000.

Wenge tok ol pipel mas wok na noken wetim gavman na ol lida



• Gavana bilong Morobe provins, Luther Wenge i lukluk raun long Teptep na lukim plantu ol gutpela kumu gaden we ol pipel inap salim long maket bilong Lae na Madang na kisim mani.

OL PIPEL bilong Nayudos long boda bilong Morobe na Madang provins i mas wok hat long kamapim gutpela sindaun long ples bilong ol na noken wetim ol lida bilong ol, Gavana bilong Morobe, Luther Wenge i tok.

Dispela em i namba wan taim bilong Mista Wenge bilong i go lukluk raun long dispela yia long Teptep stesin. Em i go long Januari 6, na opim namba 17 Nayudos spot tonamen. Insait long dispela bung em i tokim ol pipel long noken sindaun nating na wetim gavman long givim ol samting, tasol ol i mas wok hat long kisim wanem samting ol i laikim na kantri bilong ol i laikim.

Mista Wenge i givim bikpela tok amamas i go long ol pipel

bilong Nayudos long wok hat na kamapim plantu ol gutpela kumu we ol i save salim long Madang na Lae. Na insait long dispela wok hat bilong ol, ol i no save kisim helpim bilong gavman na ol lida bilong ol.

Mista Wenge wantaim ol opisa bilong gavman i go long Nayudos i amamas tru long lukim ol kumu na epel i gro long Teptep eria. Olsem na Mista Wenge i promis long wok klostu wantaim memba bilong Kabwum, Ginson Saonu na memba bilong Rai Kos, Stalh Musa na Gavana bilong Madang, Jim Kas long painim rot bilong stretim ol hevi na ol wok developmen long boda bilong Madang na Morobe provins.


Em i promis long helpim ol pipel bilong Nayudos long kalsa so bilong ol na long mekim rot long Wantoat i go long Teptep bilong helpim ol pipel long salim ol kaikai bilong ol long maket long Lae.

Memba bilong Kabwum Ginson Saonu, na Distrik sevis na lokol gavman kaunsel, Paul Itame i go raun wantaim Mista Wenge long dispela lukluk raun.

Mista Saonu i tenkim Mista Wenge long go lukluk raun long eria bilong em na i askim Mista Wenge long go plantu taim long eria bilong em na helpim long bringim ol wok developmen i go long ol pipel bilong em.


Nau yu no nap brasim strong bai yu wasim isi tasol!

NEW



NUPELA Pawa Klina. Tok save long ol pren bilong yu.

Wei bilong wasim samting wantaim NUPELA Pawa Klina. Dispela Klina yu save pinis tasol ol i putim mo pawa long detergent. Em i save putim out ol strongpela Pawa bubble long go insait long ol klos na klinim ol gut tru. Yu no nap wok hat bai Pawa bubble i wokim strongpela wok. Mekim de bilong yu isi traim NUPELA Pawa Klina em igat mo Pawa na strong bilong detergent.



Monoitu i kirapim namba wansa senta bilong skruim save

VERONICA HATUTASI i raitim

TAIM sindaun i wok long kamap orait liklik long planti hap bilong Bogenvil, ol pipel i laikim tu ol sevis i mas kamap wantaim.

John Huriku, wanpela tisa bilong Asbisop Kurongku Stadi senta long Monoitu Siwai i laikim sampela helpim wantaim ol samting bilong ol wok manmeri na ol sumatin bilong yusim long rit na rait long en. Dispela em long ol pensil, buk samting.

Mista Huriku i laikim tu helpim wantaim mani long pinisim tripela klasrum we ol i bin statim las yia tasol bikos long mani i sot, ol i no pinisim na faundesen tasol i sanap.

Nau yet senta i ron long liklik helpim wantaim ol matiriel ol i save kisim long komyuniti skul.

Mista Huriku husat i wanpela komyuniti skul tisa klostu long 30 krismas i tok ol pipel long Siwai i bin kirapim dispela senta long 1996 long helpim ol yangpela na husat lain moa i laik skruim save bilong ol. Na tu bilong emkim ol yangpela i stap bisi na i no raun nating.

"Mipela i luksave olsem hevi long Bogenvil i bagarapim skul bilong ol pikinini na taim gutpela sindaun i wok long kam bek, planti yangpela i laikim tru long go hetim skul bilong ol. Olsem na mipela i kirapim dispela adal edukesen program na gviim nem bilong leit Asbisop Sir Peter Kurongku husat i bilong dispela ples.

"Planti pikinini, ol yangpela husat i no bin nap long pinisim gut skul bikos long hevi na sampal ol bikipela manmeri i stap pinis long senta," Mista Huriku i tok.

Em i tok long las yia, ol i bin kisim 200 sumatin na bai i wankain long dispela yia. Ol i kisim ol sumatin long Prep level i go inap



• John Huriku, wanpela tisa bilong adalt edukesen program long Asbisop Kurongku senta long Monoitu, Siwai. Veronica Hatutasi i kisim long Gret 6 na tu long Gret 7 i go antap long CODE level.

Faipela tisa i skulim ol sumatin.

Mista Huriku i tok skul i ron gut tasol bikipela samting em ol i laikim helpim wantaim ol matiriel long yusim long skul, moa yet ol teks buk we ol tisa i yusim long skulim ol sumatin olsem: Pupils Using English, Teachers Note-Grets 1inap long 6, Pasifik Siris Grets 1-6 na ol arapela samting moa bilong yusim long rit na rait wantaim.

Em i tok bikipela laik tru i stap long

olgeta lain long skruim save bilong ol. I gat tu sampela mama na papa i stap pinis long skul ya. Tupela mama i gat moa long 40 krismas.

Mista Huriku i tok tupela i gat bikipela laik long skruim save long rit na rait bikos ol i laik ritim Buk Baibel na mekim ol wok bilong sios olsem na ol i skul nau long senta.

Dispela em namba wansa senta long Siwai long ranim adalt edukesen skul tasol namba tu bilong em ol i bin kirapim long Konga komyuniti skul las yia.

Wok bilong klinim Rabaul taun i go het gut

NELSIE GIRAURE-SAYA i raitim

WOK bilong kamapim bek Rabaul taun i go het gut insait long ol ples we ol pipel i lusim pinis.

Presiden bilong Rabaul taun lokol level gavman (LLG), Ephraim Jubilee i tok Wol Benk i tokaut olsem ol i amamas long putim mani i go insait long wok bilong klinim Rabaul taun we LLG i bin aplai long mekim.

Insait long wanpela miting we Gazil Restoresen Atoriti (GRA) i holim, Mista Jubilee i tok, Wol Benk i amamas long putim mani i go insait long stretim bek taun maket long olupela ples bilong en, na taun maket tu long olupela ples bilong en.

Mista Jubilee i tok ol i redim pinis plen bilong wokim kot haus, plis stesin, na wanpela helt senta.

Em i tok, Wol Benk i tokaut olsem ol i redi long putim mani i go

insait long kirapim ol arapela projek olsem bas stop, na stretim ol rait long taun.

Menesa bilong GRA implimentesen yunit, Peter Buak i tok tu olsem ol i putim plen bilong wokim wanpela faia stesin tu insait long prosek.

Nau yet i gat wanpela taun klinik i stap long Malaguna rot long Kuragaga we ol wokman bilong haus sik i helpim ol sik manmeri na pikinini.

Ol helt woka long taun klinik i tok wok bilong stretim haus klinik i no pinis yet, na tu olgeta samting bilong wok long haus sik i no kamap yet.

"Bikos mipela i wok long rausim planti ol lain i kam long kisim marasin taim mipela i stat long wok olsem na mipela i opim klinik na helpim ol sik manmeri na pikinini. Mipela bai go het long lukautim ol inap klinik i op olgeta," Misis Kaven, wanpela helt woka i tok.

Wok bilong skelim kaikai long ENB i gutpela

WOK bilong skelim ol kaikai i go long ol lain i kisim bagarap long hevi bilong bikipela san na ais insait long Is Niu Briten provins i go gut na ol pipel i wet tasol long kisim skel bilong ol.

Provinsele disasta komiti kodineta, Peniel Lotu i tok namba wan hap wok bilong skelim kaikai klostu bai pinis. Nau yet ol i wok long skelim ol kaikai i go long Pomio distrik.

"Mipela bai skelim kaikai i go long foapela ples insait long Pomio eria we ol i kisim bikipela bagarap," Mista Lotu i tok.

Em i tok dispela ol ples em long Mur, Kapena, Tuke wan na tu. Ol bai kisim ol kaikai long sip i go long Pomio stesin na kisim long ka i go insait long ol bus ples na bihain helikopta bilong Heli

Niugini bai helpim long karim ol dispela kaikai i go long ol ples nogat rot i go long en klostu long boda bilong Wes Niu Briten.

Mista Lotu i tok ol kaikai ol i skelim em long beg rais, 20 lita wara kontena na ol tin pis. Ol i salim tu ol samting bilong wokim hul wara we ol lain bilong Yurupian Union wantaim ol wokman bilong wara na senitisen insait long helt divisen bai wokim.

Mista Lotu i tok ol i kisim ripot i kam long Open Be eria tu olsem paia i kukim ol gaden kaikai long taim bilong bikipela san. Olsem na opis bilong em bai salim wanpela wokman bilong gavman i go long sekim na painim aut sapos dispela ol toktok em i tru bipo long ol i ken go het na salim kaikai na ol arapela samting i go.

Nupela Bulolo disasta komiti i kisim tok lukaut long memba

ARI GUH DANDEE i raitim

NUPELA Bulolo distrik disasta komiti nau i kisim bikipela tok lukaut i kam long memba bilong ol Samson Napo, bihain tasol long kirap bilong dispela disasta komiti insait long tupela wik go pinis.

Mista Napo i tok em i no amamas tumas long lukim ol pipel bilong Bulolo distrik iwok long kirapim ol kainkain grup we i no gat luksave bilong gavman

Em i tok dispela i paulim tru planti ol gutpela sevis we i gavman i laik traim bringim i go stret long ol pipel long ol ples we i nogat gutpela sevis.

Em i bin tokaut olsem, i gat ol wokman bilong gavman nau i wok i stap insait long distrik bilong i go pas long dispela ol kain wok, na ol hevi bilong ol disasta i mas i go long opis bilong ol wan wan lokol gavman kaunsel long lukluk long en, na nekim wok bilong traim helpim ol pipel.

Wok bilong disasta em wok bilong ol gavman opisa long mekim bilong kirapim gut ol rekot na mekim gut ol ripot long ol wok ol i karim aut.

Mista Napo i tok dispela ripot bai toksave long gavman

bungim.

"Sapos yumi i laik kirapim ol liklik grup nabaut bai yumi i yusim bikipela mani tumas, na bai i nogat gutpela ol sevis ol pipel bilong ples bai kisim," Mista Napo i tok.

Olsem na Mista Napo i laik bai olgeta helpim i mas go long opis bilong Distrik Edministrato long Bulolo na maski long givim i go nabaut long ol kainkain grup bilong bagarapim ol wok.

Mista Napo i laikim bai ol pipel bilong Bulolo i mas mekim gutpela wok bung wantaim ol wokman long helpim na bringim ol sevis na maski long kirapim ol kainkain liklik ol han grup we i nogat luksave long en.

Siaman bilong dispela komiti, Kawalibu Yawang i tok em i kirapim nogat tru long harim olsem Mista Napo i no laikim tru dispela komiti long karim aut ol wok bilong disasta.

Em i tok dispela komiti i bin kirap bihainim laik bilong ol pipel long Bulolo long lukluk long hevi bilong ol insait long distrik, na olsem memba bilong ol, Mista Napo i mas amamas long dispela kain ol grup na sapatim ol bilong helpim na sevim ol pipel bilong em insait long Bulolo distrik

Pasin bilong skelim nesenel dipatmen i go long provins i bungim hevi

PASIN bilong skelim ol nesenel dipatmen i go long provinsel edministresen long kantri i no kamap gut long Is Niu Briten provins (ENB).

Eking Edvaisa bilong Human Risoses Developmen (HRD) long ENB, Emmah Dimain i tok nau yet sampela ol provinsele edministresen i bungim hevi long ranim gut ol wok ol i skelim long nesenel dipatmen i go long provinsel edministresen.

Em i tok sampela taim ol i nogat inap man, mani na ol samting bilong ranim gut wok. Misis Dimain i tok insait long wanpela miting ol i holim long Manus ol arapela HRD edvaisa i tokaut long wankain hevi ol i bungim long provins bilong ol.

Long Manus kibung ol HRD edvaisa i pasim tok olsem wan wan provins i mas soim wanem taim ol i redi long kisim ol wok bilong nesenel gavman bipo long gavman i skelim ol dispela fangsen i go long ol provins.

Moa yet, Misis Dimain i tok, taim ol i laik skelim ol nesenel gavman fangsen i go long provinsel edministresen i mas i gat gutpela wokbung na toktok namel long ol bos bilong nesenel dipatmen na provinsel edministresen.

Ol i mas sainim wanpela tok orait ol i kolim long 'Memorandum of Understanding' (MOU) namel long husat dispela nesenel bodi gavman i tingting long skelim i go long provins wantaim provinsel edministresen.

Yawasoro risetelmen komiti mas tokaut klia long ol pipel

ADDY LAVAKZ i raitim

PLANTI ol pipel husat i stap insait long ol setelmen long Wewak taun na tu long ol eria we wok bilong Stom Wota Drenes bai ron long en i wok long paul yet long wanem samting bai kamap long laip bilong ol sapos drenes wok i kamap tru.

Wantok i bin wokim wanpela wok painimaut namel long ol pipel bilong ol dispela setelmen long Wewak taun em long Mapau, YC Sipik Timba, Meni, Saksak kompaun, Niugo, Sambri kem, Kreer nambis.

Ol pipel bilong ol dispela hap i autim planti wari bilong ol long Wantok.

Planti pipel i tok olsem Yawasoro risetelmen komiti we gavman i putim kamap long givim helpim long ol pipel long kisim aplikesen long ol hap graun i mas kam fowet na toktok wantaim ol pipel husat tru prosek wok bai rausim long ol hap ol i stap long em.

Ol i tok olsem ol man husat i go pas long makim ol eria we prosek wok bai kamap long em i no bin tokim ol pipel long bikipela bilong wok kamap na amas spes bilong graun dispela wok bai karamapim.

Olsem na planti pipel i paul nabaut na i no save long wanem

hap ol bai stap.

Ol i tok ol i laikim Masta mak bilong Stom Wota drenes prosek wantaim ol risetelmen komiti i mas kamaut long ol pipel na tokaut klia long wanem hauslain bai muv aut long taim bilong wok kamap na givim ol aplikesen fom bilong kisim ol risetelmen blok long Yawasoro gavman graun.

Na tu tokaut long ol pipel stret long bikipela bilong wok na longpela bilong em bai inap kamap olsem wanem.

Planti i tokaut tu olsem dispela wok prosek em wok prosek bilong gavman long kamapim gutpela sindaun bilong ol pipel long bihain taim. Olsem na ol i tok sapos wanem wok gavman i laik wokim, gavman i mas tingim ol pipel pastaim.

Planti bilong ol pipel husat i stap arere long ol mak bilong wok i no klia ol bai wokim wanem bikos i no gat wanpela opisa bilong prosek i go bung wantaim ol pipel na tokim ol long husat o wanem hauslain bai raus na wanem ol hauslain i ken i stap.

Na tu tok klia long ol pipel long aplikesen bilong kisim ol blok long risetelmen eria.

Ol i mas wokim kwik ol dispela samting bipo long kontrak kampani i kam na redi long statim wok.

Bisnis trening skul long Wau kisim moa singaut yet

ARI GUH DANDEE i raitim

WAZONO bisnis grup na Menesmen Konsaltensi i redi gen long lukluk long trenim ol nupela sumatin long ol menesmen skul we ol i redim pinis long kamap insait long tupela wik bihain.

Man husait i save go pas long dispela ol trening Mista Roland Agembo i tok em i amamas tru long lukim olsem, planti ol man husait i wok long ronim liklik bisinis i wok long kam na lukim em na askim em long ronim ol skul bilong ol long kisim save long helpim ol ronim ol liklik bisinis bilong ol.

Em i tok Wazono Bisinis grup na menesmen konsaltensi i kamap nupela insait long Wau tasol, i luk olsem em igat bikpela wok tru long lukluk long helpim na trenim ol bisinis manmeri long ronim gut ol wok bilong ol.

Mista Agembo i tok, long nau yet em i redim ol training olsem, riteil menesmen bilong helpim ol tred stua, Trensport na menesmen kos bilong halivim ol PMV wok na ol narapela traking bisinis long ol wok bilong ol, Bod ov Dairekta kos bilong halivim ol long ol wok bilong ol na lokol level gavman kos bilong ol kiap na ol eksekutiv opisas long ol wok bilong ol.

Roland Agembo i tok, planti ol pipel i luksave long ol hevi na ol i wok long askim dispela Wazono Bisinis grup na trening konsaltensi long kamapim moa trening long halivim ol. Nau yet em i redi tasol long i go ronim wanpela riteil menesmen kos long Watut we ol i askim.

Wazono bisinis grup na menesmen trening konsaltensi i tok, sapos wanem ol bisinis grup o kampani, gavman o ol ogenesesen i laik ronim ol kos Wazono bisinis grup na trening konsaltensi i redi tasol long halivim ol.



Nupela tes tokaut olsem laip bilong Ramu main winim 20 yia

STEVEN GIMBO i raitim

LAIP bilong nupela Ramu main long Madang provins i moa long 35 yia na i no 20 yia olsem ol ripot long bipo i bin tokaut.

Menesing Dairekta bilong Hailans Pasifik kampani, Ian Holzerberger i tokaut long dispela long stat bilong dispela mun.

Hailans Pasifik em wanpela nupela kampani long PNG, we

i bin kamap taim Placer Pacific i tekova long Hailans Gol long las yia. Na i go pas long kamapim dispela Ramu main.

Mista Holzerberger i tok nupela wok painimaut i kamapim ples klia olsem Ramu main i gat moa gupela minerel i stap aninit long graun. Na dispela i skruim laip bilong main i go long 15 yia moa. Pastaim Hailans Gol i bin toklaut olsem Ramu main bai no inap stap moa long 20 yia.

Mista Holzerberger i tokaut olsem ol minerel i stap aninit

long graun long Ramu main i kamap namel long 93 na 107 milien tan wantaim gred bilong nikel i stap olsem 1.02 pesen na kobal i stap long 0.10 pesen.

Em i tok em i amamas tru long pasin we ol wok painimaut long main i brinnim gupela risal i kam bek taim ol i salim ol sempel bilong graun na ston i go long Keneda na Ostrelia bilong testim. Em i tok tu olsem long sem taim, ol i ken yusim liklik kemikel o marasin tasol long tilim ol minerel.

Buldosa brukim hostel bilong ol

Willie Gary wantaim meri bilong em, Wane na pikinini man Runi i no save long wanem hap nau bilong go, bihain long gavman hostel long Hohola 2 em ol i save stap long en em buldosa masin i rausim long asde, Trinde Februari 11. Planti famili olsem Willie bai painim hap nau bilong stap. Wanpela bikman husat i save stap long hostel i tok ol i kisim toksave longTunde nait tasol. Na long Trinde ol masin i kam long brukim hostel. Na rausim kago bilong ol. Paia i bin kamap tu long sem taim. Na tupela paia ka i kamap na stapim. *Poto: Ivan Bayagau.*

Prais kontrol i no karamapim olgeta samting

OLGETA samting insait long stua i no kam aninit long prais kontrol lista.

Dispela i min olsem ol bisnisman i ken putim prais long laik bilong ol long ol samting insait long stua.

Konsuma Afeas Kaunsil i lukautim wok bilong prais kontrol tu tasol i no olgeta samting ol bisnisman i salim em kaunsil i kontrolim ol lukautim prais bilong ol.

Kaunsil i kontrolim prais bilong 14 samting tasol em ol i save salim insait long stua; Dispela ol samting em nesenel gavman i luksave ol Papua Niugini manmeri i save kaikai na yusim long olgeta de. Hia em ol dispela samting:

- bateri bilong ol tos na redio;
 - rais;
 - suga;
 - ti;
 - kofi;
 - tinpis (mekerel long wel tasol);
 - tin mit (kon bif tasol);
 - kakaruk long frisa;
 - sof bilong waswas na wasim kago;
 - flaua;
 - bata;
 - majarin;
 - Susu long tin o pauda;
 - sirils bilong kaikai long moning olsem rais babel na kon fleks; na
 - Pensin, disel na kerosin.
- Ol narapela sevis em Konsuma Afeas Kaunsil i lukautim tu

em sas bilong ol dispela samting:

- wara (Wara Bod na Eda Ranu);
 - pawa saplai bilong Elcom);
 - telefon sevis em Telikom i saplain;
 - ol stem bilong putim antap long skin pas o envelop em Post PNG i salim;
 - pe bilong tiket na kago i go long balus bilong Air Niugini na ol arapela liklik balus; na
 - sas bilong ol kago na ol sip i stap long bris em PNG Habas Bod i lukautim.
- Olgeta arapela samting insait long ol stua o ol narapela kampani i salim em Kaunsil i no lukautim prais bilong ol. Olsem na ol bisnisman i ken putim prais long laik

bilong ol.

Ol kampani husat i save givim ol dispela sevis antap i laik apim prais bilong ol i mas rait i go long Kaunsil. Na kaunsil bai lukluk pastaim. Na toksave long ol i ken apim prais o nogat.

Ol wokman bilong kaunsil i gat pawa long sekim prais bilong ol samting em i stap aninit long prais kontrol lista tasol. Na ol arapela samting o sevis nogat.

Tasol dispela i noken stapim ol pablik, sapos yu gat wari olsem samting i bagarap pinis na ol i salim yet, o samting i no hevi inap long skel bilong em o yu baim samting na i bagarap kwik.

PICK YOUR FUTURE From 57 Career Choices

The future belongs to the trained professional, and ICS has provided the proven training that has enabled millions of men and women all over the world to prepare themselves for exciting, rewarding careers in the field of their choice. WHY NOT YOU?

You can get the complete details on the ICS program that interests you. Simply fill in the coupon below (including the number of the Career Program that interests you most) and mail or fax the entire ad to the address shown below. We'll send you your FREE ICS Career Kit. Examine it, and then decide if the ICS way—the road to a million career success stories—is the road for you. Remember, there's no obligation, so act now.

SEND FOR FREE FACTS—NO OBLIGATION

ICS LEARNING SYSTEMS

World's Recognized Leader in Home-Study Training for More Than 100 Years.

ASSOCIATE IN SPECIALIZED BUSINESS DEGREE PROGRAMS

- 60 Business Management
- 61 Accounting
- 80 Business Management with option in Marketing
- 81 Business Management with option in Finance
- 64 Applied Computer Science
- 68 Hospitality Management

ASSOCIATE IN SPECIALIZED TECHNOLOGY DEGREE PROGRAMS

- 67 Electronics Engineering Tech.
- 63 Civil Engineering Tech.
- 62 Mechanical Engineering Tech.
- 65 Electrical Engineering Tech.
- 66 Industrial Engineering Tech.

International Correspondence Schools, Dept. TTS38
Box 1900, Scranton, Pennsylvania 18501-1900 U.S.A.
Fax: (717) 343-8462

CAREER DIPLOMA PROGRAMS

- 07 U.S. High School Diploma
- 02 Electronics
- 05 Hotel/Restaurant Management
- 13 Professional Secretary
- 35 Travel Agent
- 14 Air Conditioning & Refrigeration
- 32 Art
- 59 Catering/Gourmet Cooking
- 23 Medical Office Assistant
- 51 Fashion Merchandising
- 33 Motorcycle Repair
- 52 Surveying & Mapping
- 22 Wildlife/Forestry Conservation
- 47 Animal Care Specialist
- 15 Home Inspector
- 24 Dental Office Assistant
- 89 Small Engine Repair
- 08 Legal Assistant
- 48 Computer-Assisted Bookkeeping
- 26 Teacher Aide
- 42 Dressmaking & Design
- 87 TV/VCR Repair
- 04 Auto Mechanics
- 12 Interior Decorating
- 18 Bookkeeping
- 06 Electrician
- 03 Child Day Care
- 38 PC Specialist
- 55 Diesel Mechanics
- 94 Fitness & Nutrition
- 85 Drafting
- 39 Medical Transcriptionist
- 72 Appliance Repair
- 41 Journalism/Short Story Writing
- 40 Photography
- 70 Computer-Assisted Small Business Mgmt.
- 79 Electronics Technician
- 25 Gun Pro
- 30 Floral Design
- 27 PC Repair
- 58 Private Investigator
- 76 Freelance Writer
- 84 Pharmacy Technician

COMPUTER PROGRAMMING
01 Programming in BASIC
37 Visual Basic
36 Visual C++

Get FREE Information—MAIL OR FAX ENTIRE AD TODAY
Write the number of the one career that interests you _____

MR / MRS / MISS _____ AGE _____
(Please print clearly)

ADDRESS _____ POSTAL CODE _____
CITY/COUNTRY _____ PHONE _____

ICS ACCREDITATIONS AND APPROVALS

ICS is an accredited member of the Distance Education and Training Council in Washington, D.C. and is licensed by the Pennsylvania State Board of Private Licensed Schools. ICS Learning Systems has been reviewed and approved as a Certified Provider of continuing education and training programs by the International Association for Continuing Education and Training.



Naispela pes i no inap

... 'Yumi olgeta i stap aninit long wankain lo na em i mas dai aninit long ol'

Texas, Yunaitet Stets:

Long dispela wik, Amerika i wet long lukim dai bilong wanpela kalabus meri.

Karla Faye Tucker em i nem bilong em. Em i gat 38 krismas na em bilong Texas. Em i namba wan meri long Stet bilong Texas we stet bai i kilim i dai wantaim posin sut marasin.. Na namba tu meri long histri bilong Amerika we bai i dai long dispela rot.

Namba wan meri we i dai long dispela rot em Chipita Rodriguez husat ol i bin hangamapim em i dai long taim bilong Sivil Wo long Amerika. Dispela em bihain long ol i painim em i rong long sutim na kilim dai wanpela man. Tasol Tucker em bai i namba wan meri husat bai i dai olsem tude.

Tasol taim bilong Tucker i kamap klostu long indai, i gat planti tok egensim i kamap long ol grup insait long Amerika. Long Texas yet las ya, stet i bin kilim dai 37 kalabus man husat i wokim ol bikpela rong na nogat man i kamapim meknais. Tasol naulong keis bilong Tucker, ol kain toktok egensim rot we stet i laik kilim



• Karla Tucker, husat dai long poisen sut marasin.

dai Prisina namba 777 i kamap. Insait long PNG, planti i bilip tu olsem 777 (o tripel 7) em i namba long mak nogut.

Ol ripot we i glasim gut stori long ol birua na asua Tucker i wokim i tok meri ya i pulim dispela kain sapot bikos em i no meri nating. Em i luknais na em i save long toktok na pulim sapot. Tasol em i wanpela dabel medera husat i kilim dai tupela pipel. Nau em i tok em tanim bel na bilip strong long Bikman. Olsem na ol memba bilong Liberel Pati long Amerika husat i save tok egensim kapitel panismen we stet i save kilim

dai man long pasin bilong hangamapim em na katim nek o sutim em dai wantaim posin marasin o putim pawa long kilim dai em kwiktai, i gat as long kari-maut strongpela kempein long stapim dispela pasin long kilim dai Tucker long dispela wik. Sampela biknem lotu lain olsem evenjelis pasto bilong Amerika Pat Robertson, ol loya bilong Amnesti Intenesenel na sampela lain moa i egensim stet long kilim dai Tucker. Kantri i stap wet tasol long lukim wanem samting bai i kamap long de we ol i makim meri ya long dai.

Sampela famili na hauslain bilong tupela lain we Tucker na boipren i kilim dai i tok ol i pogivim em. Na media bilong Amerika, moa yet ol telivisen lain i pondaun tru yet long huk na naispela pes bilong Tucker.

Aninit long ol dispela tok i go i kam long sapotim na egensim Tucker, i gat luksave i stap olsem politik bilong Amerika i wok long pondaun long sapotim Tucker bikos em i meri husat i gat naispela pes. Lo, olsem tok i stap, i bilong olgeta man. Na atoriti i no ken mas wansait na givim pogivnes i go long narapela bikos em i meri o man tasol em i mas skelim gut rong em i mekim.

Long dispela wik, Texas Bod bilong Padon na Parol we i save sindaun na skelim ol kalabus lain na mekim disisen long larim peisina i go fri o nogat i rijektim askim bilong ol loya bilong Tucker long givim em sans. Nau Suprim Kot tasol wantaim Gavana bilong Texas George Bush Jnr inap sevim em. Bush em i sapotim kapitel panismen tasol em i no wanpela pilai man. Em i laik ron long resis bilong kamap presiden long Amerika tu. Olsem em i mas skelim gut ol toktok na tingting bilong pablik o sapos nogat, bihainim ol arapela husat i tromoi sapot bilong ol long Tucker. Orait, stori long birua meri ya i wokim i go olsem. Pastaim long Tucker i kamapim birua we em i kalabus na nau bai i dai long en, em i bin gat nogut kriminol rekot pinis.

Long June 1983, Tucker wantaim boipren bilong em Daniel Ryan Garrett i bin lusim flet long Houston long stilim sampela spea pat bilong ka long wanpela neiba bilong Tucker. Man ya em Jerry Lynn Dean. Tucker i save gut long en. Tasol long dispela taim, em i gat sampela belkros long en na em i lukim olsem nau em i sans bilong em long peibek. Olsem na wantaim Garrett tupela i bruk long haus bilong Dean na kilim em dai wantaim wanpela pikakis. Long dispela taim, tupela Tucker na Garrett i bin kisim ol drag o ol strongpela smok nogut. Tucker i bin kilim dai tu gelpren bilong Dean, Deborah Thornton taim tupela i slip long bet i stap. Taim tupela i kilim dai Dean, Tucker i singaut long Thornton long karamapim het na ai bilong em wantaim betsit na em i promisim em bai em i no inap long kilim dai em. Tasol em i giaman bikos em i kilim em i dai taim em i sutim em 32 taim long bodi bilong em. Taim ol i painim tupela lain i dai, Misis Thornton i bin gat akis we Tucker i planim long bodi bilong em yet i stap. Na ol kokros i kaikaim bodi bilong Dean long ol hap we ol hol i kamap long en. Ol i bin katim het bilong em tu na i pondaun i stap long narapela hap long betrum.

Ripot bilong korona i tokaut olsem Mrs Thornton i bin stap laip yet long taim Tucker i wok long sutsutim na kilim em. Ol ripot i tok Tucker i bin tokim susa bilong em olsem em i amamas tru taim em i wok long kilim tupela pipel ya.

Em i pani olsem meri husat i tok em i tanim bel na givim em yet long Bikpela bihain kot long Mas 1984 i painim em i rong long kilim dai tupela pipel, Tucker i no tok sori yet long tupela pikinini bilong Mrs Thornton na tu man bilong em. Wanpela pikinini i bin gat 12 krismas taim narapela em i 12 yias taim Tucker i kilim dai mama bilong ol. Long dispela taim Tucker i kilim dai mama, em i bin gat sampela hevi wantaim man bilong em na em i go long disko danis we Dean i bin painim em na tupela i go slip long haus bilong em.

Plis i bin holim pasim Tucker na Garrett tupela wik bihain ol i wokim birua. Ol famili na hauslaini bin ripotim ol long plis bihain tupela i tokim ol samting ol i wokim na ol i no wanbel olgeta. Ol i pret tu olsem nogut tupela i tanim i go long ol na wokim wankain samting long ol.

Ol ditektive i kisim pinis planti toktok na evidens we i soim olsem Tucker i bin kilim Mista dean na Misis Thornton, stil em i tok em i no wokim birua ya. Tasol bihain long 70 minit long kot, ol jas i bin painim em gilti na sasim em olsem em i mas dai long bikpela na nogut rong em i wokim.

Bihain long ol dispela, Tucker i tok em i senisim laip bilong em na em i kamap gutpela. Em i tok em i painim God 8-pela krismas i go pinis taim em i stap long kalabus na em i ritim buk Baibel long namba wan taim. Em i kamap wanpela stongpela kristen. Tripela krismas i go pinis, em i raitim

wanpela buk em i kolim long "Crossed Over: The True Story of the Pickaxe Murders". Long dispela buk, em i sutim tok long marit i bruk namel long papamama bilong em na we ol i no inap long kontrolim em olsem as long em long kamap monsta we i kilim dai tupela pipel.

Em bin maritim wanpela haus kalabus pasto, mekim gut long tiolokol tes bilong em na em i save go pas long ol preia bung. Na em i tok ol dispela samting inap long mekim ol atoriti i daunim rong bilong em na i no putim em i dai.

CNN telivisen long Amerika i bin ranim stori bilong em long tupela nait na em i kisim gutpela sapot. Long wanpela inteviu long Gatesville kalabus, Yucker i mekim kila pasin we God i kamap long en na hatpela taim we em i gat taim em i liklik. Kain tok tok bilong em, sof na kila wantaim sakol ai bilong em i sain i mekim ol man i bilip tru long em. Dispela tu i kwesterim watpo na ol loya bilong Tucker i lus insait long las 14 yias long ol apil bilong ol. Long olgeta taim, kot i egensim ol apil na tok i nogat samting i narakain long keis bilong Tucker.

Ol mansave husat i save glasim ol dispela kain situesen bai i tokim yu olsem olgeta kalabus manmeri husat i kisim laip sentens i tanim bel na painim God. Revern Jim Brazzil, pasto husat bai i holim han bilong Tucker taim ol i givim em posin sut i tok klostu olgeta man we em i lukim i dai i tanim bel i go long Bikman.

"Mi no tok olsem ol prisina i no painim God tru tru tasol mi laik klarim tok tasol olsem man i laik go long semba long dai i save sutim tingting bilong em long dispela samting," em i tok. Din bilong lo long Ohio Noten Yunivesiti Victor Streib husat i mansave long kapitel panismen i tok dispela meknais long Tucker i haitim wanpela bikpela samting.

"Watpo em i askim liklik lain meri tasol i save kamap long Det Ro kalabus. "Long skel bilong nesanel levul, wanpela insait long 8-pela man i save kisim sas long kilim dai narapela man, tasol wanpela meri insait long 70 man i saver go long Det Ro. "I luk olsem judisel sistem we i karamapim kot, kalabus na jastis sistem i save wokim wansait pasin long fevarim ol meri moa long ol man taim ol i glasim na skelim ol long ol rong. Na long Stet bilong Texas, em i moa yet," Profesa Streib i tok.

Ripot i tok i gat planti meri kriminol insait long ol kalabus long Amerika husat i wokim ol bikpela birua tasol ol i no putim ol long dai long semba bikos ol i meri. Kisim wanpela keis bilong Judi Buonaonao husat i stap yet long Det Ro long Florida. Em bin kilim dai 5-pela pipel. Wanpela long ol em pikinini bilong em yet husat i disebel. mama ya i bin tromoim em i go daun long solwara taim ol i go long kanu.

Ol ripot i tok sapos ol i larim Tucker i go fri, i nogat narapela as tasol em bikos em i gat naispel; a pes. Na dispela bai i no luk gut long sait bilong ol meri. Pasin long larim Tucker i go fri i ken soim long ples kila olsem ol i givim narapela sas long man na meri taim ol i wokim birua na em i no fea. Em i narapela we long tok olsem tu meri husat i kilim dai narapela man i no rong olsem man bikos em i meri.

Yumi ken tok tu olsem tok i no sut bikpela long ol meri husat i wokim wankain birua olsem ol man bikos ol i meri. Sapos ol meri i vot long dispela lo we ol manmeri i wokim bikpela birua i mas dai long semba, ol i mas dai tu aninit long wankain lo.

Richard Thornton, man bilong Misis Thornton i bilip olsem meri husat i kilim meri bilong em bai i stap laip yet. "Tasol jastis i stap we? em i tok. "Yumi olgeta i stap aninit long wankain lo na em i mas dai aninit long ol dispela lo".

- THE DAILY TELEGRAPH

WIN

Simply look under 500ml caps or inside 355ml cans

Stop! Find the word "Jet" to win cool jetshades

COOL JETSHADES

With Enjoy

Coca-Cola

Collect your free jetshades at your local "Coca-Cola" depot or at any

CITY PHARMACY

NATIONWIDE

"Coca-Cola" is a registered trade marks of The Coca-Cola Company

LAI PSTAIL

Pasifik mas stap klin long ol nuklia poisin

KIWURAM KANAKO i raitim

LONG 5 Septemba, 1995 kantri Frans i pairapim wanpela bom nogut bilong em long ailan Moruroa, Tahiti. Long dispela taim yet ol manmeri long Faaa, wanpela biktaun long Tahiti i belhat na mekim nabaut - ol kukim na brukim ol planti samting long ples balus long Faaa, pait wantaim ol ami bilong Frans na mekim nabaut long ol stua, ol ka na ol waitskin Frans manmeri.

Long dispela taim yet mi bin stap long Darwin, Ostrelia long wanpela kibung ol i kokim long 'Ecopolitik 1X we ol planti manmeri i bin kamap na ritim ol pepa bilong ol.

Insait long kibung mipela bin toktok long planti samting - Ok Tedi, Great Barrier Reef, Cape York Spaceport na planti arapela bikpela samting i stap long ol ples bilong yumi.

Olsem wanem tru bai asples manmeri stret bilong ol kantri long wok inap kisim gutpela helpim i kam long ol samting olsem gol, kopa, pis, diwai we i stap long graun bilong ol?

Yes, em bikpela askim bilong dispela kibung long Yunivesiti bilong Noten Teritori long Darwin.

Ol lain asples long Darwin i toktok long planti samting. Na wanpela samting we mi bin gat bikpela laik tru long harim em long wok bilong digim - uranium - long Kakadu Nesenol Pak. Mi save olsem ol save yusim uranium long mekim ol marasin nogut we ol save putim long ol bom na samting bilong pait. Kala bilong uranium em yelo na sampela taim bai yu harim ol musik lain Yothu Yindi i singsing na kolim nem - yelo kak - em ol toktok long uranium.

Orait, mi tu bin stori planti wantaim ol lain bilong Cape York Lands kaunsil (CYLC) na ol stori long bikpela projek we Ostrelia gavman i tingting long kirapim em long Cape York Spaceport - ol sanapim ol haus samting bilong sutim ol roket i go antap long skai/ol star tasol ol planti lain i tok pait i go i kam na bihain gavman i stapim projek.


Na yumi toktok long bom nogut long Moruroa, Uranium long Kakadu na sutim roket na ol i bung olsem wanem?

Yu ken askim mi. Olgeta dispela samting i sut long wanpela samting tasol - ol samting nogut i stap insait long Pasifik.

Olsem na ol wok komplek/kampen bilong mipela ol lain olsem Mother Earth (Belgium), Pasifik Konsens Risoses Senta (Fiji), Greenpeace International, Nuklia Free Independent Pasifik, Melanesian Solidarity (PNG) na Pacific Indigenous Youth Forum i sut i long toksave long ol manmeri olsem ol dispela kair samting bilong bagarapim laip i stap pinis long Pasifik.

Mipela ol lain bilong Pasifik Indigenous Youth Forum (PIYF) i gat wanpela kempen mipela kolim long - 'No Star Wars'.

PIYF i tok strong olsem, Pasifik i mas stap nuklia fri we mipela no laikim ol arapela kantri i pairapim ol bom nogut, sutim ol roket, sutim ol roket bom, bungim na kukim ol bom na marasin nogut, digim uranium na kapsaitim ol bom na marasin nogut long ol solwara bilong mipela.



• Bikpela woksap o faktori bilong wokim ol bikpela bikpela balus bilong ron long olgeta hap kantri. Tasol ol pipia bilong dispela kain faktori em ol i save tromoi we?

I tru yumi long PNG i gat planti asua bilong yumi yet tasol mi ting i gutpela tu long luksave olsem Pasifik i no ples we ol Kokonas i save danis aninit long mun lait we ol manmeri i save pilai mun tasol, nogat, em tu ples we ol kankain bom nogut i bagarapim pinis.

Sapos yumi inap tingim long sampela yia i go pinis, wanpela kampani bilong Amerika, nem bilong em - Global Telesis i bin askim olpela envoironmen Minista, Mista Jim Yer Waim long inap PNG Gavman i ken larim ol long kukim ol marasin nogut long Dobuduru, em wanpela olpela ples balus long Oro provins na dispela taim mi bin raitim wanpela strongpela pas i go long Minista Waim na Oro Primia na tok sapos ol i larim Golbal Telesis long kam insait, ol i mekim bikpela asua tru.

I no mi tasol, ol planti lain yet long Amerika i tokaut strong olsem Global Telesis i painim ples long kukim ol rabis nogut bilong em na em i no wari tumas long wanem kain bagarap bai kamap long envoironmen na pipel bilong Oro.

Tru yumi ol liklik manmeri wantaim ol gavman bilong yumi long Pasifik i no inap long gris, pawa, moni na save bilong ol lain olsem Frans, Amerika, Ingran, Saina, Siapan, Rasia, Ostrelia, Indonesia na Melesia, tasol yumi mas sanap strong na tokim ol long respektim mipela na tu ol i mas luksave long ol international treaties na covenants na protocols we i banisim yumi ol kantri long Pasifik na narapela hap.

Mi laik yu luksave long wanem kain ol nuklia militari fesilities o ol ples we samting bilong pait na woa i stap long en - Rasia i gat ples bilong putim ol samting bilong pait long Carmhn Ran Bay

(Vietnam) na Vladivostock (Rasia); Amerika i gat ol ples olsem Subic na Clark (Philippines), Okinawa, Pearl Harbour (Hawaii), Johnston Atoll, Bikini (Marshall Islands), Kwajelin (Marshall Islands) na Pine Cape long Ostrelia.

Ol sampela bikpela kampani bilong Amerika, Rasia na ol arapela kantri i bin toktok tu long wokim ol ples bilong sutim ol roket long ol dispela ples - Cape York (Ostrelia), Emirau na Los Negros (PNG, Biak (Wes Papua) na Kiritimati ailan long Kiribati.

Nau yet Amerika i save salim ol roket bilong em long Cape Canaveral, Florida. Na Frans wantaim ol sampela kantri long Yurop i save sutim ol roket bilong ol long French Guyana. Frans i bin pairapim pinis ol bom nogut long Moruroa na Fangataufa long Tahiti.

Ol ami lain bilong Ingran tu i bin pairapim ol bom nogut bipo long Maralingga long Ostrelia na nau yet i gat bikpela toktok long ol lain husat i bin stap long Maralingga taim ol Ingran i save pairapim ol bom nogut. Ol lain navi bilong Amerika i putim ai nau long Niihau ailan long Hawaii long putim ol haus na masin bilong bihainim na was long ol roket bom. Wankain tu ol Saina i laik mekim ol haus na masin bilong bihainim ol roket bom long Kiribati ... na yumi noken lusim tingting long wok bilong digim Uranium long Kakatu em Ostrelia gavman i go pas long en.

I gat bikpela wok i stap long Pasifik we yumi mas tokaut strong long gavman bilong yumi olsem Pasifik i mas stap nuklia fri na ol narapela kantri mas respektim yumi olsem yumi tu i memba bilong intanesenol komyuniti.

KANAGE



■ Kanage bilong Wosera. Olgeta 6 klok moning, em save harim nois bilong helikopta flai i go i kam. Kanage ting em mas wanpela kain pisin ya. Neks de em katim longpela mambu. Na kisim sotpela ain na pasim wantaim mambu. Na mekim olsem huk bilong hakim dispela-traipela pisin.

Long nait em i no slip. Em i go antap long longpela diwai kokonas na sindaun wet i stap. Long moning em harim nois bilong helikopta i kam. Em taitim olgeta masel na apim huk i go antap. Taim helikopta flai i kam antap stret long het bilong diwai, em hukim long lek. Em traim long pulim helikopta i kam daun. Tasol abrus na helikopta karim em wantaim huk i go. Long boda mak bilong PNG na Indonesia, huk i bruk na em pundaun.

Ol Indonesia soldia lukim em na askim em i kam long wanem hap. Na em bekim: "The world's largest bird. It got hold of me in my house and threw me out here and flew off. I don't know where it come from and where it going." Ol Indonesia soldia lap indai stret long Kanage.

WINA BILONG DISPELA WEEK EM

JINA TERRY

LAE, MOROBE PROVINS

SAPOS yu ting yu gat wanpela gutpela pani stori, orait katim hap pepa long fran pes i makim, "Mutrus Kanage bilong dispela wik" na salim wantaim stori bilong yu i kam long Wantok Nuispepa, PO Box 1982, Boroko, NCD. PNG.

Putim nem na adres bilong yu long pas na bai yu gat sans long kamap wina bilong "Mutrus Kanage bilong dispela wik" na winim wanpela praiz. SANS, YAH!

Stori na nem bilong yu bai kamaut long wanwan wik so noken lus tingting long baim Wantok nuispepa na painimaut!

SEKIM NEM BILONG TUPELA ARAPELA WINA LONG PES 13 NA 18

MUTRUS

■ Kanage wok long pater olsem katekis. Long Sande moning, pater tokim em olsem em bai go lotu wantaim kongrigesen.

Na taim Kanage laik kukim kakaruk, em mas kisim long dip frisa tasol. Bikos narapela dip frisa em bilong ol ovasis misinari. Taim pater lotu wantaim kongrigesen i stap, Kanage laik kukim kakaruk.

Em sekim frisa bilong pater yet na lukim olsem i nogat kakaruk. Klostu pater i laik pinisim lotu wantaim las prea, mna Kanage, sisti i go an singaut: "Pater kakaruk i stap we?" Pater i no bekim na em singaut gen: "Pater, kakaruk i stap we?" Pater i no bekim na Kanage singaut namba 3 taim gen: "Pater! Kakaruk i stap w?"


Pater i belhat na bekim long namel bilong las prea: "Kakaruk i stap long dip frisa." Olgeta kongregesen i bekim: "Amen".

Sore pater bel-kaskas stret long Kanage na rausim em long wok.

Pagie Siman (Namba 2 wina)
VANIMO

• Lukim moa tokpilai wantaim Kanage long pes 13

• Wanpela drama pilai i bihain stori bilong biknem Katekis Peter Torot ol Japan ami i bin kilim em long Wol woa 2 long wok lotu bilong em.



Pasin bilong autim tok bilong God long drama/piksa

PSAMYUEL
PANAPA i raitim

YUMI Papua Niugini em wanpela Kristen kantri. Olsem na gavman bilong yumi larim kankain lotu, misin na pasin bilong lotu kam

insait long kantri. Taim wanpela nupela lotu o misin kam long PNG, ol save kam wantaim nupela pasin bilong ol.

Mi no laik stori long wanpela nupela lotu o misin. Nogat. Mi laik stori tasol long wanpela pasin i save kamap oltaim long planti bung bilong kris-mas.

Mi bin gat sans long lukim krismas long wanpela liklik maunten kongrigesen. Dispela ples i stap antap stret long wanpela ples daun, we bikpela bikpela mauten i save raunim. Dispela em wanpela olupela ples tru we nambawan kristen tru i bin kamap long hap. Taim tok bilong God i bin nupela long PNG, ol manmeri long dispela hap i bin stap olsem ol wel abus tru. Ol save pait, kilim na kaikaim man. Long dispela taim namba wan misineri, bilong Luteran sios i bin sindaun antap long dispela ples nau ol kolim St Kitulam.

St Kitulam i stap baksait long Wantuat stesin, namel long Ufim na Wantuat yet, insait long Makam hetwara long Kaiapit distrik. Em wanpela naispela ples tru na taim yu sanap antap long hap bai yu lukim bikpela Makam Veli i slip sore, stat long Ramu Suga i go inap long Leron.

Dispela em ples we mi bin selebretim 1997 krismas bilong mi. Mi no bin kamap long krismas stret. Tasol long arapela Sande na de bihainim krismas ol yangpela bilong St Kitulam na Bes i bin putim kamap naispela naispela drama na piksa bihainim ol stori insait long buk baibel.

Insait long ol piksa o drama ol yangpela bilong dispela tupela kongrigesen i bin putim kamap, mi bin lukim pes bilong wanpela man planti taim tru. Na dispela em piksa bilong man nogut satan.

Mi no laik apim nem bilong satan. Nogat, em lus man. Tasol wanpela tingting i bin kamap bikpela long mi long dspela taim. Na mi bin pasim tingting tru olsem mi mas rait na tokaut long tingting bilong mi. Olsem na mi laik stori.

Yumi save harim na ritim long buk Baibel

olsem satan em lusman. Na tu em wanpela giaman na rabisman tru. Yumi save tu olsem, Jisas i bin dai antap long Diwai Kros na pinisim tru strong na pawa bilong dispela man satan.

Long St Kitulam, ol yangpela man husat i bin kisim pes bilong Satan i bin mekim naispela wok tru. Tru olsem yumi no bin lukim Satan long ai bilong yumi yet. Tasol long dispela 1997 krismas, mi bin ting olsem, mi lukim tru tru niuspepa bilong satan stret. Tingim mi no bin lukim wanpela taim. Nogat, mi bin lukim planti taim tru. Ol i bin ektim satan olgeta dei.

Mi ting olsem mi tasol i bin pilim dispela. Tasol taim mipela pinis krismas na go bek long asples bilong mipela, sampela yangpela manmeri tingim i go bek long ol drama bilong krismas na tingim tasol nus-pes bilong Satan. Na ol i bin mekim bikpela stori.

Dispela ol drama o piksa i bin sut long las dei. Taim olgeta bilip man meri go pinis wantaim Jisas. Satan bai kam na bungim olgeta sin manmeri na kisim ol i go long hel. Tru tumas, bihain long mi bin lukim dispela ol drama, mi no bin slip gut long nait. Mi tingim tasol wanem wok satan o Lusifa bai mekim long las dei.

I tru olsem, ol drama i bin kamap wantaim pani na laip. Tasol taim yu sindaun na skelim wanem samting yu lukim egensim laip bilong yu long wanwan dei. Bai yu save stret long wanem hap, yu stap long en.

Drama o piksa long taim bilong lotu em wanpela gutpela we bilong autim tok bilong Papa God, Jisas na Holi Spirit.

Dispela em wanpela liklik ekspirians bilong mi long krismas. Mi save yupela wanwan i gat eksiriesns bilong yupela yet. Tasol bikpela samting tru em; Yu redi long go wantaim Jisas taim laspela i de i kamap? Sapos yu no save yet. "Tingting i go bek gen long wanpela feveret drama o piksa yu bin lukim. Sapos yu no laikim wanpela yet. Plis traim na painim wanpela.

96 FM YUMIFM

Redio Stesen bilong yumi yet

Harim olgeta gutpela program long 93FM YUMIFM

* Olgeta lokol sing sing, na ol musik bilong bipo yet.



- * PNG MOTORS - Prais bilong kes krop.
- * YAMAHA - Provinsel weda ripot.
- * BSP - Liklik bisnisman ripot.
- * PEPSI - Lunch hour rikwest.
- * CITY PHARMACY - Lukaut bilong bebi
- * POST (PNG) - Ron bilong ol sip.
- * ELA MOTORS - Kantri kaundaun.
- * AMERICAN - God.
- * SANDE - Gospel so.

Em rait Redio Stesen ikamap pinis, harim long tok ples bilong yumi yet, 93FM YUMIFM

SALIM RIKWEST I KAM LONG:
YUMIFM Rikwest, Locked Bag 93,
Port Moresby, NCD, Fax: 320 1995

PNG FM PTY. LTD.
TRADING as NAUFM and YUMIFM
P.O. Box 774, Port Moresby, Papua New Guinea
Phone: (675) 320 1996 Fax: (675) 320 1995

KANAGE



■ Papa bilong Kanage i no bin lukim Kanage inap long 9-pela yia olgeta. Na taim Kanage laik kam lukim famili long ples, em salim tok long papa bilong em long kam lukim em long ples balus.

Balus pundaun pinis na Kanage wokabaut i go long teminel. Na painim papa i stap. Yu save, mangi taun ya. Olsem na em tromoi blu jins, blanket set, stokmens na dak glas long skin bilong em. Taim em lukim paps, em ron i go holimpasim em na stat karai.

Man papa kirap nogut na kisim bikpela paul. Bikos em i no luksave olsem em pikinini bilong em tasol i kam karai i stap. Em sem na traim long rausim Kanage. Tasol Kanage apim volum bilong karai na holim pasim papa strong moa.

I go i go na wari kilim Kanage na em kamautim histori na em tok: "Em mi ya Kanage, Yu tingim bubu man Aros givim win long bubu meri Anau na yu pes man long opim dua, na bihain yu givim win long mama na mi fes man tu long kamap. Tasol dua i strong tru na mi wok tanim tanim insait long haus na westim taim i stap." papa harim olsem na em kisim tingting. Em holimpasim strong pikinini Kanage na bekim: "Kanage, yu Kanage a? Olaman, you are my son properly ya, but yu putim testical na mi no ogenaisim yu."

**Yasom Wagey (Namba 3 wina)
LAE**

■ Kanage em bilong Munexs long Morobe provins. Wanpela taim tambu salim invitesen pas long em go long betde pati. Orait em kisim PMV na go kamap long Lae na go olgeta long Bundi kem.

Em kamap long betde pati na tambu i no isi long kilim em long kaikai. Em mekimsave long kaikai i go na pilim pekpek.

Trangu lapun Kanage em nus bilong em i gat hul. Na em sindaun gut long toilet na mekimsave long bomim Iraq i stap. Na bikos em i gat hul long namel bilong nus, wanpela blu lang sisti i go long hul ya na kamap long hapsait. Sampela seken bihain narapela blu lang lukim olsem na bihainim.

Man Kanage bel kaskas stret. Em redi na pekpek isi i stap. Namba 3 blu lang flai i kam na laik go insait na go long hapsait. Kanage flodim han na givim gutwan long blu lang ya wantaim nus bilong em, na bikmaus: Blari sit nating. Em wanem, sot kat rot bilong yupela a?"

Em ting olsem na em mekimsave long blu lang. Tasol samting tru em abrus na givim gutwan stret long nus na blut i ron.

**Robin Urevi
MT HAGEN**

■ Kanage wanpela poro bilong em i kilim wanpela walabi klostu long Jacksons ples balus long Mosbi. Taim Kanage i katim walabi, poro sindaun na lukim i stap. Tasol Kanage i no sindaun gut, na tupela kiau bilong em i pundaun i go daun na hangamap i stap.

Sem taim wanpela F28 Air Niugini smok balus laik tekov. Poro kirap na tromoi hap tok pisin long Kanage: "Aiyo, balus ya flai antap na olsem wanem na tupela wil bilong em i hangamap i go daun."


Sem taim poro lukluk long Kanage, na laik tromoi ai i go daun, see tru, em lukim tupela wil bilong balus bilong em yet. Kanage kirap sanap na stretim trausis na tokim poro: "Brata, em i no rait roksap bilong tupela. Olsem na mi no roksapim tupela gut. Em i orait, bihain bai mi roksapim tupela gut long gutpela roksap stret."

Poro ya i kilim skin stret long lap na tupela tilim ol mit bilong walabi na tekov long haus.

**Elizabeth Yaga
WEWAK**

• Lukim moa tokpilai wantaim Kanage long pes 18

Edvetaismen na PNG sosaiti na kalsa



• **ANTAP:** Edvetaismen bilong motobaik i laik traim na bai ol man i ting, ron long motobaik em isi na bai helpim yu long planti samting. **ANINIT:** Ol bikman i soim piksa bilong bateri. Ol i soim olsem dispela em strongpela bateri winim ol arapela bateri.


STEVEN GIMBO i raitim

TAIM mi harim dispela stori we meri bai askim mira o glas long wol olsem: "Mira, Mira long wol .. husat em moa yet ..." o long Inglis ol i tok: "Mirror, Mirror on the wall ... Who is the fairest of them all...?" mi save tingim ol edvetaismen na yumi ol lan manmeri we kalsa na kastom bilong yumi i no wankain olsem ol lain long Amerika o Ostrelia o Inglen.

Long redio, vidio, na televisen, o traipela sainbod, na long ol sampela nius stori, edvetaismen i save pulim ol planti man na meri na tu i save givim planti aidia na infomesen bilong yumi ken save long en. Dispela em ol infomesen bilong yumi long kisim na save long en tasol bikpela as tingting bilong ol dispela edvertaismen em bilong salim ol prodakt o sevis bilong ol o ol samting em ol i kamapim na i laik bai yumi baim.

Edvetaismen em ol piksa na toksave bilong ol prodakt o sevis, wanpela man o kampani i laik salim long ol pablik. Taim wanpela kampani i putim edvetaismen, em i wokim pablik toksave long niuspepa, redio, tv o vidio long ol samting ol i kamapim bilong salim. Planti taim edvertaismen i save kamap long ol vidio na muvi tu, tasol planti manmeri i no save olem dispela em i edvertaismen bikos insait long muvi o vidio ol i no tokaut ples klia olem em i edvetaismen. Kain olsem piksa long EMTV ol i kolim "Baywatch" - em ol dispela kain muvi o piksa i save edvertaisim laip bilong ol yangpela long Amerika.

Planti bilong ol dispela edvetaismen i save soim yumi ol gutpela kwaliti bilong ol prodakt o sevis wantaim ol promis olsem ol dispela samting bai bringim gutpela sindaun na amamas. Tasol ol dispela edvetaismen i save giaman yumi planti taim na mekim yumi driman long amamas na gutpela sindaun, we yumi ting olgeta man long graun i gat wankain samting na yumi tasol nogat; olsem na edvetaisment i laik bai yumi tu i baim ol dispela samting na painim wankain amamas.



Tasol ol dispela edvetaismen i no tingim ol kalsa o kastom bilong yumi. Olsem na taim yumi laik bihainim ol dispela pasin o baim na yusim ol samting long edvetaismen, yumi isi isi long lus tingting long ol gutpela kastom na tumbuna pasin bilong yumi. Planti bilong ol dispela edvetaismen i bilong ol samting bilong narapela kantri olsem na ol dispela edvetaismen i save tokim yumi long kamap olsem ol mani manmeri bilong Amerika, Australia, Inglen, Japan o China (Planti ol prodakt bilong Asia tu i pulap insait long kantri na ol tu i kamapim planti edvetaismen bilong kirapim tingting bilong yumi long baim ol samting bilong ol).

Ol edvetaismen bai i no inap tokim yumi ples klia olsem yumi mas senisim ol gutpela kastom na kamap olsem ol lain long Amerika o Ostrelia. Tasol as tingting bilong ol em olsem yumi mas baim ol dispela samting bilong ol na bai yumi kamap wankain olsem ol.

Olgeta prodakt ol i save edvetaisim i save kamapim wanpela astingting em adia tru long olgeta sosaiti long wel: em bilong soim ol arapela olsem yumi i gat mani na yumi ken baim ol dispela samting: na tu bilong soim olsem yumi ken kamap narakain liklik long ol arapela manmeri insait long sosaiti bilong yumi.

Taim yumi baim ol samting yumi lukim long edvetaismen

em i mekim yumi kamapim dispela driman bilong yumi i kamap tru (o yumi yet i bilip olsem dispela driman i kamap tru) na yumi traim long kamap olsem ol manmeri insait long edvetaismen kain olsem long kamap gutpela papamama o bilong kamap moa naispela olsem ol manmeri long piksa, o long kamap papa long wanpela samting em bai mekim yumi narakain liklik o moa spesel long ol arapela manmeri.

Edvetaismen i save tokim yumi long husat o wanem samting yumi "i mas kamap" olsem na em i olsem wanpela mira o glas long wol husat i sutim bek piksa bilong Westen sosaiti na i no sutim piksa tru bilong PNG sosaiti i kam bek long yumi.

Dispela glas o mira i no tokim wanem samting em i tru tasol wanem samting em i laik bai yumi kamap.

Edvetaismen i save bosim laip bilong planti manmeri long dispela graun na i save mekim yumi kamap olsem wanpela samting nating husat i no inap long yusim het bilong em yet long tingting. Ol dispela kain we bilong ol long toktok insait long edvetaismen i klostu wankain long olgeta edvetaismen - em bilong senisim tingting bilong yumi na mekim yumi baim ol dispela samting ol i edvetaisim.

Planti bilong ol piksa edvetaismen insait long ol piksa buk o megesn i save i gat ol

naispela na switpela tok gris bilong ulim yumi long kamap olsem ol lain long piksa. Planti bilong ol muvi piksa long televisen na vidio yumi lukim i gat edvetaismen insait long en. Long vidio yumi lukim ol strongpela gan, o naispela klos, o ka, o motobaik, meri i gat naispela bilas long skin - em dispela tu em i edvetaismen.

Ol soim yumi ol samting insait long muvi piksa long kirapim tingting bilong yumi long baim ol dispela ol samting sapos yumi laik pinisim dispela laik bilong yumi long kamap olsem ol dispela lain long piksa (o long edvetaismen o muvi).

Na planti bilong yumi i no luksave olsem dispela samting em i tru, olsem na olgeta taim yumi lukim sampela naispela samting long piksa, em i kirapim tingting bilong yumi long baim. Na tu long tingting bilong yumi, yumi ting olsem olgeta samting i kam long hap bilong Westen sosaiti i gutpela moa long ol samting i kamap long PNG long hatwok bilong yumi yet. Yumi i gat dispela rong tingting olsem kalsa na kastom bilong ol lain long Amerika, o Ostrelia, o Inglen, o Japan o ol arapela kantri em i moa yet.

Na yumi i wok long lus tingting long ol gutpela kalsa o kastom bilong yumi isi isi. Em wanpela as we kalsa na kastom bilong yumi i wok long dai isi isi.

Gutpela sain bilong laip i kamap gut gen long hailans



SAPE METTA i raitim

BIHAIN long hevi bilong bikpela san na ais we i pundaun na bagarapim planti eria insait long kantri bilong yumi Papua Niugini inap 8-pela mun, ren i stat ken long pundaun na kamapim ken gutpela sain bilong laip i kamap gut olsem bipo.

Dispela hevi bilong san na ais i bin kamap long stat bilong mu Me las yia i kam inap wanpela wik bipo long krismas long dispela sem yia (1997).

Bikpela bel isi na amamas i bin kamap long ol hailans provins, long wanem ren i bin kam daun long ol eria bilong ol olsem wanpela bikpeia kris-mas presen bihain long planti hevi na bagarap em san na ais i bin kamapim.

Isten hailens em i wanpela long ol dispela hailens provins we i kisim dispela krismas presen (ren pundaun). Olsem na long nau yet ol man na meri insait long Isten hailens i bisi ken long mekim wok insait long kaikai gaden bilong ol.

Planti lain man na meri insait long taun, viles na hauslain i go het nau long klinim na digim ap graun long gaden na planim kaikai nabaut pinis, tasol sampela i wok hat na bisi yet long brukim graun na i redim i sinis na i no long taim bai ol i stat long planim kaikai. Ol lain husat i bin planim kaikai insait long 6-pela wik i go pinis taim ren i bin stat pundaun i lukim nau gaden i karim ol kaikai olsem kon, kaukau, kumu, kukamba, pamkin, bin na ol arapela gaden kaikai.

Planti long ol dispela kaikai i stat tasol long kamap na i wok yet long karim na insait long narapela tu o tripela wik, bai ol i redi na ol man na meri bai kamautim (havestim) na kaikai o ol i ken karim i go long maket na salim.

Long ol wik i go pinis mi i bin i go lukluk raun long ol viles arere long Goroka taun olsem Segu, Kama, Kamiufa, Kefamo na Kafuku na luksave long planti gaden long hap i wok

• **ANTAP:** Ren i pundaun gen na planti asples i stat long planim ol kaikai na kisim i go long maket. Dispela piksa bilong Lae Maket i soim ol kaikai i kapsait long maket bikos bikpela san i stop na ren i pundaun nau.

• **ANINIT:** Bihain long hevi bilong bikpela san inap moa long 8-pela mun, insait long Isten hailens, ren i stat long pundaun na kirapim gen ol man na meri long wok hat long wokim na kamapim ol kaikai gaden bilong ol long wan wan viles bilong ol. *Ol foto: Sape Metta.*



long kamap gut na karim planti kaikai.

Long Komiufa viles mi bungim wanpela lokel fama, i wok long kamap gut isi isi, na laip insait long viles we i bin i stap long bikpela taim nogut inap klostu long wanpela yia i wok long kamap gut ken olsem bipo.

Mista Mayupe i tok em i bin kalap wantaim bikpela amamas taim ren i kam daun namel long Disemba, 1997. Em i tok ren em i bikpela samt-ing we i save mekim laip bilong yumi gutpela. Na taim em i kam daun long wanpela bikpela presen, namba tu long kamap bilong Jisas Kraus i kam long Papa God bihain long bikpela san i kukim stret Isten hailens inap 8-pela mun olgeta.

Mista Mayupe husat i lusim wok 3-pela yia i go pinis i bin

kamap na i save wok hat olsem wanpela lokel fama insait long viles bilong em. Olsem lokel fama, Mista Mayupe i save growim na kamapim kabis, kerot, letis, tomato, onion, bin, pinat na kaukau long ol gaden bilong em.

Em i tok taim em i statim wok olsem lokel fama long yia 1995, wok bilong em i kamap na ron gut i kam antap long 1996. Tasol kamap long 1997, olgeta hatwok i bagarap na kisim taim, long wanem bikpela san i kamap na kukim olgeta kaikai long gaden bilong em.

Mista Mayupe husat i wanpela kristen man i tok ol dispela bikpela hevi ya i kamap tasol-em i bilip na prea strong long Papa God bai stapim dispela hevi. Na bilip na prea bilong em i karim kaikai bihain long 8-pela mun na em i gat

bikpela amamas long Papa God.

Em i tok, "ol kainkain bikpela trabel na hevi i ken kamap na yumi yet i lukim pinis. I no gat wanpela man o meri bai i ken stopim ol dispela kain hevi nabaut.

Papa God em i stap na sapos yumi bilip strong na prea long em, em bai harim, na maski long ol kainkain hevi nabaut, God wanpela tasol inap long stopim."

Long Kefamo na Kafuku viles, ol lapun man na meri long hap i tokim mi olsem bel bilong'ol i no moa kirap olsem ol bai dai long hangre long wanem ren i pundaun ken na kaikai long gaden i kamap gut olsem bipo.

Dispela i mekim na ol i gat bel isi na save olsem laip bilong ol bai go het gut ken na dai bilong hangre bai i no inap bungim ol inap longpela taim.

YUMI FM

PNG HIT PARADE

1997

No. SONG ARTIST POS. WKS. MTH.

Hour 1

40	S/ SOMETHING	APPRENTICE	5	3	NOV
39	YAMBUNAWI	MANDAWALI	5	3	FEB
38	STAP SORE	URALOM KANIA	4	1	DEC
37	MATANGI SASAWA	SAUGAS	4	1	DEC
36	TAMOATA	QUAKES	4	1	AUG
35	LAMBADA REGGAE	DAVID ANDREW	4	1	MAY
34	COME HOME NOW	XB2	4	1	APR
33	NOQUI-TAU	KABANI	4	1	JUL
32	MANGI BAINING	BARIKE	4	1	JAN
31	MAI TAURI AU	KABANI	4	4	JUN

Hour 2

30	MANAM MOTU	QUAKES	3	1	DEC
29	UNITY	COVER VERSION	3	1	NOV
28	IA LYNETTE	LEONARD KANIA	3	1	JUN
27	FROOKS LONG MI	AZZIMBAH	3	3	NOV
26	AI DAUE	WALI HITS	3	3	JUL
25	PILISI	HITSY GOLOU	3	3	FEB
24	CRAZY	TARIKANA	3	4	JAN
23	KUTI MANGI	ROBERT OEKA	2	1	DEC
22	JUSTINA	LEO WALLING	2	1	NOV
21	FAREWELL	BASIL GREG	2	1	FEB



PNG FM PTY. LTD.
Trading as
NAU FM
and
YUMI FM

P.O. Box 774,
Port Moresby
Papua New Guinea
Ph: (675) 320 1996
Fax: (675) 320 1995

Bihain long 5-pela krismas, Wantok ripota Veronica Hatutasi i bin go bek long ples bilong em long Siwai, Sautwes Bogenvil na raitim dispela ripot long ol samting em i lukim long ples.

Nogat gan i pairap.

Yu no inap lukim moa ol mama na pikinini i pret na ronawe lusim ples i go long ol keasenta.

Stap long ples i senis nau na ol samting i wok long kamap orait. Long rot nau ol ka i ron, ol manmeri na pikinini i wokabaut. Ol i raun long laik bilong ol na mekim ol kain wok. Sampela i go long haus sik na helt senta, sampela i go long maket, sampela long gaden, sampela i go lotu na sampela i go raun long bungim ol hauslain bilong ol long ol arapela ples long Siwai, Buin na Nagovis.

Long ol kea senta na ol ples, ol pikinini i pilai amamas i stap, ronim wanpela arapela o pilai mabel.

Long ol wara, ol meri na pikinini i was was i stap. Ol mama i wasim ol plet, sospen na ol klos. Sampela i wasim ol kaukau samting ol i kisim long gaden. Ol pikinin i pilai amamas long wara.

Stap bilong dispela taim em i narakain olgeta long dispela we i bin stap long 1992. Em yia we mi na famili bilong mi i bin lusim ples na kam long Mosbi. Long dispela taim, gan i bin bosim ples na ol manmeri na pikinini i stap wantaim bikpela pret tru. Mi bin lusim ples long traim painim gutpela sindaun na skul bilong ol pikinini.

Mi no lus tingting long de mipela i lusim liklik ples bilong mi long Monoitu. Maski mipela i sori nogut tru long lusim ples, ol papamama, brata, susa, ol pren na ol hauslain, bikpela tingting i bin stap long painim gutpela sindaun na skul long ol pikinini. Olsem na mi karim liklik bebi long baksait na narapela liklik boi em mi holim long hapsait han mipela i wokabaut i go long Tonu ples balus bilong kisim Airlink balus. Papa bilong mi na wanpela gutpela kandere bilong mi tu i go wantaim mi na foapela pikinini bilong mi. Tupela i karim wanpela henbeg wantaim ol senis bilong mipela. Long Tonu mipela i kisim Airlink balus i go olsem long Buka na Rabaul. Bihain long wanpela wik long Rabaul wantaim ol sampela hauslain bilong mipela, mipela i kam long Mosbi. Taim mi stap long Mosbi, mi save lukluk na wetim wanem taim bai sindaun long Bogenvil i kamap orait liklik na mi go bek gen long ples. Olsem na klostu long Krismas las Disemba, mi wantaim tripela pikinini i kisim Air Niugini na go long Buka. Kamap long Buka em i narapela hatwok gen long painim rot gen long go long Siwai.

Lusim Buka

Bikpela amamas tru i stap long lewa taim liklik waitpela bas i kisim mipela long Hutjena bilong go lusim mipela long nambis bilong Buka Pasij. Dispela em long 4.30 bikmoning. Kolwin i wok long kamap na tulait i wok long bruk long ailan na provins. Save Bogenvil em namba wan provins long kantri we san i save kamap hariap. Win i pulim switpela smel olsem sanda bilong ponsiana plawa i kam na pulumapim nus. Foapela yangpela, Denise, Esther, Trevor na Germaine i laik go kamap long ples hariap na bungim ol ples lain. Mi tu. Olsem na mipela i amamas tru taim motobot

Redi long go long ples

we mipela bai i kalap long en i pul i kasm long nambis we mipela i sindaun i stap.

Nau ol pipel bilong bikailan i painim hat tru long i go i kam long Buka na tu long bikailan i kam bek long Buka. Dispela hevi i bin kamap bihain ol Bogenvil Revoluseneri Ami i sutim wanpela balus bilong Airlink kampani long Oria, Buin long 1995. Mekim na balus kampani ya i stapim ron bilong em i go long bikailan Bogenvil. Nau em i save operetim tasol ol balus bilong em long Rabaul/Hoskins na Kimbe i go long Buka Ailan.

Taim mi painimaut olsem motobot em wanpela rot tasol we ol pipel i yusim bilong i go i kam long ailan, mi les bikos mi pret. Pret bikos ron long moto i lusim Buka na go long Siwai i save kisim namel long 8-9 awa na mi no save ron long long-

Mi amamas long lukim ol planti iiklik ailan we i luknais moa, gutpela waisan, ol lain kokonas we win i seksekim lip bilong ol long nambis, ol pis i swim long solwara, ol pisin i plai nabaut na long bikailan, stat long nambis i go long ol maunten, ol bikbus, diwai na ples i luk grin tru nau. Tasol mi ken lukim tu long sampela hap ol diwai i sanap tasol ol lip i drai bihainim bikpela san we i bin kamap long kantri long las yia yet.

Namba wan taim tu mi lukim san i kamap antap long solwara. Sankamap ya i luk nais moa tru antap long ol liklik ailan long Taiof. Na mi ting maski pait i bagarapim ol piple na ples long bikailan, planti ol liklik ailan insait long Buka distrik i no bin kisim taim long han bilong ol paitman bikos ol i stap longwe.

Rebecca, wanpela yangpela mama i susuim bebi bilong em i stap na mi holim narapela liklik boi bilong

Ol man i helpim bot operata na bihain long ten minit samting, enjin i stat bek gen. Mipela i go sua long nambis long Motupena na malolo pastaim.

Man, gutpela hap stret dispela nambis ya. Solwara i stap isi, gutpela waisan na ol diwai yar (pine) i pulapim dispela hap poin ya i luknais moa moa yet. Ol yangpela i lukluk raun taim ol mama na pikinini i sindaun na kaikai liklik, dring wara na kisim win liklik. Long tingting bilong mi askim watpo na nogat ples i stap long dispela naispela hap nambis ya. Bikos dispela em namba wan taim bilong mi long raun i go olsem long wes kos, mi lukluk gut long ol ples na ol samting long rot.

Lusim Marau long Nagovis, mipela i kamap long wara bilong Siwai. Dispela em long samting olsem 1.30 apinun, bihain tasol long belo na mipela i no stap longwe long

samting we i soim olsem ol i kam bek long gaden. Sampela yangpela man tu i ron long baisikel long rot. Rot i stap gut tasol i nidim maintenens long sampela hap. Mi skelim olsem stap long ples nau i wok long kamap gut nau na taim mipela i kamap long mausrot we i go long Monoitu Katolik misin stesen, mi amamas long lukim olsem ol samting long hap i stap gut. Mi lukim nupula haus sik we ol i pinisim tasol long kisim ples bilong olpela wan we ol BRA i bin kukim long 1995. Planti nupela klasrum na ol haus tisa i sanap na stesen i luk nais moa olsem wanpela liklik taun. Mipela i drai i go long ples bilong mipela we i stap tasol long arere bilong stesen baksait long haus pater.

Klostu nait na mama, ol susa na olgeta long liklik ples i wok long kuk i stap. Ol i no save olsem mipela i kam. Mipela tu i laik mekim ol i kirap nogut Orait, ol i harim ka na taim mipela i go klostu, pikinini meri long wanpela susa bilong mi i luksave long mi i sindaun long baksait bilong ka na em i tokim ol lain bilong mipela. Taim ol i painaut, ol i no isi, ol i ron i kam klostu long hap we ka i stop long en. Mama, papa, ol susa, ol pikinini bilong ol na olgeta hauslain long liklik ples i kam holim pasim mipela na sekan. Mipela i amaams tru long lukim wanpela arapela.

Tupela papamama i kalap nogut long lukim ol bubu bilong ol i bikpela pinis insait long faivpela krismas mipela i lusim ples. Mi lukim tu olsem maski bikpela hevi i kamp long ples, olgeta lain bilong mi nau i stap fit, lapun papa na mama tu i stap strong yet. Mi sori tasol long sampela lain bilong mipela we i dai long taim bilong hevi long sik, han bilong ol BRA, resistens na ami.

Long ol de i kam, mipela i stori gut wantaim ol lain bilong mipela na mipela i kisim ol toktok long ol samting we i kamap long ples, taim mipela i lusim long 1992 inap nau. Tupela susa bilong mi na ol pikinini i wok long askim tu long ol feveret kriket tim bilong ol long Wes Indies na ol feveret pilai bilong ol olsem batsman Brian Lara na boula Curtly Ambrose. Mipela i tokim ol olsem ol i pilai yet na pilai i save kamap yet long EM TV.

Mi lukim planti senis i kamap insait long 5-pela krismas. Ol pikinini wei liklik taim mipela i lusim ples long 1992 i gro bikpela pinis. Planti long ol dispela we i sapos long stap long skul, olsem 15 krismas i marit pinis na ol i gat pikinini pinis. Planti ol lapun na ol yangpela tu i bin dai insait long hevi na mi sori nogut tru.

Liklik bilong mi yet

Mi lukim olsem olgeta famili nau i stap long ol bikpela ples na i no wan wan famili long ol liklik gaden bilong ol olsem bipo. Long Siwai, ol ples i stap long ol eria olsem Korikunu, Konga, Hari na Rataiku em ol man i stap long ol ples long ol. Dispela em ol eria we ol i seif tasol long ol eria olsem Haisi, Mukakuru, Ruhwaku na Matukoli na Motuna/Huyono, pret pasin i stap yet na liklik lain tasol nau i wok long go sindaun long ples. Planti i stap yet long ol keasenta tasol ol i go long klinim ol ples na wokim ol gaden kaikai.

Mi lukim tu olsem nau ol toktok bilong ol Bogenvil lida long Nu Silan i strongim ol pipel long wok hat long kamapim bel isi pasin na gutpela sindaun. Tu stap bilong ol trus monitas long olgeta hap bilong Bogenvil i skruim gut na strong moa yet rot bilong bringim bek gutpela sindaun. Siwai i ken kamap gutpela longtaim, tasol politiks bilong ol bikman long hap i save stapim dispela samting long kamap. Bikos long 1994 yet ol

i go long pes 16



• Nogut ol! Ol yangpela ya i bilong ples Monoitu long Siwai. Ol i laik tok gutpela long ol famili bilong ol husat i wet long kalap long bot MV Sankamap long Mamagota nambis.

pela taim olsem long ol taim bipo. Tasol nogat rot na sapos mipela i tingting long wetim sip, bai mipela i Krismas na Nu Yia long Buka. Na mipela i laik stap long ples long amamasim Krismas na Nu Yia.

Mipela i 12-pela pipel long bot, faivpela skul manki, wanpela bebi na tupela liklik pikinini, tripela mama, tupela man na bot operata na boskru. Long 5.20 moning, mipela i lusim Buka na statim wokabout bilong mipela i go long ples. Mipela i bihainim wes kos we i go olsem long Kunua/Keriak, Torokina, Marau long Nagovis na Mamgota em nambis long ples bilong mipela.

Isi mi beten long Bikman i lukautim mipela long dispela longpela wokabaut bilong mipela.

Kilaut long antap i lus na san i wok long kamap antap isi. Mipela i lukluk i go na long narapela sait bilong Pasij ol i kolim long Kokopau, ol haus na ol stoa i kamap long ples klia.

Nogat kilaut i stap antap long skai, solwara i stap isi tru na dispela i mekim bel i gutpela bikos bai gutpela taim i kamap tude. Long dispela taim bilong yia, solwara i save stap isi long olgeta hap bilong ailan.

Olgeta samting i go gut tasol na bot i ron gut. Tasol samting olsem 15 minit mipela i lusim Buka Pasij, mipela i bungim namba wan trabel. Bot i hitim rif klostu long Taiof Ailan. Laki tru na nogat trabel i kamap long enjin na operata i tanim bot i go bek na mipela i go het long wokabaut bilong mipela.

em. Rebecca wantaim tupela pikinini i wok long go long ples bihain ol i stap long Kimba insait long Wes Nu Briten long wanpela krismas. Ol bin stap wantaim bikpela susa Serah na famili long Hoskins. Serah em i wanpela skul tisa na em i maritim wanpela waitman, Garry husat i wok wantaim Yuropien Yunien long hap. Serah wantaim liklik boi bilong em, Sammy husat i gat tripela krismas i laik go lusim susa na famili na long wankain taim, lukim papamama, ol brata susa na ol hauslain long ples.

Motobot i ron i go na mipela i lukim ol pis, ol pisin, ol dolpin i sam sam nabaut, na ol man i huk nabaut long solwara.

Long samting olsem 10 kilok, mipela i kamap long Motupena Poin long Torokina. Bikpela san i kukim mipela bikos long moto i nogat ples hait. Olsem na mipela i yusim ol ket, hat na tawel long haitim san long en. Mipela i dringim tu ol sof dring na mipela i karim long Buka i kam. Ol i putim piul gen long bot. I no long taim enjin i dai antap long biksolwara. Mipela ol mama na ol pikinini i stap isi tasol na isi askim wanem samting i rong nau. Mipela i harim olsem operata i no karim spea spak plag na ol arapela tul long stretim bot sapos enjin i bungim trabel. Mipela i wari bikos nambis i nogat man long en. Na hap, mipela i stop long en i longwe long nambis. Mi tingting planti rtau na mi tok tude yet bai mipela i drip i go we nau o sapos nogat bai mipela mekim gutpela kaikai na sut bilong ol sak.

Mamagota we bai mipela i sua long en na mipela i bungim bikpela asua. Enjin i dai na mipela i drip i stap antap long solwara. Maski operata na ol man i statim bot, em i dai yet na i no kirap moa. Tasol mipela i laiki bikos planti manmeri na pikinini i stap long dispela hap nambis long Hiai. sampela i huk, sampela i pul long kanu na ol manki i swim na pilai long nambis i stap. Long dispela taim tu bipo Krismas, ol manmeri i save go slip long nambis bilong kisim na smokim ol abus bilong krismas. Sampela man i kam wantaim kanu bilong ol na ol i pulim mipela wantaim motobot na mipela. Mipela ol meri na ol pikinini i sindaun long nambis taim ol man i stretim bot. Bihain long tripela awa, bot i stat na mipela i go hetim las pela hap wokabout i go long Mamagota. Taim olsem 5 kilok samting mipela sua long hap we ka i wet i stap. Mipela i putim pinis olgeta samting long trak na mipela i sindaun na bihainim rot long Mamagota i go long ples. Mipela i ron long 30 minit samting i go long Monoitu.

Kamap long ples

Em i apinun pinis na tudak i wok long pondaun hariap. Long rot i kam long ples, mipela i lukim planti haus we ol i wokim nupela tasol. Dispela em taim ples i wok long kamap orait na planti pipel husat i bin ronawe lusim ples i wok long go bek. Mipela i lukim tu sampela mama wantaim ol pikinini i karim ol kaikai na paiawtu samting i kam long gaden. Sampela papa tu i karim ol akis, sarip na naip

YUMI FM

PNG HIT PARADE

1997

No. SONG ARTIST POS. WKS. MTH.

HOOR 1

40 S/ SOMETHING	APPRENTICE	5	3	NOV
39 YAMBUNAWI	MANDAWALI	5	3	FEB
38 STAP SORE	URALOM KANIA	4	1	DEC
37 MATANGI SASAWA	SAUGAS	4	1	DEC
36 TAMOATA	QUAKES	4	1	AUG
35 LAMBADA REGGAE	DAVID ANDREW	4	1	MAY
34 COME HOME NOW	XB2	4	1	APR
33 NOQUI-TAU	KABANI	4	1	JUL
32 MANGI BAINING	BARIKE	4	1	JAN
31 MAI TAURI AU	KABANI	4	4	JUN

HOOR 2

30 MANAM MOTU	QUAKES	3	1	DEC
29 UNITY	COVER VERSION	3	1	NOV
28 IA LYNETTE	LEONARD KANIA	3	1	JUN
27 FROOKS LONG MI	AZZIMBAH	3	3	NOV
26 AI DAUE	WALI HITS	3	3	JUL
25 PILISI	HITSY GOLOU	3	3	FEB
24 CRAZY	TARIKANA	3	4	JAN
23 KUTI MANGI	ROBERT OEKA	2	1	DEC
22 JUSTINA	LEO WALLING	2	1	NOV
21 FAREWELL	BASIL GREG	2	1	FEB

PNG FM PTY. LTD.

Trading as
NAU FM
and
YUMI FM

P.O. Box 774,
Port Moresby
Papua New Guinea
Ph: (675) 320 1996
Fax: (675) 320 1995

Gutpela sain bilong laip i kamap gut gen long hailans



SAPE METTA i raitim

BIHAIN long hevi bilong bikpela san na ais we i pundaun na bagarapim planti eria insait long kantri bilong yumi Papua Niugini inap 8-pela mun, ren i stat ken long pundaun na kamapim ken gutpela sain bilong laip i kamap gut olsem bipo.

Dispela hevi bilong san na ais i bin kamap long stat bilong mu Me las yia i kam inap wanpela wik bipo long krismas long dispela sem yia (1997).

Bikpela bel isi na amamas i bin kamap long ol hailens provins, long wanem ren i bin kam daun long ol eria bilong ol olsem wanpela bikpela krismas presen bihain long planti hevi na bagarap em san na ais i bin kamapim.

Isten hailens em i wanpela long ol dispela hailens provins we i kisim dispela krismas presen (ren pundaun). Olsem na long nau yet ol man na meri insait long lsten hailens i bisi ken long mekim wok insait long kaikai gaden bilong ol.

Planti lain man na meri insait long taun, viles na hauslain i go het nau long klinim na digim ap graun long gaden na planim kaikai nabaut pinis, tasol sampela i wok hat na bisi yet long brukim graun na i redim i sinis na i no long taim bai ol i stat long planim kaikai.

Ol lain husat i bin planim kaikai insait long 6-pela wik i go pinis taim ren i bin stat pundaun i lukim nau gaden i karim ol kaikai olsem kon, kaukau, kumu, kukamba, pamkin, bin na ol arapela gaden kaikai.

Planti long ol dispela kaikai i stat tasol long kamap na i wok yet long karim na insait long narapela tu o tripela wik, bai ol i redi na ol man na meri bai kamautim (havestim) na kaikai o ol i ken karim i go long maket na salim.

Long ol wik i go pinis mi i bin i go lukluk raun long ol viles arere long Goroka taun olsem Segu, Kama, Kamiufa, Kefamo na Kafuku na luksave long planti gaden long hap i wok

• **ANTAP:** Ren i pundaun gen na planti asples i stat long planim ol kaikai na kisim i go long maket. Dispela piksa bilong Lae Maket i soim ol kaikai i kapsait long maket bikos bikpela san i stop na ren i pundaun nau.

• **ANINIT:** Bihain long hevi bilong bikpela san inap moa long 8-pela mun, insait long lsten hailens, ren i stat long pundaun na kirapim gen ol man na meri long wok hat long wokim na kamapim ol kaikai gaden bilong ol long wan wan viles bilong ol. *Ol foto: Sape Metta.*



long kamap gut na karim planti kaikai.

Long Kamiufa viles mi bungim wanpela lokel fama, i wok long kamap gut isi isi, na laip insait long viles we i bin i stap long bikpela taim nogut inap klostu long wanpela yia i wok long kamap gut ken olsem bipo.

Mista Mayupe i tok em i bin kalap wantaim bikpela amamas taim ren i kam daun namel long Disemba, 1997. Em i tok ren em i bikpela samt-ing we i save mekim laip bilong yumi gutpela. Na taim em i kam daun long wanpela bikpela presen, namba tu long kamap bilong Jisas Kraus i kam long Papa God bihain long bikpela san i kukim stret lsten hailens inap 8-pela mun olgeta.

Mista Mayupe husat i lusim wok 3-pela yia i go pinis i bin

kamap na i save wok hat olsem wanpela lokel fama insait long viles bilong em. Olsem lokel fama, Mista Mayupe i save growim na kamapim kabis, kerot, letis, tomato, onion, bin, pinat na kaukau long ol gaden bilong em.

Em i tok taim em i statim wok olsem lokel fama long yia 1995, wok bilong em i kamap na ron gut i kam antap long 1996. Tasol kamap long 1997, olgeta hatwok i bagarap na kisim taim, long wanem bikpela san i kamap na kukim olgeta kaikai long gaden bilong em.

Mista Mayupe husat i wanpela kristen man i tok ol dispela bikpela hevi ya i kamap tasol em i bilip na prea strong long Papa God bai stapim dispela hevi. Na bilip na prea bilong em i karim kaikai bihain long 8-pela mun na em i gat

bikpela amamas long Papa God.

Em i tok, "ol kainkain bikpela trabel na hevi i ken kamap na yumi yet i lukim pinis. I no gat wanpela man o meri bai i ken stopim ol dispela kain hevi nabaut.

Papa God em i stap na sapos yumi bilip strong na prea long em, em bai harim, na maski long ol kainkain hevi nabaut, God wanpela tasol inap long stopim."

Long Kefamo na Kafuku viles, ol lapun man na meri long hap i tokim mi olsem bel bilong ol i no moa kirap olsem ol bai dai long hangre long wanem ren i pundaun ken na kaikai long gaden i kamap gut olsem bipo.

Dispela i mekim na ol i gat bel isi na save olsem laip bilong ol bai go het gut ken na dai bilong hangre bai i no inap bungim ol inap longpela taim.

Bihain long 5-pela krismas, Wantok ripota Veronica Hatutasi i bin go bek long ples bilong em long Siwai, Sautwes Bogenvil na raitim dispela ripot long ol samting em i lukim long ples.

Nogat gan i pairap.

Yu no inap lukim moa ol mama na pikinini i pret na ronawe lusim ples i go long ol keasenta.

Stap long ples i senis nau na ol samting i wok long kamap orait. Long rot nau ol ka i ron, ol manmeri na pikinini i wokabout. Ol i raun long laik bilong ol na mekim ol kain wok. Sampela i go long haus sik na helt senta, sampela i go long maket, sampela long gaden, sampela i go lotu na sampela i go raun long bungim ol hauslain bilong ol long ol arapela ples long Siwai, Buin na Nagovis.

Long ol kea senta na ol ples, ol pikinini i pilai amamas i stap, ronim wanpela arapela o pilai mabel.

Long ol wara, ol meri na pikinini i was was i stap. Ol mama i wasim ol plet, sospen na ol klos. Sampela i wasim ol kaukau samting ol i kisim long gaden. Ol pikinini i pilai amamas long wara.

Stap bilong dispela taim em i narakain olgeta long dispela we i bin stap long 1992. Em yia we mi na famili bilong mi i bin lusim ples na kam long Mosbi. Long dispela taim, gan i bin bosim ples na ol manmeri na pikinini i stap wantaim bikpela pret tru. Mi bin lusim ples long traim painim gupela sindaun na skul bilong ol pikinini.

Mi no lus tingting long de mipela i lusim liklik ples bilong mi long Monoitu. Maski mipela i sori nogut tru long lusim ples, ol papamama, brata, susa, ol pren na ol hauslain, bikpela tingting i bin stap long painim gupela sindaun na skul long ol pikinini. Olsem na mi karim liklik bebi long baksait na narapela liklik boi em mi holim long hapsait han mipela i wokabout i go long Tonu ples balus bilong kisim Airlink balus. Papa bilong mi na wanpela gupela kandere bilong mi tu i go wantaim mi na foapela pikinini bilong mi. Tupela i karim wanpela henbeg wantaim ol senis bilong mipela. Long Tonu mipela i kisim Airlink balus i go olsem long Buka na Rabaul. Bihain long wanpela wik long Rabaul wantaim ol sampela hauslain bilong mipela, mipela i kam long Mosbi. Taim mi stap long Mosbi, mi save lukluk na wetim wanem taim bai sindaun long Bogenvil i kamap orait liklik na mi go bek gen long ples. Olsem na klostu long Krismas las Disemba, mi wantaim tripela pikinini i kisim Air Niugini na go long Buka. Kamap long Buka em i narapela hatwok gen long painim rot gen long go long Siwai.

Lusim Buka

Bikpela amamas tru i stap long lewa taim liklik waitpela bas i kisim mipela long Hutjena bilong go lusim mipela long nambis bilong Buka Pasij. Dispela em long 4.30 bikmoning. Kolwin i wok long kamap na tulait i wok long bruk long ailan na provins. Save Bogenvil em namba wan provins long kantri we san i save kamap hariap. Win i pulim switpela smel olsem sanda bilong ponsiana plawa i kam na pulumapim nus. Foapela yangpela, Denise, Esther, Trevor na Germaine i laik go kamap long ples hariap na bungim ol ples lain. Mi tu. Olsem na mipela i amamas tru taim motobot

Redi long go long ples

we mipela bai i kalap long en i pul i kasm long nambis we mipela i sindaun i stap.

Nau ol pipel bilong bikailan i painim hat tru long i go i kam long Buka na tu long bikailan i kam bek long Buka. Dispela hevi i bin kamap bihain ol Bogenvil Revoluseneri Ami i sutim wanpela balus bilong Airlink kampani long Oria, Buin long 1995. Mekim na balus kampani ya i stapim ron bilong em i go long bikailan Bogenvil. Nau em i save operetim tasol ol balus bilong em long Rabaul/Hoskins na Kimbe i go long Buka Ailan.

Taim mi painimaut olsem motobot em wanpela rot tasol we ol pipel i yusim bilong i go i kam long ailan, mi les bikos mi pret. Pret bikos ron long moto i lusim Buka na go long Siwai i save kisim namel long 8-9 awa na mi no save ron long long-

Mi amamas long lukim ol planti liklik ailan we i luknais moa, gupela waisan, ol lain kokonas we win i seksekim lip bilong ol long nambis, ol pis i swim long solwara, ol pisin i plai nabaut na long bikailan, stat long nambis i go long ol maunten, ol bikbus, diwai na ples i luk grin tru nau. Tasol mi ken lukim tu long sampela hap ol diwai i sanap tasol ol lip i drai bihainim bikpela san we i bin kamap long kantri long las yia yet.

Namba wan taim tu mi lukim san i kamap antap long solwara. Sankamap ya i luk nais moa tru antap long ol liklik ailan long Taiof. Na mi ting maski pait i bagarapim ol piple na ples long bikailan, planti ol liklik ailan insait long Buka distrik i no bin kisim taim long han bilong ol paitman bikos ol i stap longwe.

Rebecca, wanpela yangpela mama i susuim bebi bilong em i stap na mi holim narapela liklik boi bilong

Ol man i helpim bot operata na bihain long ten minit samting, enjin i stat bek gen. Mipela i go sua long nambis long Motupena na malolo pastaim.

Man, gupela hap stret dispela nambis ya. Solwara i stap isi, gupela waisan na ol diwai yar (pine) i pulapim. Dispela hap poin ya i luknais moa moa yet. Ol yangpela i lukluk raun taim ol mama na pikinini i sindaun na kaikai liklik, dring wara na kisim win liklik. Long tingting bilong mi askim watpo na nogat ples i stap long dispela naispela hap nambis ya. Bikos dispela em namba wan taim bilong mi long raun i go olsem long wes kos, mi lukluk gut long ol ples na ol samting long rot.

Lusim Marau long Nagovis, mipela i kamap long wara bilong Siwai. Dispela em long samting olsem 1.30 apinun, bihain tasol long belo na mipela i no stap longwe long

samting we i soim olsem ol i kam bek long gaden. Sampela yangpela man tu i ron long baisikel long rot. Rot i stap gut tasol i nidim maintenens long sampela hap. Mi skelim olsem stap long ples nau i wok long kamap gut nau na taim mipela i kamap long mausrot we i go long Monoitu Katolik misin stesen, mi amamas long lukim olsem ol samting long hap i stap gut. Mi lukim nupula haus sik we ol i pinisim tasol long kisim ples bilong olupela wan we ol BRA i bin kukim long 1995. Planti nupela klasrum na ol haus tisa i sanap na stesen i luk nais moa olsem wanpela liklik taun. Mipela i draiv i go long ples bilong mipela we i stap tasol long arere bilong stesen baksait long haus pater.

Klostu nait na mama, ol susa na olgeta long liklik ples i wok long kuk i stap. Ol i no save olsem mipela i kam. Mipela tu i laik mekim ol i kirap nogut Orait, ol i harim ka na taim mipela i go klostu, pikinini meri long wanpela susa bilong mi i luksave long mi i sindaun long baksait bilong ka na em i tokim ol lain bilong mipela. Taim ol i painaut, ol i no isi, ol i ron i kam klostu long hap we ka i stop long en. Mama, papa, ol susa, ol pikinini bilong ol na olgeta hauslain long liklik ples i kam holim pasim mipela na sekan. Mipela i amaams tru long lukim wanpela arapela.

Tupela papamama i kalap nogut long lukim ol bubu bilong ol i bikpela pinis insait long faipela krismas mipela i lusim ples. Mi lukim tu olsem maski bikpela hevi i kamp long ples, olgeta lain bilong mi nau i stap fit, lapun papa na mama tu i stap strong yet. Mi sori tasol long sampela lain bilong mipela we i dai long taim bilong hevi long sik, han bilong ol BRA, resistens na ami.

Long ol de i kam, mipela i stori gut wantaim ol lain bilong mipela na mipela i kisim ol toktok long ol samting we i kamap long ples, taim mipela i lusim long 1992 inap nau. Tupela susa bilong mi na ol pikinini i wok long askim tu long ol feveret kriket tim bilong ol long Wes Indies na ol feveret pilaia bilong olsem batsman Brian Lara na boula Curtly Ambrose. Mipela i tokim ol olsem ol i pilai yet na pilai i save kamap yet long EM TV.

Mi lukim planti senis i kamap insait long 5-pela krismas. Ol pikinini wei liklik taim mipela i lusim ples long 1992 i gro bikpela pinis. Planti long ol dispela we i sapos long stap long skul, olsem 15 krismas i marit pinis na ol i gat pikinini pinis. Planti ol lapun na ol yangpela tu i bin dai insait long hevi na mi sori nogut tru.

Liklik bilong mi yet

Mi lukim olsem olgeta famili nau i stap long ol bikpela ples na i no wan wan famili long ol liklik gaden bilong ol olsem bipo. Long Siwai, ol ples i stap long ol eria olsem Korikuinu, Konga, Hari na Rataiku em ol man i stap long ol ples long ol. Dispela em ol eria we ol i seif tasol long ol eria olsem Haisi, Mukakuru, Ruhwaku na Matukoli na Motuna/Huyono, pret pasin i stap yet na liklik lain tasol nau i wok long go sindaun long ples. Planti i stap yet long ol keasenta tasol ol i go long klinim ol ples na wokim ol gaden kaikai.

Mi lukim tu olsem nau ol toktok bilong ol Bogenvil lida long Nu Silan i strongim ol pipel long wok hat long kamapim bel isi pasin na gupela sindaun. Tu stap bilong ol trus monitas long olgeta hap bilong Bogenvil i skruim gut na strong moa yet rot bilong bringim bek gupela sindaun. Siwai i ken kamap gupela long taim, tasol politiks bilong ol bikman long hap i save stapim dispela samting long kamap. Bikos long 1994 yet ol

i go long pes 16



• Nogut ol! Ol yangpela ya i bilong ples Monoitu long Siwai. Ol i laik tok gupela long ol famili bilong ol husat i wet long kalap long bot MV Sankamap long Mamagota nambis.

pela taim olsem long ol taim bipo. Tasol nogat rot na sapos mipela i tingting long wetim sip, bai mipela i Krismas na Nu Yia long Buka. Na mipela i laik stap long ples long amamasim Krismas na Nu Yia.

Mipela i 12-pela pipel long bot, faipela skul manki, wanpela bebi na tupela liklik pikinini, tripela mama, tupela man na bot opereta na boskru. Long 5.20 moning, mipela i lusim Buka na statim wokabout bilong mipela i go long ples. Mipela i bihainim wes kos we i go olsem long Kunua/Kerika, Torokina, Marau long Nagovis na Mamagota em nambis long ples bilong mipela.

Isi mi beten long Bikman i lukautim mipela long dispela longpela wokabout bilong mipela.

Kilaut long antap i lus na san i wok long kamap antap isi. Mipela i lukluk i go na long narapela sait bilong Pasij ol i kolim long Kokopau, ol haus na ol stoa i kamap long ples klii.

Nogat kilaut i stap antap long skai, solwara i stap isi tru na dispela i mekim bel i gupela bikos bai gupela taim i kamap tude. Long dispela taim bilong yia, solwara i save stap isi long olgeta hap bilong ailan.

Olgeta samting i go gut tasol na bot i ron gut. Tasol samting olsem 15 minit mipela i lusim Buka Pasij, mipela i bringim namba wan trabel. Bot i hitim rif klostu long Taiof Ailan. Laki tru na nogat trabel i kamap long enjin na opereta i tanim bot i go bek na mipela i go het long wokabout bilong mipela.

em. Rebecca wantaim tupela pikinini i wok long go long ples bihain ol i stap long Kimba insait long Wes Nu Briten long wanpela krismas. Ol bin stap wantaim bikpela susa Serah na famili long Hoskins. Serah em i wanpela skul tisa na em i maritim wanpela waitman, Garry husat i wok wantaim Yuropien Yunien long hap. Serah wantaim liklik boi bilong em, Sammy husat i gat tripela krismas i laik go lusim susa na famili na long wankain taim, lukim papamama, ol brata susa na ol hauslain long ples.

Motobot i ron i go na mipela i lukim ol pis, ol pisin, ol dolpin i sam sam nabaut, na ol man i huk nabaut long solwara.

Long samting olsem 10 kilok, mipela i kamap long Motupena Poin long Torokina. Bikpela san i kukim mipela bikos long moto i nogat ples hait. Olsem na mipela i yusim ol ket, hat na tawel long haitim san long en. Mipela i dringim tu ol sof dring na wara we mipela i karim long Buka i kam. Ol i putim piul gen long bot. I no long taim enjin i dai antap long biksolwara. Mipela ol mama na ol pikinini i stap isi tasol na isi askim wanem samting i rong nau. Mipela i harim olsem opereta i no karim spea spak plag na ol arapela tul long stretim bot sapos enjin i bungim trabel. Mipela i wari bikos nambis i nogat man long en. Na hap mipela i stop long en i longwe long nambis. Mi tingting planti rtau na mi tok tude yet bai mipela i drip i go nau o sapos nogat bai mipela mekim gupela kaikai na sut bilong ol sak.

Mamagota we bai mipela i sua long en na mipela i bungim bikpela asua. Enjin i dai na mipela i drip i stap antap long solwara. Maski opereta na ol man i statim bot, em i dai yet na i no kirap moa. Tasol mipela i laik bikos planti manmeri na pikinini i stap long dispela hap nambis long Hiai. Sampela i huk, sampela i pul long kanu na ol manki i swim na pilai long nambis i stap. Long dispela taim tu bipo Krismas, ol manmeri i save go slip long nambis bilong kisim na smokim ol abus bilong krismas. Sampela man i kam wantaim kanu bilong ol na ol i pulim mipela wantaim motobot na mipela. Mipela ol meri na ol pikinini i sindaun long nambis taim ol man i stretim bot. Bihain long tripela awa, bot i stat na mipela i go hetim las pela hap wokabout i go long Mamagota. Taim olsem 5 kilok samting mipela sua long hap we ka i wet i stap. Mipela i putim pinis olgeta samting long trak na mipela i sindaun na bihainim rot long Mamagota i go long ples. Mipela i ron long 30 minit samting i go long Monoitu.

Kamap long ples

Em i apinun pinis na tudak i wok long ples, mipela i lukim planti haus we ol i wokim nupela tasol. Dispela em taim ples i wok long kamap orait na planti pipel husat i bin ronawe lusim ples i wok long go bek. Mipela i lukim tu sampela mama wantaim ol pikinini i karim ol kaikai na paiawtu samting i kam long gaden. Sampela papa tu i karim ol akis, sarip na naip

Sik bungim Lulungan taim nupela Islands Sounds Studio kirap

JAMES KILA | raitim

WANPELA musik enjinia na man husat i mekim bikipela wok tru insait long PNG long promotim lokal musik indastri i bin kisim wanpela bikipela operesin taim ol dokta i rausim wanpela kidni bilong em long Mosbi Jeneral Hospital.

Turangu dispela man em Thomas Lulungan, we planti musikmanmeri insait long kantri i save long em bipo olsem sif-enjinia bilong Chin H Meen Studio.

Thomas i kamaut pinis long Mosbi Jeneral Hospital. Turangu em i bin stap insait long tupela operesin olgeta. Long nambawan operesin ol dokta i bin rausim kidni-stons long em.

Nau yet Thomas i bringimaut bikipela tok lukaut na toksave i go long ol yangpela musikman na meri olsem taim ol i dring na raun nabaut olsem ol i mas tingting gut pastaim na dringim planti wara. Dispela bai halivim kidni bilong ol.

"Planti taim yumi ol musikman i save amamas na dring planti bia na yumi no save tingting long dringim wara. Ol dispela samting i ken lukautim laip bilong yumi," Thomas i tok.

Nau yet Thomas i stap long Mosbi na slip na wetim taim em i orait gut bai em i gobek long Rabaul.

"Mi stap na wet inap mi orait gut na bai mi go bek. Mi orait bikos planti ol man i wokabaut wantaim wanpela kidni," Thomas i tok.

Thomas i bin rekotim 4-pela nupela kaset album bilong em long nupela studio bilong em long Islands Sounds we i stap long Pilapila viles long not kos bilong Rabaul.

Em i bin kisim ol dispela album i kam long Mosbi long promotim o lonsim, taim dispela sik i bungim em. Sampela bilong ol dispela kaset em Frank Low vol. 1, Junior Devil Boys, Sam Tarere Vol 2, Insects, Emfo ben na sampela moa.

Em i gat samting olsem 20-pela kaset moa i stap, tasol wetim tasol kava bilong ol bipo long kaset i goaut long stua long salim.

Ol kaset bilong ol em Chin H Meen bai distributim insait long kantri yusim ol maket bilong en.

Thomas i gat planti save moa long musik indastri insait long kantri taim em i bin stap samting olsem 11-pela yia olsem sif-enjinia bilong Chin H Meen Studio. Long 1996 tasol em i pinis na go bek long

....nupela studio long Rabaul bai go het yet

Rabaul long kirapim nupela studio bilong em.

Tasol bipo long dispela Thomas i bin stap olsem musik tisa long Goroka Tisa Koles, Kerevat Nesenel Haisul.

Thomas i bin namba wan musik tisa bilong Papua Niugini husat i bin go long tisim musik long James Cook Yunivesiti long Kwinnslen, Australia insait long wanpela wok bung wantaim namel long tupela kantri.

Laip bilong Thomas yet long pilai musik em i longpela tru. Bagaros i save pilai nabaut wantaim ol ben grup insait long Kavieng na Rabaul.

Dispela nupela Islands Sounds Studio long Rabaul i gat strong long rekot stat

inap 64-trak. Dispela masin bilong ol em i nupela ol i kolim VS 880 dijital rekoting.

Nau yet Thomas gat tupela enjinia i wok wantaim em long rekotim ol ben grup bilong Is Nu Britein. Tupela i wok long kisim skul long Thomas long mekim ol rekoting wok. Ol dispela tupela lain em wanpela kandere bilong em Ephraim Thomas na bikipela pikinini man bilong em Reiner Thomas.

Em i tok olsem long namba wan ol rekoting, em i mekim wanpela agrimen wantaim Chin H Meen. Tasol ol narapela album bai kam bihain em bai gat ol lebal o mak bilong Islands Sounds. Ol manmeri husat i save sapatim Tolai musik nau i ken



• Thomas Lulungan.

long 4-trak, 8-trak, 16-trak, 32-trak i go redi tasol long ol nupela stail bilong musik i kam long Islands Sounds.



NEM: Martha Awayam

KRISMAS: 16 (meri)

ADRES: ARS Panga Kantri, PO Box 183, Bulolo, Morobe province.

LAIKIM: Kukim kaikai, harim musik, lukim TV na tok pilai.

NEM: Sipora Naton

KRISMAS: 16 (meri)

ADRES: Menyamya High School, PO Box 86, Menyamya, Morobe province.

LAIKIM: Pilai volibal, ritim buk, droim piksa, tok pilai na raun wantaim ol pren.

NEM: Ruth Nathan

KRISMAS: 15 (meri)

ADRES: Aseki Community School, PO Box 1, Aseki, Morobe province.

LAIKIM: Stori wantaim ol pren, tok pilai pilai basketbal, kaikai buai na wasim ol kolos.

NEM: Debbie Geamalu

KRISMAS: 17 (meri)

ADRES: Yha Hauka Coffee Mill, PO Box, 38, Aseki, Menyamya, Morobe province.

LAIKIM: Lukim TV, helpim ol papamama, danis, pilai hoki, raitim pas long ol penpren na tok pilai.

NEM: Jacob Joe

KRISMAS: 29 (man)

ADRES: Kimbe Town Authority, PO Box 127, Kimbe, WNB.

LAIKIM: Raitim pas long ol penpren na laik painim wanpela gutpela meri bilong maritim. Krismas bilong em i mas namel long 25 na 30. Mi bai amamas long bekim pas bilong yupela olgeta.

NEM: Dickson Kaven

KRISMAS: 17 (man)

ADRES: PO Box 590, Wewak, Is Sepik province.

LAIKIM: Wok long gaden, go lotu, harim musik, pilai soka na mekim penpren.

NEM: Peter Tim

KRISMAS: 19 (man)

ADRES: PO Box 193, Bialla, WNB.

LAIKIM: Pilai ragbi, draivim ka, raitim pas long ol penpren na harim musik.

NEM: Silas Beta

KRISMAS: 19 (man)

ADRES: Hargy Division one, PO Box 4, Bialla, WNB.

LAIKIM: Pilai ragbi, raun wantaim ol proman na baim niuspepa na ritim na laikim mekim penpren wantaim ol arapela lain.

NEM: Joshua Wamakui

KRISMAS: 16 (man)

ADRES: Hangy Oil Palm, PO Box 2601, Bialla, WNB.

LAIKIM: Pilai ragbi tas, soka go swim long solwara, harim ol kantri musik, raitim pas long ol pren na mekim penpren long ol arapela lain long narapela provins.

NEM: Matilda Chilly Otoo

KRISMAS: 22 (meri)

ADRES: PO Box 745, Agona Swedru, Ghana, West Africa.

LAIKIM: Painim wanpela man husat i ken mekim pren wantaim mi na mitpela i ken painim amamas long sindaun bilong mitupela long bihain.

NEM: Abigail Newman

KRISMAS: 24 (meri)

ADRES: PO Box 745, Agona Swedru, Ghana, W/A.

LAIKIM: Ritim buk, mekim pren wantaim ol man. Mi wanpela naispela na switpela meri Afrika na mi laik painim ol man i gat wankain laik na interes olsem mi. Bai mi bekim pas bilong yupela olgeta.

Redi long go long ples

i kam long pes 15

sief na ol arapela lida i save isi isi toktok wantaim ol BRA. Na tu ol meri na mama grup i wok hat long go long bus na pulim ol yangpela pikionini i kamaut na tu toktok long ol long lusim pasin bilong pait. Ol Nu Silan pis toktok na tu kamap, stap na gutpela wok bilong ol trus lain i mekim olgeta grup long Siwai i sindaun gut na isi. Sampela samting bai ol piepl i no inap lusim tingting long em kwiktaim tasol em i gutpela long lukim olsem ol bel isi na sekan seremoni i kamap na ol pipel husat i bin birua insait long hevi i luksave long ol asua na birua tasol ol i sekan, kamapim bel isi na toktok.

Nau tu ol mama, ol meri na ol man i raun long laik bilong ol long go long gaden. Long taim bilong hevi, husat bai i raun olsem bikos ol BRA na resitens grup i birua tru na ol i wetim wanpela arapela wantaim gan. Olsem i no bin seif long ol pipel long go long gaden. Nau mi

lukim olsem ol pipel i gat fridom long raun long laik bilong ol wantaim nogat man i poinim gan long ol. Long tripela wik mi stap long ples, mi no harim wanpela gan i pairap. Mi no lukim ol grup husat i bin birua long taim bilong hevi i kamapim wanpela meknais. Mi lukim sampela hatko BRA lida i raun miiks na toktok wantaim ol arapela pipel long Monoitu na Tonu na mi belgut.

Bikrot we long taim bilong hevi em ol rop o kriping plents i gro na karamapim i gutpela nau bikos ol manmeri na pikinini na ol ka tu i yusim olgeta taim. Ol man i wok long i go i kam long Nagovis na Buin long lukim ol hauslain bilong ol na tu long wokim soping. Planti pipel long Buin i save kam long Siwai long baim ol samting long ol liklik tred stoa taim hap bilong ol i nogat moa ol samting bilong stoa.

Planti seremoni long kamapim bel isi na sekan pasin i kamap na dispela i wok long rausim pret na birua tingting

namel long planti pipel we long hevi ol i wokim rong long wanpela arapela. Sampela i bin kilim dai ol brata, kandere na papa bilong ol narapela wanpisin.

Mi lukim tu olsem maski hevi i bagarapim sindaun long ples, ol pipel i holim strong long bilip bilong ol long Bikman. Na planti i no slek bikos bilip tasol i helpim ol long taim bikipela tudak, sori, pen na taim nogut i karamapim ol.

Homburu

Dispela em i wanpela samting we hevi long Bogenvil i kamapim long olgeta hap bilong ailan. Bikos long 1990 yet, gavman na ol atoriti i bin putim taribu long ol strongpela dring olsem bia long Bogenvil, ol yangpela i painim ol arapela rot long mekim strongpela dring ol i kolim long hamburu. Nau hamburu i kamapim gen moa hevi antap long hevi bilong kraisis long ailan. Hamburu i kamap olsem sosel hevi we bai i

bagarapim gutpela sindaun i kamap nau long ailan. Ol meri na sios grup, ol sief na komyuniti i wari tru long kikbek bilong hamburu i kamapim long ol yangpela man yet, ol famili na komyuniti bilong ol. Planti ripot i kamap long ol bagarap we hamburu i kamapim nau long ol man long ples. Sampela i kamap paralais na dispela i min olsem sampela hap long bodi bilong ol em ol i no inap long yusim. Sampela i kamap sterail na i min olsem ol i no inap long wokim pikinini. Mekim na sampela long ol yangpela marit ol meri i luksave na lusim ol man bilong ol.

Long sampela, bikipela sua i bagarapim hap ol i save pekpek long en na ol i kisim taim. Antap long dispela, taim ol man i kisim hamburu, ol i save go longlong na wokim ol pasin i no stret we i bagarapim gutpela sindaun insait long famili, ples na komyuniti. Planti grup nau i bungim ol tingting long traim painim rot bilong daunim dispela hevi.



Bik Bro

REBO



REBO SINDAUN IGO NA AI BILONG EM I SILIP..

UH..UH.. MI PASIM AI NASUP LIKLIK...



TASOL NOGAT.. EM SILIP INDAI IGO SAN IGO DAUN...

ZZZ



EM HUSAT SILIP ISTAP?

OL FUT PATROL I KAM BUNGIM REBO SILIP ISTAP..



HEY, KIRAP! KIRAP! INO PLES BILONG SILIP!

UH-HU..



REBO KIRAP NOGUT OL-SEM PLES I DAK PINIS...

OH-NO! MI MAS SILIP INDAI, YAH! TUDAK PINIS!

EM NAU! TAMBU LONG SILIP LONG PABUK PLES!



OLSEMNA BAI MI ARESTIM YU!

OH-NO! PLIS OPISA.. MI MI TAED TRU NA SILIP..

Igo moa Neks Wik!!



SIPAK MAIK



KLINA BILONG HOTEL I KAMAUT NA TOKTOK LONG TUPELA ...

ER.. LONG MONING OL IGO LONG HAGEN LONGI WAN-PELA BISNIS TRIP!

HAGEN!? DAMN!! BLARY SMAT!!



TUPELA TEK-OFF..

GO STRET LONG EAPOT!

SCREECH!

ANDAKAVA



!!!

YU LUKIM DISPELA TUPELA MANZ OLI KALAP LONG HAGEN FLAIT!



YES! BALUS IGO PINIS LONG MONING YET!

WANEM TAM BAI BALUS IGO GEN?



3KILOK LONG APINUN!

BUKIM MIPELA LONG DISPELA FLAIT, EJENT!




SORI TRU! BAI YU STAP LONG WET LIST!

WETLIST?! NO-WEI!!

RAUSIM SAMPEDA PASINDIA NAU!!

Igo moa Neks Wik!!

Tewel pik i tanim kamap ston



BIPO bipo tru, i gat wanpela ples i stap. Na long dispela ples i gat planti lain manmeri tru i save stap na mekim ol wok gaden, kilim ol abus, mekim ol bikpela amamas na kamapim planti pikinini na i stap amamas olgeta de.


Tasol long dispela ples Aim, i gat wanpela bikpela birua i samting i stap. Dispela em wanpela bikpela na strongpela wel pik bilong bus. Dispela pik i save strong tru na nogat man i save kilim em. Maski ol man bilong ples i save bungim em na i laik traim long kilim em, tasol ol i save hat olgeta bikos strong bilong pik ya i moa yet.

Dispela i mekim na olgeta man bilong ples i save pret na surik long go wanwan o traim long kisim em.

Olsem na wanpela taim olgeta bikman bilong ples i sindaun na pasim gut toktok wantaim long ol i mas traim long bung wantaim na kilim dispela masalai pik.

Olsem na wanpela gutpela taim olgeta bikman i redim ol spia na bunara na ol i go long bus na painim dispela pik. Ol i samapim bikpela umben tru na hangamapim long rot we dispela pik i save oltaim wok about long en.

Em nau ol i go long bus na painim pik ya i go. Taim ol i kamap long wanpela wara na lukim pik ya, ol i kirap bikmaus



long narapela na olgeta i kam bung na ol i stat long tromoi spia na ronim pik ya. Ol i ronim em i go na pik ya i ron bihainim bikpela rot bilong em i go na i go pas stret long bikpela umben ol man ya i hangamapim pinis long rot.

Pik ya i pas long umben na ol bikpela man bilong ples i kam tasol na mekim save long tromoi ol spia na bunara long sait sait bilong pik ya na ol i kilim em.

Taim pik i dai pinis, ol i slekim rop na pik ya i pundaun i go daun long graun. Orait ol i sanap long lain na katim pik ya i go liklik hap na ol i stat long laitim paia bilong kukim pik ya.

Ol i go katim mambu na painim ol kumu na ol kaikai bilong gaden i kam daun. Orait ol i wokim bikpela kuk tru wantaim dispela pik. Taim ol i kuk i

go longpela taim pinis, ol i ting pik ya i dai olsem na ol i rausim pik long paia na ol i laik skelim long kaikai.

Tasol ai bilong ol i op long lukim olsem pik i no kuk gut. Ol blut i stap yet long pik olsem pik i nupela yet wantaim blut. Olsem na ol i kirap na kukim ston na wokim bikpela mumu gen wantaim ol kaikai na dispela pik.

Longpela taim i go pinis na ol i laik rausim mumu tasol ai bilong ol i op nogut tru long lukim olsem blut i wok long ron yet long ol mit bilong pik ya olsem nau tasol ol i katim pik.

Taim ol i lukim olsem, ol i save stret olsem em i masalai pik. Olsem na ol i kisim ol bunara na spia samting na ronawe nabaut i go long ples na lusim pik ya wantaim ol kaikai i stap.

Long apinun, dispela mit bilong pik ya i stat long kam bek bung gen na join gut tru na i no longtaim, dispela pik i kirap na sanap laip gen na wokabout i go.

Pik ya i wokabout i go i go na kamap long dispela hap rot we ol bikman bilong ples i bin holim em na kilim em, orait em i slip i go daun isi na dai.

Taim em i dai, bodi bilong em i tanim na kamap olsem wanpela bikpela ston. Dispela ston em nau i save stap long dispela hap ples mipela i save kolim Buluwas long hap bilong Maprik long Is Sepik provins.

Em tasol stori tumbuna bilong mi.

**Kema Lepe
Damabiga
Maprik, Is Sepik provins.**

KANAGE



■ Kanage tingting long baim wanpela ka nogat ensin. Na em go long Ela Motors long Hagen long sekim. Em go kamap na sindaun i stap. Na wanpela selsmen i kam na askim: "What can I do for you?" Kanage smail na bekim: "Yes, no nothing." Selsman i tok: "Ok yu go ausait." Kanage i tok: "No, I mean mi laik baim wanpela ka i nogat ensin." Selsman i tok: "What? Mipela i nogat dispela kain ka. Olgeta ka long hia i gat ensin." Kanage tok: "Mi lukim sampela man baim dispela ka, ol i draiv long ples bilong mi." Selsman sikirapim het na bihain soim kainkain ka long Kanage. Em i soim bikpela ka, ol namel ka, ol liklik ka, moto baik, lon mawa, Kanage tok em nogat. Na selsman i belhat na tokim Kanage: "What on hell you looking for?" Kanage bekim: "Does hell have an engine." Selsman i soim baisikel na tok: "Dispela samting em i nogat ensin." Kanage i tok: "Em i nogat." Selsman i bikmaus nau: "You must be mad." Kanage i bekim: "I do not have a mat."

I no longtaim ol sekyuriti kam na mekim indai long Kanage. Na karim em long wilbaro i go lusim ausait long opis. Taim Kanage kirap, em bikmaus nau: "This is the car without the engine that I am the looking for. Tell your salesman, he is an idiot and does not know his job."

**Markus Maka
MT HAGEN**

■ Kanage makim PNG olsem karate sempion na go long Amerika long stap insait long wol karate sempionsip. Saina, Japan, ol kantri long Yurop na Amerika yet i kamap tu long dispela bikpela tonamen. Long taim bilong pefom, ol ogenaisa i singautim Saina i go antap. Na givim em wanpela drai kokonas long brukim. Saina ya ia mekim kainkain stail jna brukim kokonas ya i go long tupela hap. Wankain pasin i kamap tu long taim sempion bilong Japan, ol kantri long Yurop na Amerika i go antap.

Tasol stail bilong ol i no amamasim ol ogenaisa. Ol sindaun isi tasol i stap. Kanage luksave long dispela na kamap wantaim wanpela aidia long amamasim ol ogenaisa.

Em nau. Em i go rausim pens long toilet na pasim tasol PNG fleg laplap na kam aut. Taim ol ogenaisa i singautim PNG, Kanage kalap i go antap na mekim ol kainkain stail. Stail bilong tumbuna singsing olsem tapioka bilong ol Trobrian wantaim Manus danis tu i kamap.

Em wokim pinis na tromoi kokonas i go antap. Sem taim em tanim, opim tupela lek na sanap long tupela han. Na PNG fleg laplap tu i sruk i go daun. Kokonas i kam daun na Kanage i ketsim stret namel long tupela lek. Na kwisim kokonas i pinis lgeta. Man taim Kanage i mekim olsem, olgeta manmeri i paitim han na singaut: "PNG! PNG! PNG! PNG!" Yu ges, olgeta prais stat long las i go antap long pes prais i kapsait wansait i go long Kanage.

**S. Metta
GOROKA**

■ Kanage em wanpela wel pam setela long Kimbe. Skin bilong em i tuhat. Na em pasim laplap tasol na go sindaun antap long mambu bed beksait long haus. Em i apim laplap na sindaun. Na tupela wil bilong em i hangamap i go daun stret long namel bilong mambu. Na em i no pilim. I no longtaim na tupela yangpela meri i kam painim em. Na ol kilim tokpilai na lap stret wantaim Kanage. Bed mambu tu i meknais i go i kam. Na kirapim stret ol anis aninit long mambu. Yu save, anis em kaikai stret bilong ol kakaruk ya.

Ol anis ron nabaut na sampela kalap antap long tupela wil bilong Kanage. Kanage kilim tokpilai i go na i no save olsem ol kakaruk i mekimsave long kaikai pinis ol anis aninit long mambu. Na kamap stret long tupela wil bilong em. Man taim ol anis i putim tit antap long tupela wil bilong em, lap bilong Kanage i go paul olgeta. Em i no moa lap olsem amamas, nogat. Trangu i lap wantaim pen stret. Na kaikai tit tu wantaim.

Ol kakaruk mekim i go na lap bilong Kanage tanim i go singaut na karai wantaim. Tupela meri lukim olsem na askim em: "Kanage, yu mekim wanem na yu karai?" Kanage karai wantaim na bekim: "Sore, sore. Mi mi tingim stret yangpela bilong mi bipo, yupela lusim mi na go nau." Taim tupela meri lusim em, em sekim na lukim skin bilong tupela wil i tekewe. Na mau olgeta sret.

**Eliab Waila
KIMBE**



Dia Laiplain,

Mi kisim pikinini long bikpela brata bilong mi na mi lukautim i stap. Dispela em namba faiv krismas nau pikinini i stap wantaim mi. Tasol wanpela samting em pikinini ya i save lusim ha:s na go slip nabaut long haus bilong ol man. Sampela taim tu em i save slip long bus tu. Insait long laspela tupela wik, em i wokim dispela na mi no amamas.

Sampela taim mi save kisim em bek na paitim em long soim olsem pasin we em i wokim i no stret na em bai i painim birua sapos em i go hetim moa. Mi save givim em ol gutpela tok-tok tasol i luk olsem i nogat samting i go long het bilong em.

Bai mi wokim wanem?

UNCLE

Mi wari long pasin we pikinini i wokim long lusim haus na slip nabaut

Dia Pren,

Mipela i no inap long stretim hevi bilong yu tasol mipela i ken helpim yu skruim tingting bilong yu long traim stretim.

Pastaim, sampela askim mipela i laik putim long yu em lukaut pikinini bilong yu em wanpela yangpela manki o em i pinisim komyuniti skul bilong em pinis?

Plantu pikinini bai lainim long luksave long panisem o sampela kain mekim-save sapos ol i save olsem ol papamama i kros o paitim ol long helpim ol i kamap gutpela.

Tasol em i hat long ol bikpela pikinini we papamama i no save lukluk tumas long ol. Sapos ol givim mekim save long ol olsem paitim ol, ol bai i ting olsem yu no laikim o na yu mekim olsem long ol. Na hevi bai go hat moa. Tingim em i hat long lukautim ol pikinini long taim ol i kamap olsem ol tineja o ol yangpela we krismas bilong ol i stap namel long 13 na 19 yias. Yumi i mas givim gutpela helpim na skul i go long ol pikinini insait long dispela krismas mak.

Long sampela taim em i isi long ol poroman, hauslain, pasto o patre long helpim ol yangpela. Na i no papamama.

Yu toktok wantaim sampela lain tu long traim helpim yu wantaim manki bilong yu

long luksave long gutpela as we yu laikim em long haus?

Yu luksave tu watpo tru pikinini i save lusim haus na stap long narapela hap o i gat sampela lain we i save pulim em long lusim haus o mekim ol samting we em i wokim nau? Manki ya i wok long gat hatpela taim long mekim stadi o ol skul wok bilong en? Em i save toktok gut wantaim ol arapela pikinin long haus na olgeta famili i laikim em na wokim gut long em? Em i pilim amamas long stap wantaim yupela na tu famili i save amamas long stap bilong boi ya wantaim yupela? Taim yupela i goaut long sampela hap yupela olgeta i save go wantaim? Yu save pilai spots o sampela arapela samting we famili i save go wantaim? Manki ya i save tingting long tru tru papamama na i save lukim ol tu long sampela taim?

Ating ansa long sampela askim we mipela i putim i kam long yu bai helpim yu long stretim sampela wari bilong yu na watpo lukaut pikinini bilong yu i wokim ol samting yu wari long ol.

I luk olsem yu soim trupela wari na yu laik helpim manki ya na Laiplain i bilip em bai tokaut long yu long wari bilong em

LAIPLAIN

MANI INSAIT LONG TIN

OX & PALM

**PLANTI
MANI LONG
WINIM**



Taim yu opim feveret
OX & PALM 340g tin,
lukluk aninit long ai
bilong tin na painim
sapos yu win.

Yu ken winim ol prais
olsem K50, K100,
K250, K500 o K1000
kes mani.

LONG KISIM PRAIS BILONG YU:

Salim dispela ai bilong
tin wantaim nem na
adres bilong yu i go
long:

Hugo Canning,
P.O. Box 635,
BOROKO, N.C.D.

Ol politisen em ol wanem kain manmeri

Dia Edita,

Sapos yumi sindaun na glasim gut ol politisen bai yumi save em ol wanem kain manmeri.

Planti bilong ol i laikim biknem insait long wok politiks.

Taim ol i no kamap politisen yet ol i plenim wanem ol samting bai ol i mekim taim ol i winim ileksen.

Olsem na taim bilong kempen ol i giaman karamapim ol hait tingting na maus wara long bringim ol gutpela sevis na lo na oda.

Bai mi tok olsem aut of olgeta 10-pesen bilong ol i gat trupela bel mari-mari na sori long yumi ol pipel. Na 90 pesen bilong ol em ol i nogat dispela trupela bel manmeri na sori.

Sapos yumi skelim ol long toktok, wokabout na pasin ol i mekim dispela bai tokim yumi stret.

Ol i tok long bringim sevis na daunim lo na oda problem long komyuniti, tasol dispela samting i save kamap long 5-pela pinga bilong yumi man

ya.

Dispela ol samting bai kamap sapos yupela ol politisen i kam sindaun, raun, stori, tokpilai na bikpela samting, tanim kamap man nating olsem yumi grasruts. Lusim gutpela haus na ekspensiv ka na rispektim mipela pipia grasrut.

Stori na soim mipela ol rot bilong bihainim long bringim sevis na daunim lo na oda.

Sapos yupela luk daun long yumi na sindaun long Waigani palamen na paiarap, ol bos em samting nating.

Boi yu save long hevi bilong mipela olsem wanem. Sapos yu raun long gutpela ka na silip long gutpela haus longwe long mipela husat i givim yu dispela namba.

Ol toktok yu mekim i olsem ren i pundaun na pulumapim tenk wara na aninit i gat bikpela hul.

Gary Erwin
NBPOL, Kimbe provins.

Hides ges paipain long Is Sepik provins em bai bringim bikpela developmen

Dia Edita,

Mi laik tok amamas long Hides Ges bilong Sauten Hailens long bringim paipain long Is Sepik provins olsem planti developmen long mani na wok bai kam long Sepik.

Long ples bilong mi long Haniyak, Kubalia dispela ges paip bai kam stret long graun bilong mi so mi ken kisim liklik Royalti peimen.

Mi toktok tenkyu i go long Sir Michael Somare, Bernard Narokobi na Sepik Edministreta Peter Mabinde

long tok hat long bringim dispela paipain i kam.

Klostu olsem 27,000 mani bai wok insait long dispela projek we bai kos 2 bilion kina olgeta.

Tenkyu tu i go long ovasis kampani British Petroleum long mekim Is Sepik provins long bringim dispela ges paipain.

John Kriosaki
Wewak, Is Sepik provins.

Aitape Lumi mas brukim baundri

Dia Edita,

Mi wanpela nambis mangi insait long Aitape distrik long Sandaun provins. Mipela i no laik long i stap insait wantaim Lumi ilektoret.

Mipela save kisim sevis long Aitape. Long olgeta ileksen taim, mi lukim ol kendent na memba bilong Aitape Lumi i no save lukluk long mipela ol trangu pipel bilong Aitape.

Mipela i stap olsem ol long lain bilong ol na taim bilong ileksen ol promsim mipela long sampela samting tasol taim ol kamap memba, ol bai lusim tingting pinis. Ol lukim pes

bilong mani na i no inap tingim mipela.

Mi laikim ol memba olsem yupela ol memba traim na tingim ol promsim yu bin tokim mipela.

Na dispela i no yupela long tingting na bel bilong mipela ol nambis pipel.

Olsem na nau mipela laik askim gavana bilong Sandaun John Tekwie long skelim dispela askim na brukim baundri mak we Aitape Lumi na Aitape mas i stap bilong em yet.

Alex Gemex
Aitape, Sandaun provins.

Les long lukim asples tisas husat i tis i stap long Ungubi

Dia Edita

INAP yu givim mi liklik spes long Wantok Niuspepa long autim wari bilong mi plis.

Mi wanpela mangi bilong Yapeso inait long NIPA tasol nau mi stap long Kutubu Oil Projek na laik autimw ari bilong mi i go olsem.

Long makim maus bilong olgeta pipol isnait long trupela hauskiap olsem Haralinja, Ungubi na Poya usait pikinini bilong ol i stap long Ungubi comm skul i laikim Distirk edukesen opisa long NIPA na tu long provinsal edukesen board long Mendi mas selektim ol tisas usait i apply long kam long provins bilong yumi mas givim namba wan priority i go long ol na salim sampela long ol dispela tisas i mas i kam tis long Ungubi komuniti skul-neks yia 98.

Mi bringim aut dispela komplek bikos mis ave lukim ol dispela so called as ples tisas i nos ave tisim ol skul mangi gut na planti taim ol is ave go nabaut long laik bilong ol na tu misave lukim ol no sindaun slip gut long haus bilong ol insait long

skul.

Ol save go slip long ples bilong ol na kam tis tasol. Ol dispela lain mi bilip tkisim moni nating.

Mi wanplatax payer i go long gavman na migat bikpela belhat long peim dispela kain slcks and idols tisas inait long area bilong mi na tu long kantri wantaim.

Moabeta mi likim ol eudcation board long provins na distirk level long NIPA mas opim ai na lukluk long dispela hevi-long skul bilong mi.

Mi wanpela asples mangi long dispela skul na sapos ol education board i no salim ol nupela tisas long narapela hap i kam na same ol lain stap bek na tis long ples bai mipela kisim lo long han bilong mipela na rausim ol by force.

Mi les tru long ol asples tisas so neks yia 98 mipela laik lukim nupela tisas long narapela hap long ol provins.

Jackson Opi Henson
Product of NIPSCO

Wokim pablik toilet long Aitape taun

Dia Edita,

Mi wanpela mangi Aitape na mi laik autim wari bilong mi i go long Aitape taun atoriti o kaunsel.

Wari bilong mi i go olsem planti ol manmeri na pikinini i save raun long Aitape taun na taim ol i laik pekpek na pispis, ol i save painim hevi bikos nogat pablik toilet i stap klostu long Aitape taun.

Olsem na ol manmeri na pikinini i save i go nambaut long arere long nambis na long bus. Mi laikim ol Aitape taun kaunsel i mas wokim wanpela bikpela pablik toilet bilong man na meri.

Wanpela taim mi wantaim poro bilong mi mipela i go dring klostu long soka graun na bihain long soka graun i gat bus i stap tasol pekpek i pulap em wanem Aitape

taun o ples Kanaka?

Plis mi askim Aitape taun atoriti kaunsel i mas wokim pablik toilet.

Yu husat brata susa i laik sapatim mi orait helpim mi na skurim wari bilong mi i go moa.

Alex Gemex
Aitape,
Sandaun provins.

Fores minista mas sekim timba wok

Dia Edita,

Mi laik bekim pas o nius bilong Minista bilong Fores, Fabian Pok. Nius bilong sampela toktok em bin mekim i bin kamap long Wantok niuspepa bilong Oktoba 2, 1997 long pes 3.

Minista Pok i tok nesene gavman laik givim 35 yia long ol timba kampani long wok insait long Papua Niugini. Gavman i lukim olsem 5-pela o 10-pela yia em i sot tumas long kampani bai helpim ol papagraun long wokim, rot, bris, skul, haus sik na ol liklik timba bisnis projek.

Yes Minista bilong Fores, ol dispela sevis we yu toktok long em, ating ol narapela provins, i mas kisim gut bikpela helpim kam long kampani i operet long ples bilong ol. Tasol mipela long Vanimo, Sandaun provins, stat long blok, 1-2-6, i nogat tru.

Ol rot na bris i go daun long wanwan ples we kampani i operet long en i nogat tru. Ol dispela rot na bris em bilong tupela yia tasol. Bihain long tupela yia, bai olgeta dispela rot na bris i bagarap gen.

Na wok bilong sanapim haus sik na skul i nogat tru long bipo i kam inap nau. Dispela wik, Vanimo fores o Melasia kampani i no tingting long wokim haus sik o skul long wanwan blok we kampani i operet. Ol i kisim timba tasol na kalap i go long narapela blok. Olsem na mi laik askim yu Minista bilong Fores long kam hia long Vanimo na sekim gut ol timba wok long hia.

Tony Peter
Blok 4
VANIMO

Maski salim buai, daka na smok long pablik ples

Dia Edita

Mi wanpela mangi Simbu, nau mi stap long Lae siti, na mi lukim ol manmeri save salim buai, daka na smok long pablik ples na siti kaunsil rausim ol tasol ol

supim het yet na salim buai lus smoke yet.

Ating yupela dispela man meri ples bilong yupela mas paia o graun karamapim na yupela wok long bikhet.

Nogat sem bilong yupela go

long ples and wok gaden na kampim mani.

Em tasol na yusait laik sapatim welkam

Kay Bee Yambo
LAEMP

Developim tu ol rurel eria bilong Morobe

Dia Edita

Mi wanpela mangi bilong Morobe tasol nau yet mi stpa long Kundiawa Simbu provins. Mi baim Wantok Niuspepa bilong Oktoba 10 na ritim wnapela pas bilong Lavai llong.

Brata Livai llong i tok ol memba bilong Morobe i no tingim ol bus eria liklik. Ol i tingim tasol ol taun era, na mipla ol bus pipel i stpa wantaim nogat sensi olsem rot.

Mui sapatim stret olgeta toktok bilong yu. Mi laik tok olsem ol memba em mipela ol pipel i

votim ol. Sapos mipela nogat, ol bai nogat ya.

Na tu bai i no inap stap amamas oslem nau. Long mak long Bulolo rot bilong kar i go i stap long aseki, long Aseki ol Watut slip i go daun mi bilong las ples stret klostu long Kerema.

Long dispela hape ria long Mungo-Gatasuu-Angobio Yeua Wando, Kagiua, Samangeupea na Mosanki. Ol dispela 8-pela ple srot bilong kar i n bin go yet.

Miepal i stpa yet long bus kanaka. Ol papa, mama, suss na brata long laip taim bilong ol, ol i no bn lukim skin bilong kar balus

na ol masin.

Ol memba bilong Aseki na Menyamyia ol save i kam raun long era bilong mipela, ol lukim yumi na kisim nem bilong ol manmeri na sampela taim ol save-campaign raun na ol kam bek. Long tam bilong vot mipela save votim ol, ol win pinis na i go insait long palamen ol save tanim bek na tok yupela ol wel abus na pik dog.

Mogmane Eron Nebo
SIMBU

Rausim ol olupela opisa bilong Keram kaunsil

Dia Edita

Mi wanpela man long Keram long Sepik Wara eria bilong Is Sepik provins. Mi laik autim wari bilong mi long bilong wanem na Keram kaunsil i no tingim pipel long ol developmen na sevis wok.

Mi lukim olsem ol bikman i ronim wok bilong kaunsil i no tingim liklik ol pipel. Ol i tingim ol yet tasol. Na dispela i no gutpela tumas. Bikos long bipo yet i kam inap nau, nogat wanpela senis i kamap long ol eria i stap aninit long lukaut bilong Keram kaunsil.

I nogat wokman bilong kaunsil long opis. Olgeta taim, ol opisa bai stap long Wewakna Angoram tasol. Na

long taim bilong miting tasol bai ol kamap na soim ples.

Taim meeting i pinis, ol bai go pinis long Angoram. Na trangu ol lain long ples long bus bai kam long Yip na painim ol opisa tasol ol i no stap. Opis eria tu em gras na rop bilong bus i go antap nau.

Mi laik askim nau sapot bilong olgeta pipel long rausim ol bikman i ronim wok bilong kaunsil. Na makim ol nupela man. Ating em i taim nau bilong makim ol nupela lida, husat bai tingim tru pipel.

**Benny Hygam
Ambunti
IS SEPIK**

Manam ailan pipel no amamas long sindaun long kea senta

Dia Edita

Mi wanpela komyuniti lida bilong ples Budua Neim. Mi laik bikpela wari bikos Madang gavman i wok long lusim tingting long mipela long Bogia Kea senta nau.

Mipela kisim bikpela hatwok long wara na drai kokonas. Na tu mipela i nogat liklik ples bilong planim liklik kaikai olsem kaukau, taro na banana.

Taim Manam ailan i paia na mipela kam long bikples, mipela i stap nating na i nogat graun bilong sindaun. Na nau yet mipela i gat strongpela ting-

ing o bilip long go bek long asples bilong mipela long Manam ailan.

Bipo olupela rijonal memba na gavana, Peter Barter wantaim Japanis ambaseda i kam lukim sindaun bilong mipela. Na mipela i no kisim wanpela helpim yet.

Mipela i lusim olgeta samting long han bilong bikman antap. Tasol mipela laik go bek long asples bilong mipela.

**Nathaniel Kurum
Bogia.**

Lukautim Kimbe olsem Goroka taun

Dia Edita,

Mi wanpela mangi Goroka. Mi bin go raun na lukim ples Kimbe taun. Na lain Kimbe ol i no lukautim taun bilong ol gut.

Mi yet mi go raun long taun Kimbe na mi lukim planti pipia pulap na planti buai spet i pulap tu.

Mi yet putim wanpela askim kam long yupela taun atoriti bilong Kimbe yupela taun na atoriti inap long yupela i ken wok strong na rausim buai maket long taun na ol manmeri toromoi pipia kisim ol na ol i ken kot fain.

Namba 2 askim bilong mi

kam long ol manmeri bilong Kimbe yupela ol manmeri bilong Kimbe traim na go raun long Goroka taun na lukim bai gat pipia long taun o nogat?

Sapos yu tromoi hap pipia long Goroka taun, hariap tasol taun atoriti bilong Goroka bai kisim yu. Na bai yu kot fain. Nogat bai yu go slip long sel. Toksave kam long yupela ol pipia tru bilong taun plis lukautim taun bilong yupela gut olsem Goroka taun.

**Gaima Kopsy
GOROKA**

Maski tok beksait long haus sik

Dia Edita,

Mi wanpela mangi husat i bin stap long Raihu tu long bipo tasol nau mi no moa stap long Raihu haus sik. Mi laik sapotim toktok o pas bilong brata McDemmons em i bin kamap long dispela niuspepa.

Mi laik toktok olsem komplek bilong brata ya em i stret olgeta. Mi tu bin kisim wankain tok baksait o gosip long ol lain bilong Raihu haus sik.

Dispela tok baksait em ol meri bilong ol wokman ol save stap nating long hans, nogat wok long mekim na tok baksait long yangpela manmeri long prensip bilong ol.

Brata McDemmons em mi no save yupela bin stap long wanem hap bilong Raihu haus sik. Tasol mi bin stap long Skul

ov Nesing long 1992 i kam inap 1995. Na nau mi wok long HSC bilong Raihu.

Mi laik sapotim McDemmons na tokim yupela olsem mipela ol studen bilong skul of nesing i no olsem yupela long bipo.

Taim mipela stap long skul, mipela i gat ol rul na regulesen long bihainim.

Taim yupela bin tok baksait, yupela i no save olsem yupela mekim sin?

Olgeta Sande yupela save go long lotu, go long karismetik nait, go long Lingin bilong meri, tasol kam bek long haus tok baksait o gosip i stap.

Man bilong yupela na yupela yet ol nes na sista i wok long gavman o misin haus sik?

Maski long gosip long ol yangpela o wan wokman meri bilong

Raihu haus sik.

Narapela samting tu em yupela save gosip tasol taim yupela i go aut long ol komyuniti long givim helt tok long famili plening, sori tru ol pipel i save lap long yupela ya.

Tingting gut pastaim na gosip nogut em kam bek long yupela yet ol nes na sista na wokman meri, wantaim ol meri bilong ol wokman meri bilong haus sik.

Em tasol wari bilong mi. Na sapos yu husat brata susa tingting long sapotim mi, bai mi amamas tasol long ritim.

Na sapos yu egensim mi, atirgu yu ken bekim tasol na mi ken ritim.

**Gley Waksa
AITAPE**

Sepik pipel mas senisim pasin long welkamim divelopmen

Dia Edita,

Planti samting long Wewak taun i no stret. Olsem na mi laik putim aut long pablik i ken lukim.

1. Pasing pamuk paulim (man bilong narapela meri o paulim meri bilong narapela man);

2. Pik poket na hold up long haiwe i stap yet;

3. Ol yangpela man i save pretim ol mama long taun maret na kisim popo, melen na ol arapela gaden kaikai bilong ol;

4. Ol pablik sevis manmeri i

save pilai hos res na lus tingting long mekim wok bilong ol; na

5. Ol plisman i save raun nating long ka na i no save wokim wok bilong ol.

Sapos yumi toktok long ol divelopmen long kam long Wewak taun, mi laik tok olsem ating pasin bilong ol pipel bilong Wewak na Is Sepik provins i mas senis.

Bikos kain bikhet pasin i no inap long welkamim divelopmen long provins.

Is Sepik provins bai lukim planti senis r kain bikpela projek long yia 1998. Na yumi ol pipel i mas redi long welkamim divelopmen.

Mi laik askim Provinsal Plis Komanda, Giosi Labi na Stesin Komanda Raphael Huaflo long salim ol plisman long go long ol setelmen.

Na sekim ol manmeri mekim ol pasin pamuk na sting pasin.

**John Kriosaki
WEWAK**

Noken daunim Kabwum lida

Dia Edita

Mi wanpela meri. mi laik bekim pas bilong brata Livai Uiong, em i bin kamap long *Wantok* niuspepa bilong Oktoba 16, 1997. Brata Livai i rait na tok olsem husat long Kabwum distrik bilong Morobe nogat liklik sevis i kamap. Olsem na mi laik bekim pas bilong em.

Bipo 30 yia, Komba, Selepet na Timbe kisim nem memba na

i stap long Palamen i nogat wanpela gutpela sevis i kamap long Kabwum distrik. Nau memba bilong Kabwum em i mekim bikpela wok long kamapim nem bilong Kabwum kamap ples klia.

Bipo Kabwum i no gat nem. Kabwum i stap las na nau Kabwum i gat nem. Olsem na yu husat pikinini Kabwum yu i stap long narapela provins na

yu no save Kabwum, yu no ken opim maus na bagarapim nem bilong gutpela lida bilong mipela.

Pasin maus na i stap isi na lukluk long narapela 5-pela yia, Kabwum bai divelop olsem wanem.

Em tasol bekim bilong mi.

**Jenny Binson
Wopa Kantri**



• Kimbe maket.

Aitape Elcom i slek tumas long wok

Dia Edita,

Mi wanpela mangi long Aitape yet insait long Sandaun provins.

Mi gat bikpela wari stret long autim long pablik.

Mi laik tokaut long ol Elcom long Aitape long pasin bilong pawa save go aut wantaim nogat gutpela toksave i go long haus sik long Raihu, na ol arapela bisnis kampani.

Mi gat wari bikos mi bin lukautim brata bilong mi i stap long haus sik na wanpela taim em i go toilet na namel long rot, pawa i go aut na ples i go tudak, na em i bin painim susa bilong em wantaim simen na nau susa bilong em i kamap bikpela stret.

Mi askim menesa nau menesa na ol wokman bilong Elcom long Aitape long opim ai na mas mekim gut wok

bilong yupela.

Yupela mas tingim haus sik em save operet long olgeta de long san na nait, nogat wanpela de em malolo.

Olsem na wanem kain fait kamap yupela mas tingim haus sik pastaim long ol arapela. Bikos long olgeta de na nait, ol dokta na nes save wokim ol emejensi operesen.

Na taim pawa i op wantaim nogat toksave, na ol sikman meri i dai bai yupela tok wanem?

Tingim olgeta samting bilong operesim nidim pawa so nau mi laik askim yupela Elcom sapos pawa laik aut yupela mas ringim ol haus sik na toksave.

**Junia Ben Nafie
AITAPE**



LO BILONG STOPIM PASIN BILONG BAIN O SALIM KOPI SERI ARERE LONG ROT NA HAUSLAIN LONG OLGETA HAILENS PROVINS

Em bai kamap Lo, bihain long toksave i kamap long Gavman Gazet (Toksave Pepa) long mun Mas. Planti toksave i kamap pinis long Niuspepa na ol Smolholda mausman tu karim toksave i go long ol pama, na CIC i bilip olgeta i klia pinis long dispela. Long husait yu no kisim toksave - dispela em bilong tokaut long as tingting CIC i kamapim Lo na wei em bai halivim yu.

Nambawan samting yumi mas klia olsem - pasin bilong stilim seri em bikpela na i kamapim planti hevi long planti hap long olgeta Hailens provins. Planti hevi olsem, man lusim moni long kopi bilong em, kros na pait i save kamap long ol hauslain na bagarapim gutpela sindaun. Dispela em bikpela hevi long ol liklik pama na pama i gat 5 i go inap 20 hekta na ol bikpela plentesin; soim olsem em i bikpela hevi bilong olgeta papa tru bilong kopi. Ol dispela growa i nogat moni long baim ol sekyuriti long was long kopi. Na ol no nap lusim wok gaden na ol arapela wok long was oltaim long kopi bilong ol, dei na nait. Olsem na ol dispela lain save bungim planti hevi long ol stilman.

Em i tru olsem i hat long luksave long seri long beg o dram i kam long papa tru bilong kopi o long stilman. Na i hat tru long kotim man salim seri - taim yumi no save em i papa tru bilong kopi o nogat.

Yumi mas kisim gut klia olsem rot bilong stopim man stilim seri i no wok bilong CIC. Em hevi bilong ol lain i lukautim Lo na Oda. Tasol, planti askim i kam long ol growa long planti yia i go pinis i mekim CIC traim long painim rot long givim pawa long Vilis Kot na polis long mekim save long stilman. Antap long stil pasin - i gat tu hevi bilong kwaliti bilong kopi - kain pasin olsem save bagarapim.

Sapos NOGAT MAKET bilong seri long sait bilong rot o hauslain - em bai hat long ol stil man i salim kopi ol i bin stilim long en. Polis bai holim pas na kotim ol baiya o man salim seri long rotsait or hauslain. Polis na kot bai no nap askim long witnes sapos ol ting yu nogat laisen long baim kopi na ol ting yu stilim seri na salim.

Dispela rot bai no nap stopim olgeta - tasol bai opim rot long banisim ol papa tru bilong kopi, taim pawa bilong kotim stilman istap long han bilong ol wantaim polis na vilis kot.

Namba tu samting em olsem. Ol stilman save wok long nait, moning taim tru na save hariap hariap long pikim seri. Long dispela as, ol i save pulim nating olgeta seri; nau, klostu mau na i no mau yet. Taim i tanim i go long pasmen - em save kamapim rabis kopi, ino gutpela kwaliti. Dispela i save daunim olgeta kwaliti bilong "Y" greit kopi long maket. Dispela i no gutpela long smolholda pama husait isave kamapim dispela kain greit ("Y" Greit) kopi. Pei bilong kopi em smolholda i kamapim taim dispela pasin istap. Dispela em trupela tok. Olgeta i [redacted] olsem kopi i kam long rotsait.

baiya i nogat gutpela kwaliti - dispela i soim ples klia long kwaliti bilong olgeta "Y" greit kantri bilong yumi i save salim olgeta yia. Em i soim tu long prais yumi kisim ikam long "Y" greit kopi long olgeta yia.

Lo i stopim seri baiying bai bagarapim ol lain save baim seri long rotsait, tasol ol dispela lain i ken baim pasmen. Lo i no tambu long dispela. Lo tu bai mekim hat long ol liklik pama we nogat kopi masin. CIC Bod i luksave long ol dispela, tasol hevi bilong planti na olgeta pama em i mas go pas long olgeta dispela liklik hevi.

Long ol liklik pama husait nogat kopi masin, CIC wantaim bikpela halivim bilong Yuropean Yunion i nau traim long kisim ol kopi masin i kam long salim long yupela. Prais bilong em bai i no bikpela tumas. Klostu dispela rot bai hop na bai CIC toksave taim ol kopi masin i kamap na redi long salim.

Ol liklik pama o grup husait laik mekim bisnis aninit long lo bilong seri baiying - i ken aplai long dinau long Smol Growa Kredit Skim bilong CIC long wokim na resisterim Wet Fektori. CIC bai halivim long givim skul na tingting long man o grup husait laik kamapim dispela na tu long ol hasait i gat pinis dispela. Dispela ol fektori i mas wok aninit long Lo na i gat bikpela wok long halivim kamapim gutpela kwaliti kopi.


Ol growa husat gat bikpela kopi gaden na ol blok husat save salim stret seri long Kopi Fektori i ken mekim yet dispela, tasol ol mas stretim wantaim wanem fektori stret ol bai salim long en. I nogat tambu long senis na go long arapela fektori, tasol ol mas resista wantaim fektori nau ol laik salim long en. Ol ka i gat resista wantaim CIC tasol bai pikim na karim seri igo long ol fektori. Olgeta dispela ka bai gat namba plet, soim olsem ol i gat tok orait long karim seri. Dispela bai stopim rot bilong stil kopi i go long maket.

CIC bai givim Seri Baiya Namba Plet long ol Wet Fektori i gat laisens na ol bai yusim dispela oltaim ol laik go karim seri long growa.

Ol dispela trak i no bilong go aut NA BAIM SERI. I TAMBU. Ol bilong go karim tasol seri na bringim go long fektori. Fektori baim ol papa bilong kopi seri long fektori yet.

Olgeta lain holim wet-fektori resista o laisens mas aplai nau long seri baiying Resista Pleit. Prais bilong ol em K100 long wanwan. Raitim pas nau na askim long dispela na tu, long pas tok klia long hamas kopi yu ting bai yu karim na long wanem ol blok or gaden kopi bilong yu bai kam long en. Ol lain we i no givim dispela toksave bai no inap kisim Resista Pleit.

Badira Vari.
Chief Executive Officer



NATIONAL CAPITAL DISTRICT COMMISSION

Nius i kam long Siti Hol



POSITIONS VACANT

(1) **MANAGER PUBLIC AFFAIRS** (GRADE 14 - K14,390 - K23,700)

Applications are invited for the position of Manager Public Affairs.

The Manager Public Affairs is accountable to the Director Assembly Services for direction, co-ordination and monitoring of all aspects of Public Relations, Protocol, Events Co-ordination, City News and Publicity.

The incumbent is required to:-

- * Develop and maintain harmonious public relations with the public in order that the Commissions policies and programmes are widely appreciated.
- * Monitor all issues reported in the media and prepared speeches and appropriate press releases and ensure that they are disseminated as widely as possible. Advise City Administrator on these and related matters accordingly.
- * Continuously overview matters to the Commission in order to provide advice on matters that require the attention of the City Administrator, which may likely to affect the effective dissemination of the Commission's Policies.
- * Ensure the meeting of short term production and distribution deadlines.
- * Undertake other duties as directed by the Director, Assembly Services

QUALIFICATION AND EXPERIENCE

A Graduate Diploma or Degree in Journalism, with at least 5 years management experience in Public Relations. Have extensive experience in Journalism with reputable organisations. Must have sufficient backing with proven track record, character, social standing and other attributes acceptable to the Commission.

(2) **SENIOR INTERNAL AUDITOR (METHODS/PROCEDURES/ANTI-CORRUPTION) GRADE 12 K16,231 - K19,840**

Under the general guidance of the Chief Internal Auditor, the incumbent will be responsible for:

- * Survey functions and activities in assigned areas of methods and procedures, system base audit, and anti corruption to determine the nature of operations and the adequacy of internal control.
- * Determines the direction and thrust of the proposed audit effort.
- * Plans theory and scope of methods and procedure audit, system base audit, develop and prepared audit program on fraud risk assessment, fraud control plan development and implementation.

- * Review and update the methods and procedures to be used including fraud investigation manual.

- * Perform any other duty that is directed by the Chief Internal Auditor.

QUALIFICATIONS AND EXPERIENCE

Must possess a Degree or Diploma in Accounting or Commerce from a recognised university. Must have five (5) years experience in a similar environment preferably in Financial Analysis and Fraud Investigation and minimum of two years in a management position.

(3) **INTERNAL AUDITOR** GRADE 11 - K14,274 - K17,445

Under the guidance of the Senior Internal Auditor, the Internal Auditor is responsible for:

- * Survey functions and activities in assigned areas of Finance, EDF and Operations to determine the nature of operations and the adequacy of system control for achieving established objectives.
- * Determines the direction and thrust of the proposed audit effort.
- * Plans or assists in planning the theory and scope of audit, and prepare an audit program determining audit procedures to be used.
- * Identifies the key control points of the system and maintains complete current working file.
- * Undertake other duties as directed by superiors.

QUALIFICATIONS AND EXPERIENCE

Diploma in Accounting or Commerce with a minimum of two years auditing experience required.

Written applications with curriculum vitae, copies of certificates and the names and contacts of three (3) referees to be addressed to:

The Personnel Manager
National Capital District Commission
P O Box 7270
Boroko NCD

Further details can be obtained by contacting the Recruitment Officer on Telephone 324 0722 / 727.

Closing date: 20th February 1998 at 4.06 pm.

YOUTH GROUP REGISTRATION CRITERIA

The Youth Employment Scheme (Y.E.S) is a programme designed to help youths with some form of employment. The programme is NOT to be regarded as a contract in which one person benefits. It is to help the youths, and all members of the group must benefit from the payment made.

The following criteria (procedures) shall be followed when requesting registration forms and compiling.

1. The youth Group must be Community based and affiliated to a Church or a recognised Voluntary Organisation within the Community in which the group members live.
2. The application for registration must be certified and signed by a church Pastor or an authorised Officer of the voluntary organisation. The NCDC will NOT approve any registration form if this criteria is not followed.
3. Once the NCDC youth Office approves the Registration form, the group will then be permitted to tender.
4. Registration Fee of K20.00 per youth group is non refundable and must be paid to NCDC Accounts who will issue a receipt.
5. The youth group registration shall remain in force for a period of one (1) year-till 31st November of each year.
6. Each youth group must have a minimum of (10) members aged between 12-25 years and shall produce a list of names.
7. Each youth group will be issued with identification Registration starts on 6th February and closes on 20th Feb. 1998. No registration will be entertained after 20/02/98.

For more information please contact Ken Rabura on 325 3699.

NCDC Publik Afeas Divisun i Autim dispela tok




• Lakoro Mune i wokim liklik stail bilong em long graun taim tim bilong em, Flats Steelers i bungim Warriors long pilai bilong ol A gret insait long Godens Tas kompetisen insait long Mosbi.



• ANTAP: Pilaia bilong Warriors. Joe Elena i tromoi bal i go aut long traim abrusim David Mune bilong Flats. Dispela pilai i bin kamap long Sande. wik i go pinis.




• Klia long em... Patrick Ahi wantaim bal bilong Flats i traim long brukim fowet lain bilong ol Warriors tasol i luk olsem bai nogat ya.



• Balus o pisin ? ... Wapela pilaia bilong Flats i laik flai bihainim pilaia bilong Warriors long Godens tas kompetisen.




• I kam tasol.... Namba tetin pilaia bilong Warriors i singautim poro bilong em long salim bal i kam long em tasol i luk olsem Lakoro Mune i holim pinis bal ya.
Ol poto: IVAN BAYAGAU.



Yu laik go we ah ? Geoffery Ahi i holim pasim pilaia bilong Warriors long A gret gem namel long Flats and warriors long Godens tas kompetisen insait long Mosbi.



• LEPHAN: Pablik sevan soka i kamap strong tru. Dispela gem namel long ol tisa na Elcom em i wanpela stail tu bilong ol pablik sevans.



• RAITHAN: Yu inap tru long kisim bal long em. Nogat ya. Dispela pilaia bilong Teachers i luk olsem em i wanpela stail mangi bilong pilai soka.



• Oloboi .. yu abrusim bal ya.. Namba siks bilong Elcom i giamanim pailaia bilong Teacher na baga ya i katim tasol gras ya.



• Long praivet netbal kompetisen tu i gat ol stail bilong pilai bilong ol meri. Ol meri nau i soim kainkain stail bilong pilai netbal bikos fainels bilong kompetisen i kamap klostu.



• Ol meri pablik sevans tu, ol i gat stail. Pilaia bilong POSF i giamanim pilaia bilong PNGBC na karim bal i go antap long gol. POSF i bin winim PNGBC gut tru long skoa 5 - 0.



•Tupela pilaia i strongim bun long kisim bal. Dispela gem namel long Teacher na Elcom. Ol poto: IVAN BAYAGAU.

Noten rijon basketbal resis redi long stat

ADDY LAVAKS i raitim

OLGETA basketbal asosiesen insait long Noten rijen bai statim ol pre sisen gems bilong ol long namba 22 de bilong dispela mun Februari.

Olgeta asosiesen bilong ol taun o sab-distrik nabaut stat long Wes Sepik provins i go pinis long Morobe provins i mas save nau long dispela taim bilong pri-sisen kik op.

Ol dispela toktok i kam long Noten rijenol konfrens presiden Terence Moka i tokim Wantok long ol dispela toktok long Wewak.

Em i tok tu olsem Noten rijen i mas statim ol gems bilong en hari-ap long redim ol yet long planti

Rijon Basketbal

bikpela ol pilai bai kamap long dispela yia.

Presiden bilong Wewak basketbal asosiesen long Wewak Mista Max Laivari i tokim Wantok olsem long las yia tupela asosiesen tasol insait long Momase rijen, nau Noten rijen i bin pinisim tru basketbal sisen bilong tupela em Wewak and Madang. Wes Sepik na Morobe nogat wanpela pairap i kamap long ol long dispea gem basketbal long las yia 1997. Em i tok.

Mekim na long taim bilong Nesenel taitels, All Stars sempionisip long Hagen long las yia 1997 Momase rijen Tarangu i no gat wanpela gutpela tim bilong ol man.

Ol meri i orait liklik long wanem ol meri Wewak na Madaing i bin i gat sapot long ol Lae Teck Basketbal asosiesen bilong ol meri husait i stap wantaim long Momase tru bilong ol meri.

Tasol long tupela tim bilong ol man Momase 1 na 2 em ol Madang Ramu Sugar, Markham na Wewak i kamapim.

Lae i sapos long stap na strongim tim i no bin mekim kamap long wanem i no bin i gat asosiesen long dispela taim: em i tok.

Noten Rijenol presiden Terence Moka i salim tok amamas bilong en i go long Mista Iviso Segearo long kisim sia bilong presiden long Lae Basketbal asosiesen.

Mista Segeyaso i lukim olsem i nogat wanpela samting bai

kamap sapos em i no wokim dispela muv. Em i wokim long kirapim bek spirit bilong basketbal long Lae na yumi olgeta i mas givim helpim na sapot i go long en. em i tok. Lae basketbal asosiesen i gat nem long kamapim planti ol gutpela basketbal pilaias long bipo i kam inap long nau. Hailens rijen i winim Nenesel taitels bilong basketbal long las yia 1997.

Dispela gem i no bilong ol em ol ragbi lain ya tasol nau ol i win tru long pilai basketbal bikos ol i gat gutpela na strongpela Asosiesen bilong ol. Ating sapos yumi tu long Noten rijen i laik kamap gut yumi mas strongim ol asosiesen bilong yumi, em i tok.

Wewak basketbal asosiesen presiden bilong las yia Mista

Max Lawaki i tokaut i go long ol klab long Wewak olsem bai i gat wanpela miting long Trinde Namba 16 de bilong mun Februari long ESWA Hall basketbal kots.

Miting ya em bilong tokaut long ol klabs (fainensel riport) riport bilong moni WBA i bin yusim long las yia.

Ol arapela agenda toktok bai kamap long dispela miting em long makim nupela presiden wantaim namba tu bilong en na ol arapela opisels tu.

Dispela olgeta samting i mas kamap pastaim long kamapim asosiesen bipo long pri-sisen i stat, insait long Wewak basketbal asosiesen.

Ragbi lig salim moa PNG pilai go ovasis

SAPE METTA i raitim

RAGBI futbol lig em i wanpela spot we i wok long i groap hariap tru na

Ragbi lig

i pulim pinis planti ol man stat long yangpela kris-mas olsem 8 yias na i go antap long 40 i save laikim tru long pilai. Planti ol i wok long pilai na ol arapela i no save pilai tasol ol i save bihainim dispela spot long olgeta wiken long pilai.

Planti ol yangpela i save pilai ragbi lig bikos ol i laikim tumas dispela spot. Ol i save tingim olsem ragbi lig em i spot olsem na ol i laik long pilai. Tasol sampela ol i save laik mekim nem bilong ol yet na long dispela as ol i save pilai strong. Na taim ol i mekim olsem, ol i save kamap long levul bilong makim wan wan provins bilong ol long pilai insait long semi-profesenol kompetisen olsem, inta siti na tu i go antap long intanesenol levul we ol dispela yangpela pilaias ya i ken makim kantri bilong ol olsem ol Kumul pilaias.

Tasol tingim, long pilai ragbi lig, em i no pilai - pilai spot. Na long makim nem em i no isi tu, bikos planti yangpela man i save kisim planti bagarap na sampela i save i dai tu long taim ol i save pilai insait long dispela hatpela spot.

Planti long ol dispela yangpela man i save brukim sampela bun long bodi bilong ol. Na taim ol i mekim olsem, ol i save go long haus sik na long hap ol nes, sista na dokta i save stretim ol na taim ol i pilim na lukim olsem ol i kamap orait gen, ol i save go bek gen long pilai na sapos nogat ol i ken kilim ol yet i dai long dispela spot.

Ragbi lig em i wanpela strongpela spot bilong ol kainkain sais man. Maski yu husat man i bikpela, fatpela bun nating, sotpela, longpela, liklik na bikpela interes bilong dispela spot i save pulim laik bilong olgeta sais man. Na tu ragbi lig em i wanpela bikpela spot na i luk olsem ol yangpela i save pilaim long soim strong bilong ol wanwan. Em i wankain olsem bikpela pait namel long ol dispela yangpela man we bai i ken lukim husat em i fit tru bai i ken kamap na mekim nem bilong ol.

Insait long ragbi lig wol long ol yia i go pinis na tu long nau yet sampela yangpela ragbi lig pilaias bilong Papua Niugini i pilai strong na mekim rot bilong ol i go pinis insait long ovasis ragbi lig we ol i sainim kontrak long pilai wantaim ol klab long hap.

Philip Ralda bilong Hagen i bin i go pilai long Inglan na bihainim em long nau yet Stanley Gene bilong Goroka na John Okul bilong Lae i stap nau long Inglan na pilai i stap.


Long French em Richard Wagambie bilong Pot Mosbi i bin i go na long Ostrelia moa long 10 na 12-pela pilaias i bin sainim kontrak long hap na pilai pinis long lowa gret divisen kompetisen.

I stap yet na mekim bik taim ragbi lig long ARL na supalig long Ostrelia em Marcus Bai. Long taim Bai i kisim kontrak wantaim Gold Coast Chagers, em i goap stret long pilai insait long sinia 'A' gret divisen las yia na i bin pilai long tru.

Dispela yia em i sainim kontrak kam long pilai long Ostrelia tasol dispela taim wantaim narapela nupela klab, em Melbourne Storm.

Sampela ol arapela pilaias bilong PNG tu i stap long ovasis kontrak long Ostrelia na i wok yet long pilai long hap. Tasol ol dispela pilaias i pilai nait long kantri kompetisen.

Wanpela long ol dispela pilaias em stail mangi bilong Lae Bombers intasiti ragbi lig klab, Mathew Elara i bilong Enga tasol em bin go daun long Lae



• Mathew Elara.

na wok long hap bihain long em i bin pinisim skul bilong em. Bikos long bikpela laik bilong em long pilai ragbi lig Elara i joinim Morobe Tigers klab long 1990.

Tupela yia bihain na em i go insait long Lae Bombers sait long pilai long inta siti kompetisen stat long 1993 i kam antap long 1995. Long 1996 wantaim helpim bilong kosa Bob Bennett, Elara i lusim graun bilong PNG na i flai i go daun long Kwinslen we em i sainim wan yia kontrak wantaim wanpela kantri klab na i pilai long ol kompetisen long hap.

Elara i pilai hat tru na strongim sait na kona bilong em, na bikos long dispela pasin klab bilong em i givim kontrak bilong narapela tupela yia we em bai is tap na pilai yet long hap.

Taim Wantok i askim em long ol kondisen bilong pilai na i stap long Kwinslen, Elara i tok klab bilong em yet i painim wok, haus na gutpela sindaun bilong em. Na antap long dispela ol i save baim em gut bihain long olgeta kompetisen gem.


Elara i tok, long bipo i nogat planti gutpela sans bilong ol yangpela PNG ragbi lig pilaias long sainim kontrak wantaim ol klab long ovasis long go daun na pilai long hap. Tasol nau insait long dispela taim i gat moa sans.

Em sapos ol yangpela pilaias ya i ken strongim ol yet olsem mipela opim rot na wokim pinis, na pilai ekstra strong long kamap long dispela mak bilong sainim kontrak na pilai long ovasis," Elara i tok.

Em i tok, "save i stap long yupela ol yangpela. Sapos yupela laik mekim bik taim futbol, pilai strong na mekim wei bilong yupela i go antap."

TOKSAVE:

Blue Kumuls soka klab, Dispela toksave i go long ol pilaias bilong Blue Kumuls Soka Klab olsem bai i gat trening bilong yupela bai kamap long Tunde na Fonde long sem hap o l p e l a Steamships pilai graun. Husat nupela pilaias laik joinim kam tasol.



• Bikpela soka salens bilong NCD Pablik Sevans olgeta wiken long Mosbi.

Telikom winim 7's long Lae

BUSTIN ANZU i raitim

Telikom Ragbi Union Tim long i winim Morobe Ragbi Union 7's taitel long Lae na winim K300 kas mani bihain long rausim trausis bilong Yunitek 29-12 long Sir Ignatius Kilage stadium long las wiken.

Dispela 7's kap i kamap long gutpela tingting bilong Kemke Pamesi. Stail mangi bilong Telikom Kwari Tau na ol mangi lainsman i bagarapim sindaun bilong ol sumatin long namba tu hap wantaim 7-pela trai long kisim dispela kap bihain long hap taim skoa em 12-12.

Ol sumatin i putim 2-pela trai na wanpela konvesen kik long pes hap tasol ol mangi bilong telepon i bekim wantaim wanpela trai bipo long hap taim malolo.

Long memba tu hap Telikom i pasim toktok gut tru na pairapim banis bilong ol sumatin klostu klostu. Ol sumatin i lukim dispela na mekim planti paul pasin we ol Telikom i ron-awe wantaim dispela win.

Long ol narapela fil Harlequins 1 rausim Defence 2 10-5 long kisim K200 long Bowl divisen, Defence 1 memeim Pirates 2 24-0 wantaim K100.

Hot fevoret bilong 7's Royals Reds na Blues i no poketim sampela

Ragbi Yunion

bilong ol dispela mani long semi bilong kap na plet fainols, Unitek 2 na Defence 2 i bagarapim ol plisman wansait stret.

Prais mani bilong plet divesen em wanpela bikman bilong Intenesenol Fud Kopresen (IFC), Luke Suro i putim na Seeto Kui Holsel i putim bilong Bowl divesen.

Ol ofisal bilong Morobe Ragbi Yunion tu i kolim nem bilong 24 pilaim bai stap long trening skwat bilong pilai long nesenol tonamen bai kamap long mun Mas. Ol tu i makim tupela tim Hammerhead SHarks pes na seken. Long dispela 24 bai i go long tupela tim olsem 12-pela na fainol seleksen bai kamdaun long 10-pela pilaias tasol long ron long nesenol 7's tonamen.

Tim 1 em Lukie Karon, Hendrix Kafur, Tolip, Lukas Watur, John Tikar, Tau Leo, Kwari Tau, Alby Teno, Roland Muti, David Kamilus, Chris Sadigrone na Jack Tukana. Kosa Ephram Tavus. Tim 2: em Aeim Pilakos, Conrad Pinia, Gula, Ari Peter, Minemba Dope, Tati Sereson, Nick Mayong, Wilford Mota, John Asimda, Michael Kari, Michael Steven, Noibona Kosa, David Tiki.

Marcus he;pim tim bilong em long nekim Adelaide Rams

RAGBI LIG RIPOT

INTANESENEL ragbi lig pilaia Marcus Bai i putim wanpela trai taim tim bilong em Melbourne Storm i autim tiket bilong Adelaide Rams 26-22 insait long trail gem bilong Nesanel Ragbi Lig ov Australia.

Ripot i kam long AAP nius sevis i tokaut olsem Bai i pilai gut tru. Em i skorim trai taim Rams i kikim lain dropaut na em i ketsim bal na brukim difens bilong ol na putim trai long kona. Bai i pilai winga.

Tim long Melbourne i kamapim gutpela gem tasol tupela pilaia bilong ol i kisim bagarap. Fulbek Robbie Ross na huka Danny Williams i kisim bagarap long solda bilong em. Kosa bilong Melbourne Chris Anderson i amamas long namba wan gem bilong tim bilong em. Tasol em i ting olsem i gat plenti moa wok em i mas mekim long polisim timwok.

Kosa bilong Adelaide Rams Rod Reddy i amamas tru long gem long namba tu hap bilong pilai. Em i givim sans long olgeta 20 pilaia husat i stap long A grade skwat bilong em. Em i tok ol i no putim gutpela was na ol liklik asua nambaut tasol i mekim tim i lusim dispela gem. Melbourn i kamapim gutpela gem tru na win 14-0. Tasol ol lain Rams i mekim gutpela pilaia na klostu holim ol.

Ol arapela pilaia bilong Melbourne i kamapim gutpela pilai em Aaron Moule, Robbie Kearns, na Rodney Howe. Samting olsem 2,500 pipel long Hobart i bin kamap long lukim dispela gem.

Kaindi i stapim Fisika long Wau Soka resis

WAU SOKA RIPOT

ARI GUH DANDEE i raitim

KAINDI Soka klab i bin tokaut klia long tingting bilong em olsem, long dispela yia Fisika soka klab no inap daunim em gen, taim tupela bin bungim pes insait long wanpela strongpela pilai bilong soka insait long Wau long las wiken. Dispela tupela soka klabs i bin pait insait long gren-fainel bilong Wau Soka Asosiesen long las yia 1997 wei Fisika i bin nekim Kaindi 2-1 long holim taitol bilong Wau soka resis long las yia.

Tasol long las wiken Sarere, Kaindi i bin tok nogat olgeta long Fisika taim tupela i bin bungim pes gen insait long wanpela strongpela pilai bilong pri-sisen bilong 1998, dispela i soim tru olsem Fisika bai i mas was gut sapos Kaindi i tingting long bungim em gen long dispela yia long wankain ples gen.

Dispela strongpela pilai bilong tupela klab ya, i mekim na planti ol sapota i no sindaun gut bikos, planti i salim tingting gen long 1997 taim tupela i bin brukim fainel long gren bun. Ol sappotas bilong Fisika i bin sikirap tru long sait long olsem, Fisika i mas nekim ol Kaindi tasol ol boi bilong Kaindi i no laikim tru tingting bilong ol sappotas bilong Fisika taim ol i wok singaut aut sait long soka graun. Tim kepten bilong Fisika Sam Farok i bin kamapim wanpela strongpela tim long dispela taim wantaim ol lain ap bilong ol pilaia long traim daunim ol Kaindi long dispela taim. Tasol plen bilong em i abrus liklik bikos, kepten bilong Kaindi Gabriel Rastaraon i bin kamapim gut tu tim bilong em long stapim Sam wantaim ol pilaia bilong em.

Sam i bin wok hat tru wantaim ol boi bilong em olsem John Soka, Daniel Mark, Zinia Aling, na Lazarus long kapsaitim ol Kaindi, tasol ating tim keptain bilong Kaindi i no laikim bai ol Fisika i tok bilasim ol. Olsem na em, Gabriel i bin wok hat tru long soka pil wantaim halivim bilong Andrew Dengo, long beklain wantaim halivim bilong Giding, Greg na Willing Sine long midfild na holim pasim ol strongpela kik bilong ol boi Fisika. Taim Wantok i bin toktok wantaim kepten bilong Kaindi, Gabriel Rasta Raon, em i bin tok em i kisim save pinis tingting bilong ol Fisika olsem, ol i laik soim wankain stail bilong 1997 gren fainel sisen olsem na em i bin kamapim wanpela gutpela sait tim bilong ol long stopim ol Fisiks long i no kaskas long ol. Em i tok tu olsem, em i amamas tru long lukim ol olgeta boi bilong em i bin pilai strong tru long stat bilong pilai inap long pinis.

Sam Farok long wankain taim tu i bin tok, olsem ol boi bilong em i no bin kisim bek gut tingting bilong pilai bihain long las yia wei ol sisen pilai i stat. Na dispela i givim bikpela hevi long ol boi bilong em long ron i go i kam hariap long soka fil na tu long muvim bal i go i hariap. Em i tok planti ol gutpela soka inap long kamap taosi ol boi bilong em i pilim bikpela hevi long lek bilong ol taim ol i wok long sutim bal i go long gol kipa wei bol i no ron strong tumas. Sam tok tu olsem, planti ol boi bilong em i bin tingim tu pilai bilong gren fainel long las yia 1997, olsem na ol i kisim gut strong long pilai tasol em i bin amamas tru olsem ol Kaindi i bin sensisim stail bilong pilai wei ol i bin holim Fisika long nil-nil pilai insait long dispela strongpela pilai bilong tupela.

Morobe kantri lig laik daunim namba bilong tim

RAGBI LIG RIPOT

HENRY MORABANG i raitim

MOROBE Kantri Ragbi Lig bai katim namba bilong ol tim long dispela yia.

Siaman bilong Morobe Kantri Roy Miringke i autim dispela toktok bihain long wanpela eksekutiv miting bilong ol long las wik Sande.

Insait long miting, ol i pasim tok olsem dispela yia bai igat tripela tim tasol tupela sinia tim na wanpela junia tim. Miringke i tok ol bai i no inap

bihainim pasin bilong 6-pela tim.

Miringke i no tokaut long wanem as em i mekim dispela ol senis. Miringke na ol eksekutiv bilong em i gat tupela yia i stap yet long holim opis olsem opisal bilong Morobe Kantri Lig.

"Mi wantaim ol eksekutiv bilong mi i trai hat tru long bringim na strong ragbi lig insait long Lae bihain long olpela siaman Kuma Manoba i

pinis nating long 1993. "Insait long ol dispela yia, mipela i mekim ol gutpela wok long kamapim gutpela sindaun na bungwantaim ol pipel insait long ol komyuniti na tu long Lae siti."


Miringke i tok ol i laik holim o strongim gutpela wok wantaim Morobe Provinsal Gavman, Lae Siti Atoriti na ol kampani insait long Lae.

Em i tok divisen bilong Spots na Kalsa i tru i soim bikpela amamas tru yia. "Bikpela astingting bilong Morobe Kantri

Lig em long strongim ragbi lig olsem ol arapela spot i save mekim we i yusim olgeta yangpela i stap nating long mekim wok bilong ol."

Miringke i askim ol klap husat i laik pilai i mas baim afiliesen fi K300, na mas redim olgeta ripot bilong president, mani, na ol sponsa.

Siaman tu i mekim bikpela tok tenkyu long ol sapota, pilaia long sapatim Morobe Kantri Lig. Na bikpela tenk yu tru i go long Rothman kampani long sponsarim ol anihit long smok nem, Mutrus.



• Susa bilong BPNG i stapim bal na laik trikim pilaia bilong IRC. Dispela em soka resis bilong ol meri insait long NCD Pablik Sevans soka resis long Mosbi. Foto: Ivan Bayagau.

PMSA Laik apim pilaia registresen fi

MOSBISOKA RIPOT

POT Mosbi Soka Asosiesen (PMSA) i tingting long apim registresen fi bilong ol pilaia long dispela yia.

Presiden bilong PMSA Mark Kelep i mekim dispela toktok bihainim sampela tingting o senis PMSA bai bungim long nupela soka sisen.

Nupela registresen fi bai sanap olsem K25-30 long olgeta primia pilaia na K20 long ol pilaia long arapela divisen. Bipo pe bilong pilaia

registresen i stap olsem K20 i karamapim primia, Wimens 1 na Namba wan divisen, K15 i karamapim ol arapela divisen na K10 bilong Andæ 19.

Kelep i tok dispela ol tingting we ol ekskyutiv i tingting long mekim. Sapos ol lain i no amamas long dispela tingting, ol i mas kamap long anuel jeneral miting long Februari 28 na toktok long en.

Presiden i tok insait long miting ya ol bai tokaut long ripot bilong mani, ripot bilong presiden, 1998 soka kalenda na ileksen bilong ol nupela opisal.




Em i askim ol klap opisal na mausman long kamap long dispela miting. Miting em i bikpela samting tru, na sapos olgeta opisal na mausman i

kamap, dispela i ken stretim ol hevi i wok long kamap.

Kelep i tok long miting, ol bai makim de bilong pri-sisen. Dispela kik resis bai kamap bihain long gren fainol bilong Pablik Sevans soka. De bilong pri-sisen em long Mas 14, na em bai ran long 4-pela wik. Gren fainol bilong PMSA pri-sisen em long 10-14 Epril.

Sisen propa bai stat long Epril 18-19.

WANTOK SPOT



PEPSI PUBLIC SERVANTS SOCCER DRAWS

Saturday 14/02/98

Bisini One

7.50	H/Board vs Defence	W1
9.10	Bank of PNG vs UPNG	W1
10.30	NSO vs Attorney General	M2
11.50	Telikom vs POSF	W1
13.10	Teachers vs IPA	M2
14.30	Teachers vs Works	W1
15.50	Elcom vs Harbours Board	M2

Bisini Two

7.50	Attorney General vs NSO	W2
9.10	NSO vs ICPNG	W2
10.30	NCDC vs Works	M1
11.50	NCDC vs IPA	W2
13.10	POSF vs Telikom	M1
14.30	Transport vs Finance	W2
15.50	ICPNG vs UPNG	M1

Sunday 15/02/98

Bisini One

9.10	PMGH vs A/General	W2
10.30	PNGBC vs NPF	W1
11.50	DAL vs Post PNG	M2
13.10	Fisheries vs H/Board	W1
14.30	IRC vs Defence	W1

Bisini Two

9.10	PNGBC vs Fisheries	M1
10.30	C& Industry vs NSO	W2
11.50	DCA vs NPF	M1
13.10	Elcom vs Finance	W2
14.30	NSO vs Transport	M2

Bye: M1- Air Niugini
W2 Air Niugini

Teams that have completed their full round of the games

M1 UP G, Education, NBC, IRC and Defence

M2- CMB, BPNG, Diwai, and PMGH
W1 Education and NBC.

MID WEEK GAMES

Monday 16/02/98

Bisini Two

4.20 NSO vs Transport W2



Lukaut long ol... • Gutu Kwalana soka tim husat i bin stap long kik resis bilong Makerupu spot festival insait long Sentral provins. Foto: Scott Vavine.

PNG Kumuls bai train Osenia 9s Ragbi salens

HENRY MORABANG i raitim

PAPUA Niugini bai go stap long resis bilong Osenia Nains ragbi lig tonamen long Suva, bik-siti bilong Fiji.

Dispela tonamen bai kamap long Mas 6-7 i pulim arapela ol Saut Pasifik kantri olsem Samoa, Cook Ailan, Tonga na Nu Silan. Tim bilong Nu Silan bai i no inap kisim ol pilai long Auckland Warrior.

Siaman bilong PNGRFL Kevin Murphy i autim dispela toktok long las Fraide olsem Osenia Nains i kisim ples bilong Wol Nains.

Intanesenel Ragbi Lig Bot (IRLB) i stapim Wol Nains bikos long ol toktok i kamap namel long Supa Lig na ARL. Dispela i as watpo na IBL i stapim gem bikos i no gat inap taim long stretim ol pilai samting.

Murphy i tok PNG i no amamas long tingting bilong IRLB. Em i tok siaman bilong IRLB Maurice Lindsay i no tingim ol arapela memba kantri na stapim Wol Nains. Em i tingim tasol Nu Silan, Australia na Inglan.

Planti ol Pasifik kantri i save yusim dispela Wol Nains tonamen long makim kantri bikos ol i no

profesenel pilai, ol i amamas tasol long makim kantri ya. Murphy i tok PNG i tingting long putim kamap dispela gem tasol IRLB i givim long Fiji bikos em i stap namel long olgeta arapela kantri.

Siaman tu i tingting sapos IRLB i rausim Wol Nains, i luk olsem Wol Kap tu bai aut ya. Ino longtaim i go pinis, Lindsay bilong IRLB i tingting long kamapim salens namel long tripela biknem kantri Australia, Nu Silan na Inglan.

Murphy i tingting planti olsem bai IRLB bai autim tu Wol Kap. Insait long plen bilong wol kap, Saut Afrika na Samoa bai pilai long PNG. Wol kap ya bai kamap long Nu Silan na Australia.

Long stretim olgeta toktok, ol kantri insait long Osenia i askim pinis Maurice Lindsay long kamap long Osenia Nains na tokaut long plen bilong Intanesenel Ragbi Lig Bot long Fiji.

Tim bilong PNG: Max Meia (Kimbe), Andrew Norman, Robert Sio (Lae), Zackery Kipsy, Robert Tela (City Cowboys), James Kops, Max Tiri, David Gomia (Mt Hagen Eagles), Fatty Buka (Goroka Lahanis), Raymond Karl, Ruben Riung (Kagua), Ezekiel Ben (Minj), Chris Lome, Alex Krewantly, John Wilshire, William Wilshire, Bruce Mamando, Stanely Gene, John Okul na Marcus Bai.

LFA statim 1998 sisen

BUSTIN ANZU i raitim

LAE futbol Asosiesen (LFA) Pak bai paia long dispela wik Sarere long statim 1998 sisen bilong ol wantaim LFA Kap. Ol bais statim wantaim pri-sisen vais Presiden Teknikol John Pkea i tok.

Dispela pri-sisen bai ron long tupela wik we 14-pela tim bai pilai na tu bai i gat rāun robin we ol tim bai i gat sans long pilaim ol narapela faivpela o siksipela taim. Bipo i no olsem. Ol i save pilaim nok-aut na tim i mas lus na lus olgeta. Tasol dispela lo i senis long dispela yia.

Peka i tok tu olsem dispela kain gem em long ol kosa i ken luksave long ol wanwan pilai bilong ol olsem wanem ol bai wokim stail bilong ol long pilai. Long dispela ol kosa ken luksave long ol pilai bilong wanwan pilai na redim ol long sisen propa bilong dispela yia.

Em tu i tok nau yet interes bilong LFA i gutpela na i luk olsem dispela sisen bai olgeta samting i orait stret. I no olsem bipo we mipela i save painim hevi long ranim dispela asosiesen. Nau planti ol liklik sevis bai kamap. Em i tok pastaim i save gat 12-pela tim long resis insait long LFA Kap tasol nau ol i kisim narapela tupela tim na bai mekim namba bilong en i go antap long 14 tim.

Na tu ol bai stap insait long tupela pul. Pul wan em Mopi, Faze, Tarangau, Bara na Tolec Buresong. Paul tu em Blue Kumuls, Mitif, Topick, Poro, Pastai na Busu United. Narapela tupela tim Zaura na Nadzab i no stretim ol pepe na narapela ol liklik samting tasol bihain ol i stretim bai joinim wanwan pul na mekim wanpela pul 7-pela tim.

Dispela LFA Kap pri-sisen gem bai kamap long ol dei 14, 15, na 22 bilong mun Februari 1998 yet. Fanels bai kamap long Februari 22.

WIN A CAR IN THE PEPSI MEGA DRIVE-AWAY.

COLLECT 5 RING PULLS MARKED "CAR" FOR A CHANCE TO WIN A TOYOTA RAV 4, OR ONE OF 2 HILUX SINGLE CAB UTES OR ONE OF 10 PORTABLE CD CASSETTE STEREOs.



Craft Works 6206

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.